

Yama tok ol pipel i kisim taim yet

HILDA WAYNE i raitim

PLANTI ol pipel long ol asples eria bilong Papua Niugini i wok long karim hevi yet maski kantri i kisim independens long taim bikos gavman i no save skelim gut mani bilong developmen. Mema bilong Usino-Bundi Peter Yama i tokaut long palamen aste olsem planti ol pipel long ol asples eria long kantri i bin stap isi na maski planti gavman i kam na go ol pipel i wok long wetim yet developmen.

Mista Yama i tokaut taim ol ovasis helpim (olsem Wol Benk na Intanesenel Monitari Fond) i save kam insait long kantri em i save go long developim na stretim ol infrastraksa na rot na gavman sevis developmen long ol taun na siti eria tasol na olgeta pipel bilong kantri husat i stap long ol ples i wok long karim hevi yet.

Em i tok ol pipel olsem long kain ples olsem Nuku, Gailala, Usino-Bundi na planti ol liklik ples long kantri we ol pipel tru i stap em ol gavman i save pasim ai na i no save harim kraik bilong ol na dispela pasin i mas senis na larim sevis i go stret long ol pipel long ol rural eria.

Mista Yama i tok 85 pesen bilong ol manmeri bilong PNG i stap long ol asples tasol ol helpim mani i kam bilong developmen i go long ol bik taun na siti na dispela pasin i mas senis sapos yumi laik toktok long tru developmen. Narapela samting em i toktok long en em long sait bilong ovasis lain

husat i save kam insait long kantri wantaim mani na ol helpim bilong ol.

Mista Yama i tok planti taim ol i save givim moa toktok long wanem hap ol i laikim mani bilong ol long go. Ol bai kisim ol konsalten bilong ol yet long sekim na lukim olsem wok em ol yet i laikim i mas karim kaikai.

Tasol em i tok dispela i no save helpim gavman long strongim ol developmen plen na polisi bilong en.

Mista Yama i tok i gutpela

olsem ol ovasis lain i laik wok bung wantaim tasol planti gutpela Papua Niugini save manmeri i stap husat i ken putim gutpela lukaut long mani bilong ol.

Em i bin askim Minista bilong Woks Gabriel Kapris inap long em i ken lukim olsem ol rural eria i ken kisim mani i kam long ovasis bai mani i kam go stret long ol rural eria tu.

Mista Kapris i bekim toktok bilong Mista Yama olsem i tru olsem ol ovasis

helpim i save toktok long mani bilong ol tasol em i tok dispela i noken kamap na larim gavman yet i ken go pas long lukluk long skelim ol helpim bai dispela mani i ken strongim na mekim ol plen bilong gavman long developmen i ken karim kaikai.

Em i tok long sait bilong rot na bris developmen, em i save olsem mani i save go stret long olgeta provins na i gat ol sistem i stap we ol dispela mani i mas bihainim.

Mista Kapris i tok bai i moa gutpela sapos gavman yet i ken putim moa toktok na plen bilong lukim ol gutpela plen bilong developmen i ken go het long kantri.

Em i wanbel long toktok bilong Mista Yama olsem ol ovasis lain i noken putim planti toktok long wanem hap mani bilong ol bai i go na larim gavman yet i ken givim bikpela tingting long dispela.



Ol sumatin soim prais • Ol skul sumatin bilong Intanesenel Skul long Lae i soim ol prais bilong ol we ol i kisim long skul resis insait long Lae siti long las wik.

INSAIT

Singaut long K1.9 milien bilong Bialla hevi pes 2

Ol ripot bilong palamen pes 3

Toktok bilong Bernard Narokobi pes 4

Ol nius long rijon pes 5-8

Ol nius long ovasis pes 19-20

Ripot bilong PNG soka akedemi

Insait Ripot bilong sik Malaria

UMW

EXPECT GREAT THINGS

Niugini Limited



**Pawa long Ensin.
Long-Life Pennzoil
Motor Oil**



**Hevi Duti
Lubriken long
ensin.**

PORT MORESBY BRANCH
Morea Toba Road
P.O. Box 5243 Ph: 325 5766
Boroko, NCD Fax: 325 0805

LAE BRANCH
Seagull Road, Vojo Point
P.O. Box 1729 Ph: 472 2444
Lae, M.P. Fax: 472 3342

LIHIR BRANCH
C/- Lakaka
FMB Lihir Island Ph: 986 4194
New Ireland Province

VANIMO BRANCH
P.O. Box Vanimo
Sandaun Province Ph/Fax: 857 1437

KOKOPO BRANCH
Cnr Tokua Gelagela Rd.
Kokopo Ph: 982 9799
Fax: 982 8979

Padio bungim Sir Peter long kisim K1.9 milien Ulamona birua mani

WES Nu Briten Etnimistreta William Padio nau i stap long Mosbi long toktok wantaim Inta Gavman Rilesens Minista Sir Peter Barter long rilisim dispela K1.9 milien i go long Bialla Disasta eria.

Long ol ripot we Wantok i kisim, opis bilong etnimistreta i tok em bin givim pinis ripot long rot em bin yusim mani long en long Maunten Pago birua long stat bilong dispela via i go long Nesenel Disasta Menesmen tim na kisim nupela daireksen long Sir Peter Barter bilong noken rilisim dispela K1.9 milien bilong Ulamona birua inap gavman i kisim Pago ripot.

Opis i tok taim ol i kisim dispela daireksen o toktok, ol i paubikos ol i givim pinis dispela Pago birua ripot long Nesenel Disasta Menesmen opis long Waigani. Na ol i askim sapos ripot i go tru tru long han bilong opis ya long dispela ya.

Ol ripot i tok opis bilong Wes Nu Briten Gavana Clement Nakmai i tok tu olsem ol i wokim pinis Pago ripot tasol toktok bilong Minista long Mas 24, i kamapim paul tingting.

Tasol nau Etnimistreta Padio i stap long Mosbi long lukim Sir Peter sapos gavman i ken rilisim dispela mani long helpim ol pipel long en.

Wantok i no bin inap long kisim sampela toktok long opis bilong Sir Peter.

Plis nogat rait long stopim strit maket

HILDA WAYNE i raitim

PIPEL husat i save salim kaikai long sait bilong ol rot long ples olsem Mosbi siti i mas kisim dispela toksave olsem ol i gat rait long mekim dispela wok na plis i nogat rait long paitim na mekim nabaut long ol.

Dispela toktok i kam long hetman bilong plis long Mosbi Suprintenden Emmanuel Hela toktok taim em i bungim ol nius lain na sapotas bilong Infomal Bisnis sekta.

Mista Hela i tokaut olsem dispela pasin bilong ol plis i save paitim na kisim ol buai na kaikai bilong ol manmeri long strit em ol i save rong tru long mekim olsem na bai ol plis yet i gat sas sapos ol i mekim olsem.

Em i tokaut long ol pipel husat i kamap long dispela bung olsem mak long seven-

pela plis opisa i kisim pinis sas long kain hevi ol i save kamapim long ol pipel long strit.

Mista Hela i tok moa yet em ol i bin dau-nim ol long posisen bilong ol bihain long ol i bin painimaut olsem dispela kain pasin ol i save mekim long ol pipel.

Dispela hevi bilong plis paitim ol strit maket lain husat i save salim buai, kiau na ol arapela kaikai i wok long bikpela tru bikos ol plis i wok long paitim ol pipel na kisim kaikai na mani bilong ol.

Kain wok ol i liklik lain long strit i save mekim em ol i save kolim infomal sekta bisnis na dispela kain wok em ol pipel husat i nogat save bilong ol yet na ol i save mekim kain wok bilong sapotim famili bilong ol yet long siti.

Suprintendent Hela i tokaut olsem wan-pela rong we i save stap em taim ol pipel husat i baim buai na ol kain kaikai na tro-

moi pipia nabaut long ol strit.

Dispela ol lain husat i mekim pipia em ol tasol i brukim lo na ol lain husat i salim kaikai samting long strit i no save mekim wanpela rong.

Em i pes taim tru hetman bilong plis i kamaut long toktok klia long dispela hevi na ol pipel i mas save olsem ol i gat rait long wanem samting ol i mekim na plis i noken rabisim na paitim ol nating.

Husat lain i gat komplek long plis i save paitim ol orait ol i mas go long 6-Mile plis stesen na mekim komplek bilong ol long hap na noken lusim tingting tu long kisim plet namba bilong wanem ol plis kari raun na bagarapim ol pipel.

Mista Hela i tok sapos ol plis mekim rong orait ol i yet i mas baim na plis dipatmen na plis fos i noken karim hevi bilong wanwan plis lain husat i mekim rong.

Pipel i stap long hevi yet

... provinsel gavman i mas givim ripot bihain long helpim bai kam

VERONICA HATUTASI i raitim

STRONGPELA singaut i go long Nesenel Gavman long rilisim o givim K1.9 milien hariap we em bin katim long helpim ol pipel long Ulamona eria insait long Bialla Distrik long Wes Nu Briten we bikpela taiswara bilong maunten paia Ulawon i bin bagarapim ol long mun Mas bilong dispela ya.

Em i apil tu long gavman bilong makim narapela grup olsem sios, long lukautim mani na ol bai wokim gutpela ripot long rot bilong yusim mani.

Peter Saroya husat i bosim Sotel Konsens desk wantaim PNG Kaunsil ov Sios (PNGCC) i bin wokim dispela singaut bihain long em i bin mekim wanpela wok painimaut insait long wokabaut bilong em i go long Ubili Viles long Ulamona eria las wik.

Em i painimaut tu olsem Gavman i no inap long givim dispela K1.5 milien inap long em i kisim ripot i kam long Wes Nu Briten Provinsel gavman long rot we ol i bin yusim ol mani we gavman i bin givim long helpim ol lain i kisim birua long maunten paia Pago disasta, em i no wanbel stret. Na em i singaut long gavman long noken larim ol pipel i stap long hevi bikos long samting we sampela lain i no wokim,

na i no asua bilong ol.

Long dispela wokabaut we i bin kamap namel long Me 14 inap long de namba 17, Mista Saroya i bin makim PNGCC long lukim ol bagarap ol pipel i kisim, ol hevi ol i stap long en na sapos ol i kisim helpim pinis i kam long Nesenel Gavman.

Mista Saroya i tok i kam inap nau, moa long 3,000 pipel bilong ples Ubili husat i bin kisim bikpela bagarap taim taiswara bilong Maunten paia Ulawon i bin bagarapim ol haus na ol gaden kaikai i no lukim o kisim wanpela helpim i kam long gavman o ol arapela helpim grup.

Em i tok Katolik Sios tasol i helpim ol Ubili pipel taim Ulamona Katolik Misin i givim faivpela haus bilong em long stesen we ol pipel i stap nau long em taim ol i wetim helpim na tu, long ples i kamap orait bek.

Mista Saroya i makim maus bilong PNGCC na putim tripela askim i go long Nesenel Gavman long:

- Hariap na rilisim dispela K1.9 milien na makim wanpela grup na givim ol mani bilong helpim ol lain i stap long hevi;
- Askim ol arapela helpim grup long helpim ol Ubili viles pipel long bildim ol haus bilong ol; na
- Askim ol sios long givim helpim long wanem rot ol i ken.

Mista Saroya i tok dispela birua we media na gavman i bin toktok bikpela long en i bin kamap nogut stret namel long Mas 14 na 17 i bin karamapim hap eria inap long 250 kilomita insait long wanpela awa na bagarapim planti ol haus long Ubili viles. Tu em taiswara i bin karim na bagarapim tupela kakao draia haus we ol pipel i bin yusim long kisim mani long en.

Em i tok olgeta haus long Ubili viles i em ol gutpela bikpela haus we ol i wokim long kapa na timba.

"Mi sori nogut tru long lukim na harim birua i kamap na kain situesen ol pipel long Ubili viles i stap long en. Dispela birua ol pipel i bungim i bikpela tru tasol ol i no kisim wanpela helpim. I kam inap nau, ol i kisim tasol helpim long Ulamona Katolik Sios we i givim ol faivpela haus long ol famili i ken stap long en, tasol ol i no lukim wanpela helpim long sampela arapela lain.

Mista Saroya i tok em i bin painimaut olsem Katolik Sios i bin helpim ol Ubili viles pipel long wokim ol gutpela haus kapa na nau birua i bagarapim planti bilong ol na bai em i kostim bikpela manimak long bildim ol nupela haus, "Mista Saroya i tok.

Em i tok PNGCC i wari tru long ol pipel i lusim ples bilong ol na ol i nogat haus long stap

gut long en, tasol maski ol i bungim hevi, nogat lain i bisi tumas long ol.

Em i tok samting olsem 10 na 15-pela famili i stap long wanpela haus we Katolik Sios i givim long ol na tu, long dispela ol haus long ples we i sanap i stap yet. Tasol em i tok sapos ol i givim ol kanvas, em bai orait liklik bikos ol wan wan famili bai wokim ol hap bilong ol yet long stap long en.

Em i tok sapos gavman na ol atoriti i no stretim ol wantaim haus, moa hevi bai kamap.

Em i tok hevi i kamap pinis long sait bilong helt long wanem flu i bruk pinis long ples Ubili na tripela pikinini i dai pinis.

"Gavman i bin tok long givim K1.9 milien bilong helpim Ulamona birua tasol askim i kamap we dispela mani i go long en. Long ol ripot mi kisim, Wes Nu Briten Provinsel gavman i mas wokim ripot long rot em i yusim disasta mani bilong Maunten paia Pago bipo long em i rilisim dispela mani. Tasol gavman i noken holim bek mani long birua i kamap long narapela eria na ol pipel i kisim taim," Mista Saroya i tok.

Em i tok ol pipel i wokim ripot bilong ol pinis na ol i laikim samting olsem K866,560 long bildim bek ol haus kapa we taiswara birua i wasim na karim i go.

WANTOK

All departments. Phone: 3252500 - Fax: 3252579
P. O. Box 1982, Boroko, NCD, Papua New Guinea.

Publishing Weekly, Wednesday, for Word Publishing Company Ltd.

Printed and Published by Jeremy Burgess, at Allotment 2, Section 209, Spring Garden Road, Hohola, for Word Publishing Co. Ltd.

General Manager: Jeremy Burgess	Papers distributed by air throughout PNG.
Acting Advertising Manager:	Available by air mail subscription within Papua New Guinea and overseas
Editor of Wantok: Yakam Kelo.	Email address: word@global.net.pg

Advertising deadlines, Display bookings: Tuesday midday. Camera ready copy: Tuesday midday. Classified Advertising: Tuesday 5pm.

Word Publishing Company Ltd. is owned by the four major churches of Papua New Guinea: Catholic 55%, Lutheran 25%, Anglican 10% and United 10%. The company reserves the right to accept or reject any advertisement or other material submitted for publication which it deems contrary to the public interest at its absolute discretion. The publisher's general terms acceptance are available at Word Publishing Company Ltd. and are set out in full on the reverse side of its official display Advertising Bookings form.

TORO

TORO SAVE LEIT OL GETA TAIM LONG WOK NA BOSS I HATIM EM...
TORO, MI AMAMAS LONG WOK BILONG YU... TASOL WAI NA YU SAVE LEIT TUMAS!
SORI BOSS! HANG PULAP NA PLANTI NOIS NA...

NAU EM TINGTING LONG GO LONG OPIS ELI TRU NA EM LONG JOHNSON PAMESI NA BAIM OL MARASIN BILONG SILIP HARIAP... (SLIPING PILS)
BAI MI DRINGIM DISPELA SILIPING PIL NA SILIP ELI TRU... MI BAI KIRAP BIK MONIN NA GO WOK...
NAU EM DRINGIM MARASIN INAGO SILIP...

TRAIPELA MONING TRU EM KIRAP NA PESMAN STRET EM STAP LONG OPIS...
HE! HE! HE! MI ELI TRU... BOSS BAI AMAMAS MAS TRU LONG MI!
EM SO-OFF STRET... EM TING BAI BOSS I AMAMAS...

NAU BOSS I KAM INSAIT NA TORO I MEKIM BIKPELA SMAIL LONG EM...
MONING BOSS! YU TING WANEM MI ELI TRU!
OH, YEAH! MI AMAMAS LONG YU KAM ELI TUDE...
TASOL ASTE NA HAP, ASTE YU STAP WE, AH!
TORO INO SAVE OISEM MARASIN I KIKIM EM NA EM SILIP TUFELA DEIS.

Rural pipel nogat gutpela bris

PLANTI pipel long ol rural eria bilong Papua Niugini i save karim hevi bikos long hevi bilong ol bris i save bagarap na planti gavman i no save stretim hevi bilong ol dispela pipel.

Memba bilong Okapa Tom Amukele i tokaut olsem planti ol bris long ol rural eria long PNG em ol i bildim long plang nating na i gat hevi taim bikpela ren i save brukim ol bris samting.

Mista Amukele i laik save inap bai gavman i senisim dispela na gavman i ken bildim ol bris wantaim ain bai ol i noken bagarap.

Em i tok bikpela samting em ol pipel long ol rural eria i save karim hevi taim rot bilong ol i save bagarap na moa yet em ol bris i opim rot bilong ol rural pipel i ken go long maket na salim kaikai o kisim kain gavman sevis nabaut.

Mista Amukele i givim tok piksa olsem ol pipel bilong em yet long Okapa i save kisim taim stret long hevi bilong bris bikos nogat we long ol i go kam long ol bikpela maket na taun long mekim bisnis.

Em i askim ministra bilong Woks sapos gavman i ken mekim sampela senis na larim ol i ken bildim ol bris wantaim ain.

Mista Amukele i tok em i mekim dispela askim bikos ol pipel bilong em i save karim dispela hevi long taim tru i kam nau na ol i laikim wanpela gutpela senis i ken kamap na ol i mas lukim tru developmen na noken karim kain hevi olsem.

Woks ministra Gabriel Kapris i bekim olsem dispela em i gutpela tingting tasol wanpela hevi em nogat mani long gavman i ken kamapim ol developmen plen bilong en.

Mista Kapris i tok dispela em i wanpela bikpela samting tru we gavman i lukluk long en na gavman i laik mekim planti samting long traun surukim gutpela sevis i go long ol pipel.

Em i tok nau long dispela taim yumi save olsem nogat mani long mekim wanpela wok na ikononi i no gutpela tumas olsem na yumi mas wet liklik inap gavman i mekim wanpela samting long dispela.

Mista Kapris i tok tu olsem i tru olsem ol rural eria i save gat hevi long rural infrastraksa tasol gavman bai mekim ol developmen plen bilong em wantaim sapos i kam long ol fanding na ol bai lukluk long wanem ol plen i ken go pas.



Goroka welkamim nupela hetman

• Ol pipel na komyuniti long Goroka, Isten Hailans, i bung long welkamim nupela hetman bilong Goroka Yunivesiti. Hia em sampela sinia man bilong Yunivesiti i bringim Dokta David Rawlence i go insait long skul. Foto: SAPE METTA.

Ol provinsal rot wetim gavman fanding yet

HILDA WAYNE
i raitim

PROJEK plen bilong developim na stretim ol provinsal rot insait long wanwan provins long Papua Niugini i stap tasol wokbung i mas kamap long ol provinsal gavman long opim rot bilong wok i ken stat.

Insait long dispela plen Westen Hailans provins em pes provins long givim sapot long stretim ol dispela provinsal rot insait long provins na provinsal gavman i putim pinis K3 milien long dispela.

Palamen i harim long dispela wik olsem Esian Developmen Benk i stap redi long karimaut ol developmen

long ol provins long stretim olgeta provinsal rot tasol dispela bikpela ovasis dona ejensi i wet yet long fanding bilong nesenel gavman long kam pastaim long ol i ken go het wantaim ol wok.

Isten Hailans gavana Mal Kela Smith i bin mekim wanpela askim long ministra bilong mani Bart Philemon olsem wanem taim bai gavman i givim fanding long sait bilong em long surukim ol developmen plen bilong ADB i go het long kantri.

Mista Philemon i bekim tok tok bilong gavana Mista Smith olsem dispela wok em i no bilong nesenel gavman tasol bikos em i wanpela wokbung plen we i mas kamap namel

long tupela level bilong gavman wantaim.

Em i tok ADB i wetim fanding i mas kam long nesenel gavman tasol wok nau i stap namel long provinsal na nesenel gavman wantaim bikos nogat we long mekim wok sapos provinsal gavman i wetim tasol nesenel gavman long mekim wok.

Mista Philemon i tok i gutpela long toktok long gavman tasol ol lida bilong wanwan provins i mas lukim wanem samting ol provins i mekim long givim sapot i go long dispela plen bilong developim ol provinsal rot.

Insait long palamen Mista Philemon i pointim han i go long gavana bilong Westen

Hailans Paias Wingti na em i tok dispela lida em i pes man bilong sapotim tingting bilong sapotim ol developmen wok na sapos olgeta wanwan gavana i mekim dispela kain pasin bai ADB i no inap long lusim moa taim na wok bai stat hariap.

Mista Philemon i tok i gutpela long ol provins i ken wok hat long givim K1 milien i go long sapotim ADB long mekim dispela.

ADB i stap redi pinis wantaim fanding bilong em tasol nau em taim bilong ol provinsal gavman na nesenel gavman long mekim wok long kisim fanding long sait bilong PNG long wok i ken go het long olgeta wanwan provinsal rot.

Zurenuoc i no amamas long sevis bilong benk

MEMBA bilong Nawae Wesley Zurenuoc i askim Praim Minista Sir Michael Somare na gavman bilong em sapos ol i ken stretim gut sevis bilong benk long ol liklik manmeri i ken painim isi long go long bek.

Mista Zurenuoc i tok lo bilong benk nau i go hat tru long planti liklik manmeri bilong Papua Niugini.

Em i tok taim em i bin helpim sampela ples manmeri long raitim pepa bilong ol long ol i ken go opim pasbuk long benk, ol wokman bilong benk i no oraitim ol.

Narapela hevi tu em ol manmeri i save sanap long longpela lain tru na westim bikpela taim tru long benk na ol i no save gat taim long go bek na mekim wok bilong ol.

Mista Zurenuoc i askim sapos Papua Niugini Benk i ken oraitim sampela ovasis benk long kam na opim benk bilong ol long sevim gut sevis bai ol manmeri i ken kisim gut sevis bilong benk.

Mista Zurenuoc i tok dispela em wanpela bikpela hevi ol pipel bilong Papua Niugini i bungim na gavman i mas lukluk insait long stretim bikos ol liklik mani i nogat rot bilong opim pasbuk long sevim ol mani ol i gat.

Dispela kain hevi tu em gavana bilong Sandaun Carlos Yuni i bin tokaut long en las wik we ol pipel bilong em i save haitim mani insait long graun bikos long hevi bilong benk sevis tasol.

Mista Yuni i bin tok Sandaun em i wanpela provins we ol pipel i stat long mekim mani wantaim vanila na em i laikim bai gavman i mekim wanpela samting long stretim dispela hevi.

Manning na Kidu toktok moa long infomal bisnis

HILDA WAYNE
i raitim

PIPEL bilong Papua Niugini husat i wok long lusim ples bilong ol na go painim wok na gutpela laip long ol siti long kantri i no mekim olsem bikos ol i les long wok.

Plantu pipel i wok long go long ol taun na siti insait long PNG bikos nogat we bilong ol i ken mekim mani taim ol i stap long ples bilong ol long ol rural eria.

Dairekta bilong Institut ov Nesenel Afeas Mista Mike Manning i mekim dispela tok tok las wik na em i tok ol pipel i save muv i go long ol siti bikos nogat han bilong gavman long ples ol i stap long en.

Mista Manning i tok long olgeta hap long wol em hat tru long ol gavman i tokim ol pipel i go bek long asples bikos ol pipel i gat rait long makim wanem ples ol yet i laik stap na statim nupela laip bilong ol insait long kantri bilong ol yet.

Em i tok maski gavman na ol atoriti i ken wok strong long traun bringim ol pipel i go bek long ples bilong ol tasol bai ol i hat tru long mekim wanpela samting bikos em rait bilong ol pipel long muv.

Mista Manning i tok nogat wanpela kantri long wol i bin salim ol pipel i go bek long ples bilong ol na na PNG i no inap senisim dispela.

Kain pasin bilong toktok long rausim ol pipel i go lusim ol siti na taun na go bek long ples i no inap long kamap olsem na



• Ledi Kidu.


yumi mas painim wanpela rot bilong helpim ol.

Em i tok planti taim yumi save lukim na harim olsem plis i paitim ol strit maket lain na kukim ol seken han klos nabaut em bai i no inap salim ol pipel i go bek long ples bilong ol.

Mista Manning i tok pasin bilong paitim ol manmeri i no inap long stretim na pinisim ol hevi olsem na em i gutpela long ol atoriti i lukluk long planti we bilong helpim ol pipel bilong mipela long kisim gutpela moa helpim.

Em i tok ol pipel i traun long helpim ol yet na gavman i mas givim han bilong helpim ol long wanem kain liklik wok ol i laik mekim insait long kantri.

Mista Manning i tok em i no asua bilong ol olsem ol i kam bung long ol taun na siti na ol lidas i mas mekim plen long bringim gutpela helpim long ol kain wok ol i laik mekim insait long ol taun na siti.



• Mike Manning.

Kain wok olsem salim kiau, buai, ais blok na klos em ol i kolim ol dispela infomal sekta emploimen na gavman i mas mekim plen long helpim ol.

Memba bilong Mosbi Saut na Minista bilong Yut na Sosol Welfea Developmen Lady Carol Kidu i tok tu olsem rausim ol pipel long ol siti i no inap long helpim ol pipel na em i askim ol nius ripotas long dispela bung long soim gutpela stori bilong ol lain husat i save hatwok tru long helpim ol yet insait long ol bikpela siti na taun.

Em i tok raskol pasin i save stap long ol setelmen eria nabaut we ol infomal sekta wokus i stap tasol dispela i no min olsem ol plis i ken paitim na mekim nabaut long ol pipel.

Lady Kidu em yet i save wok wantaim planti ol yut na yangpela pipel long ol setelmen bilong Mosbi siti na em i laikim gavman long helpim ol dispela pipel na i no long rausim ol i go bek long ples bilong ol.

Yawari gavana, Peipul na Niningi go kot

NESENEL ileksen long Sauten Hailans provins i pinis long las wik we llektorel Komisn i tokaut pinis long Hami Yawari olsem nupela rijinol memba bilong Sauten Hailans provins.

Hami Yawari em kendidet bilong Pipels Demokretik Muvmen (PDM) na em i bin go pas long dispela saplimentri ileksen bilong Sauten Hailans provins wantaim moa long 100,000 vot olgeta.

Olgeta arapela Open sit tu em ol i tokaut long nem bilong ol wina pinis tasol long sit bilong Imbongu em llektorel Komisn i no tokaut yet long nem bilong husat kendidet i win. Dispela em bikos tupela kendidet Pila Niningi na Peter Peipul i gat kot bilong tupela i stap.

Pila Niningi i gat Nesenel Kot i stap long stapim wok bilong kaunim ol balot pepa long sampela hap. Na Mista Peipul i gat Suprim Kot apil i stap long larim wok bilong kaunim ol balot pepa i go het long ol hap we Mista Niningi i bin stapim long kot.

Long Kagua Erave sit, llektorel Komisn i tokaut pinis long nem bilong kendidet i winim dispela sit. Olpela memba na kendidet bilong Pipels Demokretik Muvmen (PDM) David Basua i winim bek dispela sit bilong em gen.

Long Tari Pori open em olpela memba Tom Tomiapi i winim bek sit bilong em gen long dispela saplimentri ileksen bilong Sauten Hailans provins.

Long Komo Magarima em olpela memba long bipo Balus Libe husat em kendidet bilong Pipels Leba Pati i winim dispela sit. Olpela memba Alfred Kaiabe i lus long dispela taim.

OL PALAMEN RIPOIT WANTAIM HILDA WAYNE

PNG mas pait long samting nogut wantaim beten

ISTA i kam na Ista i go pinis na yumi ol bilip manmeri na pikinini i stap olsem yet. Ista em i min wanem long yumi wanwan baptais kristen manmeri? Em i min wanem tu long ol manmeri na pikinini i no kisim baptais. Jisas em i dai na em i kirap bek long dai. Moa yet, Jisas i promis bai em i kam bek gen na kisim bek olgeta manmeri i bilip long em. Long Jon 6.35-40 long lain 40 Jisas i tok dispela em i laik bilong papa bilong mi olsem olgeta manmeri i lukim pikinini man na bilip long em, em ol bai kisim laip bilong oltaim na mi bai kisim ol bek long las de. Jisas em i bret husat i kam daun long heven. Yumi husat i kaikai mit bilong em na dring blut bilong em yumi bai ino inap dai na em bai kirapim yumi long las de. (Jon 6 lain 54). Santu Augustin long Buk 1, Septa 7, hap tok, 10 em i tok olsem. Taim

Jisas i tok olsem long yukaristia, em i no min olsem taim mipela kisim komunio na wain bai mipela senisim Jisas i kamap olsem yumi yet, nogat. Yumi bai senis i go olsem Jisas. Long Jon 10: lain 16 Jisas i tok tu olsem mi gat tu ol arapela lain sipsip. Ol i no bilong dispela lain. Dispela lain tu mi mas stiaim ol. Ol bai harim nek bilong mi na bai i gat wanpela lain sipsip na wanpela wasman. Em Jisas yet. Nau tasol mi go long 6-pela kantri long Pasifik na mi kam bek. Mi go wantaim wanpela bikman bilong Fiji em Steven Rabuka na 6-pela ol kristen brata bilong Australia. Mipela stat long PNG na mipela i go long Solomon ailan bihain mipela i go long Vanuatu, Fiji, Samoa, Tonga na bihain mipela i go long Nu Kaledonia, Australia na mipela kam bek long PNG. Long dispela taim

mipela igo long wanpela liklik blaus olsem Kumul. Ol kristen brata na susa ol i haiarim long mani bilong ol yet. Wokabout bilong mipela em mipela i beten o prea wantaim ol lida bilong ol dispela kantri long singautim blesing bilong God long kamdaun na stap wantaim ol lida, ol pipel na kantri yumi go long ol. Long aninit long gutnius mi kaunim pinis long Jon em mipela beten olsem ol lida bilong yumi i ken kamap moa olsem Jisas na ol i ken kamap was tu bilong ol sipsip bilong God na Jisas bai i stap olsem dua bilong ol sipsip. Ol bai harim nek bilong Jisas na save em nek tru bilong Jisas. Orait ol bai save long Jisas. Jisas bai save long ol na ol bai save long Jisas. Jisas i no dai na kirap bek long ol baptais kristen tasol, nogat. Em i kam long ol i no kristen tu. Ol Hindu, ol

Muslem, ol Bahai, ol Budis, ol Yuda, ol manmeri bilong kastom lotu, ol tu em ol i sipsip bilong Jisas. Olsem wanem long ol raskol na ol setelmen na ol bega?. Ol tu ol i sipsip bilong Jisas? Yumi ol kristen yumi harim pinis tok bilong Jisas. Yumi harim nek bilong em na yumi mas tok yes, Jisas, mi stap ha. Yusim mi long wanem wok mi mas mekim long bringim olgeta manmeri na pikinini long luksave long yu na bihainim yu. Mipela stat beten wantaim Deputi Sief Jastis Sir Mari Kapi bihain mipela i beten wantaim Praisin Minista Sir Michael Somare na Foren Minista Sir Rabbie Namaliu. Long apinun mipela beten wantaim Gavana Jenerel Sir Silas Atopare. Long nait mipela bung kaikai na beten wantaim sampela ol yangpela wantaim ol lida olsem Reveren

Samson Lowa, Misis bilong em, Bisop na Modereta bilong Yunaitet Sios, Jas Don Sawong, Mista Ted Diro, Seketeri bilong Fainens T. Kambane na Misis bilong em na Dairekta bilong Musium Soroi Evove. Long Solomon Ailan mipela beten wantaim Sir Pita Kenilorea, Spika na Ekting Gavana Jenerel, Tupela Minista na Gavana bilong Sentrel Benk bilong Solomon Ailan na opisas bilong em, mausman bilong Foren Afeas Mista Alfred Sasoko. Long Vanuatu mipela beten wantaim Praisin Minista Mista Edward na Misis bilong namba tu Praisin Minista Misis Mary Lini. Long Fiji i nogat wanpela bikman bilong Palamen o Jas i bungim mipela. Tasol mipela i beten wantaim sampela komyuniti lida na ol bisnisman. Long Samoa mipela beten wantaim Praisin Minista



na wanpela Minista. Long Tonga mipela beten wantaim Ekting Praisin Minista, wanpela Minista na nambawan o Sief Seketeri bilong opis bilong Praisin Minista. Mi kam bek long Papua Niugini wantaim strongpela bilip olsem yumi mas beten oltaim long marimari na blesing bilong God. Jisas em i kam long kisim bek olgeta manmeri. Papua Niugini i gat bikpela wok tru long mekim. Yumi mas laikim tru God na laikim wanpela arapela maski wanem ples, tok ples, kastom o lotu yumi i gat. Ol lida i mas painim taim long beten na tok tok wantaim ol liklik manmeri, ol raskol na ol manmeri i nogat wok. Ista em i no kam na i go pinis. Nogat. Olgeta de em Ista. Yumi kristen i mas karim kruse na

winim satan na winim pasin nogut. Olgeta de yumi mas krai long God. Blesim yumi, blesim PNG, blesim PNG. Long buk Matyu sapta 7 lain 7 Jisas i tok. Askim, paitim dua, lukluk long en na bai mi givim yupela. Yumi olgeta mas go daun long skru bilong yumi singautim na krai long God, tok sori na askim God long marimari na blesim yumi. Ol liklik kantri long Pasifik ol i nogat kain mani na risos olsem yumi i gat. Tasol ol i gat gutpela sindaun. Yumi long PNG i mas senisim pasin bilong yumi. Maski long pait long han, long stik, long spia na gan. Pait long pasin nogut wantaim beten. God bai harim na senisim kantri bilong yumi na mekim kantri bilong yumi i ris na bel isi bai pulap na kapsait.

WANTOK
All departments, Phone: 325 2500 - Fax: 325 2579
P. O. Box 1982, Boroko, NCD, Papua New Guinea
Publishing Weekly, Thursday, for Word Publishing Company Ltd.
Printed and published by Jeremy Burgess, at Allotment 2, Section 209, Spring Garden Road, Hohola, for Word Publishing Co. Ltd.
General Manager Jeremy Burgess.
Editor of Wantok: Yakam Kelo.
Papers distributed by air throughout PNG. Available by air mail subscription within: Papua New Guinea and overseas. Email address: word@global.net.pg
Advertising deadlines, Display bookings: Tuesday midday. Camera ready copy: Wednesday midday. Classified Advertising: Wednesday 5pm.
Word Publishing Company Ltd. is owned by the four major churches of Papua New Guinea: Catholic 55%, Lutheran 25%, Anglican 10%, and United 10%. The company reserves the right to accept or reject any advertisement or other material submitted for publication which it deems contrary to the public interest at its absolute discretion. The publisher's general terms acceptance are available at Word Publishing Company Ltd. and are set out in full on the reverse side of its official display Advertising Bookings form.

Wantok sistem kamap long Rurel Benk

RURAL Developmen Benk (RDB) em i wanpela gavman bisnis we i save sevim tru ol lokol na planti pipel bilong Papua Niugini na gutpela wok i mas kamap long dispela benk bai ol pipel i ken kisim helpim. Memba bilong Henganofi, Dokta Banare Bun i tokaut long palamen olsem em i kisim sampela ripot olsem pasin bilong wantok sistem i wok long bagarapim menesmen bilong RDB na dispela i mekim bel hevi namel long ol wok lain. Dokta Bun i tok i gat ol longpela sevis lain husat i stap wantaim RDB na ol i givim planti gutpela sevis long dispela benk bilong ol

rural pipel tasol pasin bilong politiks i wok long mekim na ol wantok yet na politikal sapota i wok long kisim ol bikpela posisen maski i gat planti lain i stap pinis. Em i tok tu olsem sampela lain bilong wanpela eria long kantri i wok long go insait long ol posisen nabaut na planti lain husat i save wok long taim tru i stap yet na nupela lain i kam insait bikos long pasin bilong politiks tasol. Dokta Bun i askim wanem kain wok gavman i mekim na sapos ol i save long dispela samting we i wok long kamap long RDB. Em i mekim dispela askim i

go long minista bilong mani, Bart Philemon husat i bekim olsem gavman bilong Somare i tokaut pinis olsem wanem kain ol apoinmen insait long ol gavman bodi i mas yusim gutpela rot we ol lain husat i gat save long mekim stret wok i bai go insait. Mista Philemon i tokaut tu olsem wanem ol lain husat i no save mekim gut wok bilong strongim ol gavman bodi orait ol i mas opim rot bilong ol lain husat i gat save na inap long mekim gutpela wok. Em i tok i mas i gat klia wok na nogat hait na stil pasin i mas kamap long ol gavman oganaisesen na dispela em strongpela tingting bilong

gavman. Mista Philemon i tok RDB em i wanpela bikpela oganaisesen husat bai go pas long helpim long mekim kamap tru ol polisi bilong gavman. Em i tok em i no klia olsem kain samting olsem i wok long kamap long RDB na em bai toksave long praim minista Sir Michael Somare husat i go pas long lukluk long ol gavman bisnis. Mista Philemon i tok dispela ol toktok em i bikpela na bai em i bringim hevi i go long Sir Michael husat bai mekim wok painimaut i go insait long dispela ol toktok we i kamap long RDB.



Wenge tokaut long hevi bilong Buimo

GAVANA bilong Morobe Luther Wenge i tokaut olsem em yet bai katim lok bilong Buimo haus kalabus na lusim ol kalabus man i go fri sapos ol atoriti i no mekim wanpela samting long helpim ol kalabus lain. Mista Wenge i tokaut long palamen dispela wik olsem Buimo haus kalabus i gat planti hevi tru we i nogat spes bilong ol kalabus lain i ken silip na ol kalabus lain i save kisim sik bikos nogat gutpela toilet na ples bilong waswas. Em i tok em yet i go bin lukim long ai bilong em olsem ol kalabus lain i save stap long bikpela hevi tru tasol nogat wanpela atoriti i save mekim wanpela samting. Mista Wenge i tok nau long dispela kain tupela kalabus man i dai pinis na ol helt lain i laik mekim wok painimaut bilong sekim as bilong dai bilong tupela. Moa yet i wok long kisim sik i stap na ol i no save wanem samting i wok long mekim ol kalabus man i sik i stap yet nau long dispela taim. Mista Wenge i tok sampela kalabus lain husat i nogat strong i wok long kisim taim long han bilong ol strongpela raskol bikos long pait i go kam namel long ol yet insait long kalabus yet.

Dispela i mekim na laip bilong ol kalabus lain husat i nogat strong na i no inap long pait bek i kamap nogut tru. Em i tokim palamen olsem planti bilong ol em tingting bilong ol i no stap stret bikos long kain pasin nogut ol kalabus lain yet i save mekim long ol. Gavana Wenge i tok ol dispela fasiliti i mas stap gut na lukautim ol kalabus lain. Em i tokaut olsem sapos nogat wanpela samting i kamap orait em bai katim ol lok bilong kalabus na rausim ol kalabus lain na em yet i ken go kalabus sapos CIS ministri husat i save go pas long lukautim ol kalabus i no mekim wanpela samting hariap. Memba bilong Makaham na minista bilong pis, Andrew Baing i kirap bekim toktok olsem Gavana Wenge i laikim soim wanpela rabis piksa tru long rausim ol kalabus lain olsem. Tasol Mista Wenge i bekim olsem em i toktok long ol man husat i karim hevi insait long provins bilong em na gavman mas mekim wanpela samting long helpim ol maski ol i kalabus lain. CIS minista i bekim olsem i tru olsem i gat planti kalabus lain i kisim sik na Buimo i pulap tru na nogat spes.

Gubag tokim ol pipel long mekim wok

YAKAM KELO i raitim

MEMBA bilong Sumkar Mathew Gubag i tokaut olsem olgeta gupela tingting na plen i no inap wok sapos i nogat mani. Olgeta gupela program na plen aninit long 5 yia Developmen Plen long distrik i stap tasol i nogat mani bilong kamapim yet.

Mista Gubag i tok Sumkar ilektoret em wanpela ilektoret we i gat planti gupela samting olsem kakao, kopra na ol samting bilong mekim mani. Olsem na ol manmeri i mas wok strong long mekim mani long helpim ol yet wantaim ol dispela samting ol i gat. Ol i no ken sindaun na singaut na wetim helpim i kam long gavman bikos nau yet, olgeta memba bilong palamen i painim hat long mani bilong mekim wok long ilektoret bilong ol wanwan.

Long 1997 em i bin hangamap long kot bilong ileksen long tupela yia olgeta inap 1999 na em i no bin mekim wanpela wok gut. Em i tok distrik mani bilong 2000 mak olsem 1 milien em gavman i no bin givim em yet na i stap yet bikos gavman i bin pasim mani long dispela taim bikos long hevi bilong mani insait long kantri. Dispela mani i bilong mekim ol rot, helpim sampela skul na tupela wara saplai tasol dispela mani i no kamaut yet.

Long 2001 em i putim distrik mani i go insait long wok bilong rot long Karkar Ring Rot. Long 2002 olgeta mani i bin go long fri edukesen program we em i helpim long peim skul fi bilong ol pikinini long ilektoret.

Long 2003 i go em i gat plen i stap pinis long 5 yia developmen plen bilong Sumar distrik olsem na em i lukluk yet sapos gavman bai i gat mani long givim ol memba na em tu i ken kirapim wok bilong em.

Rot bilong ka i bungim pinis planti hap bilong Sumkar pinis olsem ol pipel i mas yusim ol dispela rot long mekim samting long helpim sindaun bilong ol long ples. Liklik hap eria tasol em i nogat rot yet na em i save long dispela na em i wok hat yet long painim mani bilong wokim rot i go long ol dispela eria we i stap insait long inlen.

Em i tok olgeta memba bilong palamen i gat plen na driman long mekim wok long ilektoret bilong ol tasol ol i pas long hevi bilong mani long kantri tude.

Olsem na em i askim ol pipel long noken sindaun nating na wet bikos hevi bilong mani i kamap long kantri na gavman i nogat mani long givim long olgeta memba. Olsem na ol pipel yet i mas wok hat long ol kakao na kopra bilong ol na painim liklik mani. Karkar Ailan em namba tri long Papua Niugini long kamapim kopra we ol isave kamapim bikpela namba bilong kopra insait

long Papua Niugini.

Em i tok Sumkar ilektoret i no sot long mani bikos em i gat ol gupela samting i stap.

Em i askim husat manmeri laik tok baksait na toktok nabaut long stap isi na go bek mekim wok long ples. Sapos ol i laik toktok politikis orait ol i mas wet inap 2007 we ol i ken traim winim ileksen na go long palamen na pilim tru wanem samting i gat hevi long en.

Em i askim tu ol pipel bilong Sumkar husat i laik toktok long toktok stret long em long wanem kain tingting na save em i gat long helpim ol pipel. Bikos em i no laikim ol man i toktok nabaut long sait na pusim em bikos em i no inap harim ol ausait toktok nabaut. Mi yet i save long wanem wok bai mi mekim na wanem samting mi bai mekim long ilektoret bilong mi, Mista Gubag i tok.

Ol dokta bilong maus kensa i kam long PNG

SIK maus kensa em i wanpela bikpela hevi we i wok long bagarapim planti ol pipel bilong Papua Niugini tasol wantaim sampela trening ol dokta insait long kantri bai inap long stretim dispela.

Long givim dispela trening long ol PNG dokta tupela speselis dokta long Australia i kamap pinis long PNG long trenim ol dokta long haus sik long Pot Mosbi na long Lae.

Dispela tupela dokta em Dokta Paul Duke bilong ples Edled na Dokta Brian McMillan bilong ples Melben.

Kamap bilong tupela long mekim dispela wok em AusAID yet igo pas

long em aninit long Teseri Helt Sapot projek bilong em.

Dispela tupela man i statim wok bilong tupela long Lae siti long dispela wik na man husat ol i bai trenim long kamap wanpela speselis olsem ol em wanpela dokta long Angau Haus sik yet, Dokta Matupi Apaio.

Long statim wok bilong tupela, tupela i bin givim sampela masin, wanpela bilong ol em dril bilong maus we i kisim mani mak moa long K150,000. Dispela em ol masin we ol kain dokta olsem i mas gat long wok bilong ol long stretim maus na ol arapela samting long pes bilong ol sikman.

Tupela i bin tokim ol niusman meri long Lae siti olsem ol i luksave olsem sik maus kensa i bikpela na PNG inap helpim ol pipel blong em sapos ol igat ol dokta we inap long stretim dispela ol kain sik.

"Long dispela as mipela bai trenim Dokta Apaio long mekim dispela wok," Dokta Duke i tok.

Em i tok long trenim ol dokta long stretim ol dispela kain sik ol i mas gat ol masin bilong mekim dispela wok na long dispela as ol i givim dispela ol samting we wanpela haus sik yet long Australia i givim long ol long karim i kam long PNG.

Morobe gavman helpim 11-pela Morobe tisa

MOROBE provinsel gavman i sanap strong yet long sponsorim sampela tisa long kisim trening long Balob Tisa Kolis long Lae siti na salim ol igo mekim wok tisa long ol skul long ples.

Long strongim dispela toktok i bin gat wanpela saining bilong wanpela agrimen we bin kamap long stat bilong dispela wik namel long provinsel gavman na Balob.

Gavana bilong Morobe Luther Wenge i givim sek mani mak olsem K39,105 i go long Balob long trenim ol 11-pela tisa aninit long dispela projek.

Mista Wenge i tok olsem dispela projek bai Balob i karimaut inap mak olsem 10-pela yia.

Em i tok olsem em i sore tru olsem trening bilong ol tisa bilong tude ino olsem long bipo.

"Long taim bilong ol waitman ol tisa bihain long ol i kisim trening bilong ol i save bihainim oda long posting bilong ol go long ol wanwan skul.

"Nau taim i senis na planti tisa ino save laik go wokim wok long ol skul long ol bus ples na planti skul i sot long ol tisa na ol pikinini long Morobe provins wok long kisim taim," Wenge i tok.

Mista Wenge i tok olsem gavman bilong em i laik stretim dispela hevi olsem na em i sanap

strong long dispela projek.

Aninit long dispela projek ol manmeri husat i pinisim grad 10 o 12 na stap nating long ples inap aplai.

Sapos ol i kisim yesa long aplikesen bilong ol, provinsel gavman bai mekim ol sainim wanpela kontrak we ol i mas bihainim.

Dispela kontrak i tok olsem taim ol i kisim trening pinis long Balob ol bai go bek long ples bilong ol na skulim ol pikinini bilong ol.

Mista Wenge long hap toktok bilong em i tok tenkyu long Balob long sapatim ol, long karimaut dispela projek.

Em i tok olsem em i laik tru bilong ol long pulamapim olgeta skul insait long Morobe wantaim ol tisa.

Deputi prinsipol bilong Balob, Kautil Mileng, long bekim hap tok bilong Mista Wenge i tok amamas olsem Morobe provinsel gavman i luksave olsem dispela skul inap karim aut dispela projek.

Mista Kautil i tok olsem wantaim dispela saining bilong dispela agrimen, Balob bai kamap namba tu kolis insait long kantri we wok long karimaut kain bikpela projek.

"Het tok bilong skul em long sevim ol pipel na mipela bai mekim dispela wok," em i tok.



Sindaun tasol long Lae bas stop • Tripela yangpela meri i sindaun na glasim ol lain i wok long go kam long Lae bas stop. Bas i pulap na ol i wet inap i gat spes.

Yunitek strongim agrikalsa dipatmen bilong em

JACQUELINE OMBEBA i raitim

YUNIVESITI ov Teknologi (Yunitek), long Lae siti, long las wik i givim K550,000 long stretim na strongim wok bilong fam we i stap aninit long lukaut bilong Agrikalsa Dipatmen bilong em.

Bosman bilong Agrikalsa Dipatmen, Profesa Abdul Halim, i tok olsem dispela em bilong mekim dispela wok inap long tripela yia.

Profesa Halim i tok olsem i gat tupela astingting long mekim dispela bikpela wok long dispela fam. Namba wan samting em long helpim long pulim sampela mani bilong Yunitek na agrikalsa dipatmen bilong em na namba tu em long yusim dispela fam olsem wanpela ples we ol tisa na sumatin ken yusim long stadi long wok bilong ol.

Em i tok olsem long dispela mani mak we Yunitek i givim, dipatmen bilong em i kisim pinis K160,000 na ol bai yusim long mekim ol projek we ol i plenim na makim pinis.

Sampela bilong ol dispela projek em wok bilong rais, vanila na noni na tu long apim namba bilong ol animel o abus kain olsem kakaruk, kau na arapela samting.

Peter Manus, wanpela tisa long dispela dipatmen, bai go pas long rais projek we bai kamap.

Mista Manus i tok olsem rais em i wanpela kaikai we i mas gat gupela lukautim long kamap gut.

Moa bai kisim planti taim bilong ol fama long lukautim gut ol arapela kaikai na abus long dispela fam.

Em i tok olsem long dispela as em bai lukluk long kamapim sampela rot we ol arapela fama

inap bihainim long daunim dispela hevi.

Em i tok olsem em bai traim yusim marasin bilong kilim ol wid (gras nambaut) ol kolim long Gliafosfet long stopim ol gras long groa long dispela projek olsem wok painimaut.

Mista Manus i tok wanem ol risal ol i kisim long dispela wok painimaut bilong ol bai go bek long helpim ol fama long ol ples long bihain taim.

Em i tok long statim dispela projek em bai yusim ol rais sid ol kolim long IR1991 na TSC 10 bilong ol Taiwan Misen.

Em i tok em bai yusim ol dispela sid bikos stadi wok we igo pas pinis i soim olsem dispela tupela kain sid save groa gut long ples olsem Lae.

Long wankain taim dispela tisa bai traim tu tupela arapela rais sid we Nesenel Agrikalsa Risets Institut (NARI) i wok long givim aut.



Strongpela sekyuriti fos • Ol memba bilong nupela sekyuriti sevis ol i kolim Dee Kay Sekyuriti Soses long Goroka i sanap soim strong bilong ol wantaim Jenerel Menesa, Jeffery Kay long namel. Foto: SAPE METTA.

Wok painimaut long enimol kaikai

PLANTI manmeri husat i save lukautim kakaruk projek i save tok olsem prais bilong kaikai i go antap tru na planti taim ol manmeri no save mekim profit mani.

Nau yet wanpela lokol NGO grup long Kainantu, Isten Hailans provins i mekim stokfid long ol enimol olsem kakaruk, pik na tu ol narapela.

Nem bilong dispela NGO bisnis grup em Painia Wit na Grens na man husat i go pas long mekim wok painimaut em Svege Moa, husat i bilong Kainantu.

Sampela wokpainimaut bilong ol i karim kaikai pinis tasol ol i no

soim i go aut yet bikos ol i laik mekim olsem dispela projek bilong ol i mas kamap bikipela na gut pastaim.

Sampela yia i go pinis Mista Svege i bin groaim wit na i bin testim ol kain miiks wantaim ol lokol gaden kaikai long painim wanem gutpela kaikai bai go gut long givim ol kakaruk o pik we i stap insait long banis.

Mista Svege i wok wantaim ol lain Nesenel Agrikalsa Risets Institut long traime painimaut long ol gutpela miiks we bai go wantaim wit long kamapim gutpela stokfid o kaikai bilong enimol.

Insait long narapela stori em tupela DAL opisa long Goroka, Mervyn Sumpa na Igu Yawana i bin pinis ronim sampela kos long fam risets long Henganofi.

Dispela wok risets i go antap long wok bilong kakaruk em ol lain Zagafonave polti famas i kamapim.

Bikipela lukluk i go insait long dispela ol kos em long fam risets long ol gutpela rot long lukautim kakaruk. Dispela kos i lukluk long ol broila o kakaruk we i save karim kiau na ol kala kala kakaruk bilong ples stret. Dispela ol kakaruk sampela taim ol i save kolim kanaka kakaruk.

Leprosi woksop bungim helt wokus

WANPELA hevi we ol sik leprosi lain i save karim em long nogat gutpela lukautim ol i save kisim na wanpela woksop i kamap long Isten Hailans i lainim ol helt wokus long givim gutpela lukautim long ol dispela lain.

Dispela woksop ol i kolim disabiliti woksop bilong olgeta helt wokus long Isten Hailans em ol i bin holim long Kefamo Pastoral Senta we planti lain tru i kam bung long en.

Kain woksop em i pestaim tru provins i go pas long oganaisim wantaim helpim i kam long wanpela nongavman oganaisesen ol i kolim Leprosi Misin PNG we i gat opis bilong em long Madang.

Kodineta bilong dispela oganais-

esen Elizabeth Cunnington i go pas long kamapim dispela woksop na helpim ol woklain bilong Komyunikabel Disis Kontrol Yunit we i save stap long Goroka haus sik.

Sampela patispens i kam bung long dispela woksop wantaim ol sik pesen bilong ol husat i gat sik leprosi.

Ol i kisim skul long we bilong lukim sik ya, bungim ol ripot na helpim long givim marasin long ol leprosi lain.

Planti moa lain husat i bung long kisim save long dispela sik i tokaut olsem dispela em i pestaim tru bilong ol long kam bung long kain woksop na kisim gutpela save long helpim ol leprosi sik lain.

Vanila buk na vidio long helpim ol groa

JAMES KILA i raitim

SEIF eksekutiv opisa bilong Papua Niugini Spais Industri Bod, Michael Waisime bai lonsim wanpela nupela buk na vidio long tumoro long Goroka, Isten Hailans provins.

Dispela nupela buk na vidio i stori long ol gutpela rot bilong groim, lukautim na maketim vanila insait long Hailans rijen.

Projek menesa bilong Hailans Vanila Limitet, Mark Gozapau i tokaut long dispela bihain long kampani bilong em i redim ol progrem bilong dispela lonsing.

"Dispela nupela vidio em nambawan tru na i soim rot bilong groim

vanila long Hailans rijen," Mista Gozapau i tok.

Em i tok tu olsem planti samting i stap insait long dispela buk em wanpela kualiti kontrola husat i wok wantaim Agmak-Kimbe, Freddy Kops i raitim. Planti ol dispela infomesen i stori long wok ekstensen bilong groim na lukautim vanila na tu i gat piksa long en.

Mista Gozapau i tok dispela nupela vidio bilong vanila em ol lain long Goroka Yunivesiti i stretim bihain long wanpela kamera man i sekim na stretim.

Sampela ol narapela bikipela opisa husat i stap insait long dispela lonsing em Hailans DAL dairekta, Leon Faleu na tu provinsal

DAL edvaisa Bire Bino.

Mista Gozapau i tokaut tu olsem insait long dispela lonsing tu bai lukim 19-pela lain manmeri bai kisim setifiket bihain long wanpela kos em Hailans Vanila i ronim. Ol dispela lain i kam long ol distrik long Isten Hailans, Simbu na tu wanpela i kam long Madang.

Hailans Vanila em i wanpela nupela kampani husat i skulim ol manmeri long Hailans long groim na lukautim vanila, wanpela komoditi nau yet i bringim moa mani long ol manmeri long nambis eria.

Het opis bilong ol i stap long Goroka na ol i statim bisnis bilong ol long las yia mun Oktoba.

Hailans long Mosbi soim sori long Ambane

PLANTI lidaman na meri na ol Hailans komyuniti bilong Mosbi siti long las wiken i bung long siti long soim bikipela sori bilong ol long dai bilong gutpela lida na gavana bilong Simbu, Pater Louis Ambane.

Ol bisnis pipel na ol komyuniti lida bilong olgeta hap long Hailans rijen i kam bung na bikipela kaikai na pasin sori bilong Hailans i bin kamap long Mosbi.

Bipo memba Peter Waieng i bin mekim bikipela kaikai tru na em i tokaut olsem ol i mekim pasin bilong Hailans bikos em pasin bilong mipela yet long antap.

"Sapos Pater Louis Ambane i bin dai long

ples yet em bai narapela stori tasol em i kam dai long Mosbi we i haus doa bilong planti mipela husat i stap long dispela siti olsem na mi pilim olsem mipela i mas karim hevi long salim em i go bek long ol pipel," Mista Waieng i tok.

Narapela lida bilong ol Isten Hailans pipel na bipo memba tu Peti Lafanama i tokaut olsem em i sori tru long gutpela lida husat i dai pinis na em i makim maus bilong ol pipel bilong em long soim sori.

Mista Lafanama i putim graun long pes bilong em na bodi bilong em long soim tru stail bilong sori long Hailans na bikipela haus

krai i kamap long Mosbi.

Planti moa lida i tokaut olsem Pater Ambane i wanpela tru lida bilong ol pipel bilong Simbu na ol i sori tru olsem gutpela lida i lusim ol pinis.

Nau long dispela taim ol i wetim tasol Praim Minista Sir Michael Somare na sampela sinia gavman minista husat i stap nau long Japan bai ol i ken kam bek na bikipela sori seremoni bai kamap long palamen haus ol i kolim stet finuarel.

Ol yangpela man bilong Hailans i tokaut olsem i nogat wanpela gutpela lida i stap na ol i sori tru olsem dispela man husat i soim

gutpela piksa long ol olsem wanpela tru lida i dai na lusim ol pinis.

Simbu lidas tu i tokaut olsem bai hat tru long ol i ken wok na bai kisim longpela taim tru long painim wanpela lida husat i save kam daun long level bilong ol grasruts pipel na mekim gutpela developmen long provins namel long ol pipel stret.

Planti gutpela developmen wok we let Pater Ambane i statim em bai stap yet inap ol lida bilong Simbu i ken kisim gutpela tingting long surukim ol gutpela wok bilong dispela lida.

INTEREST RATE STATISTICS PROVIDED BY THE BANK OF PAPUA NEW GUINEA

BUSINESS INDEPENDENT MONEY MARKET

Rates Quoted for Term Deposits by the Commercial Banks (%)

	Westpac	ANZ	BSP	Maybank
Up to K100,000		(a)		
3-6 months	4.25	4.50	4.00	5.25
6-12 months	4.25	4.75	4.25	5.25
12-24 months	5.25	5.00	4.85	5.50
Greater than K100,000	NEGOTIABLE OR ON APPLICATION			
Indicative Lending Rate (b)	14.95	15.00	13.25	15.00
Passbook Savings (c)	3.00	2.00	1.50	3.25

(a) ANZ rates for up to K50,000. Over K50,000 negotiable or on application
(b) Indicative rate upon which lending rate is based.
(c) Passbook savings rate is paid only on the minimum monthly balance.

ANNOUNCEMENT OF GOVERNMENT TREASURY BILL AUCTION RESULTS as at 21/05/2003

Maturity	Weighted average yield of successful bids (%)	Bids received (Kina million)	Successful bids (Kina million)
28 days	19.29	157.63	152.13
63 days	19.51	74.56	74.56
91 days	19.87	45.23	35.73
182 days	19.99	12.37	12.37

THE BANK OF PNG IS OFFERING THE TAX FREE INSCRIBED STOCK FROM ITS PORTFOLIO

Series	Maturity	Yield (1) (%)	Holdings (Kina)
S242003	1 March 2003	8.45	9,439,300.00
S252004	1 Jun. 2004	8.60	19,193,000.00

For further details & application
Telephone: 322 7360 or 322 7271
(1) Tax exempt

Toktok long askim PMG i skruim stap long Bogenvil



• Ol pleslain bilong Wakunai distrik i putim ol gan long wanpela trunk na karim i go long ka bilong lokim long kontena. *Fail foto.*

KLOSTU taim ol pis monitas long Bogenvil bai go tasol ol lida bilong Bogenvil i laikim bai liklik lain i mas stap bek inap Bogenvil i sanapim nupela gavman na wok bilong kamapim gutpela sindaun i go gut tru wantaim olgeta gan i raus.

Bihainim dispela tingting na askim bilong ol Bogenvil lida, ol toktok i wok long kamap na go het namel long ol bikman na lida bilong PNG gavman, Bogenvil na ol bikman bilong foapela kantri we ol lain bilong ol i stap insait long Pis Monitoring Grup (PMG) long Bogenvil. Em long Australia, Nu Silan, Fiji na Vanuatu.

Wanpela grup i gat ol bikman long opis bilong Hai Komisn bilong Australia na Nu Silan i bin go long

Buka long dispela wik Tunde bilong sindaun wantaim ol Bogenvil lida na tu sekim ol lain bilong ol yet (ol pis monitas) i stap long ailan.

Wantok i no kisim yet moa toktok long dispela lain yet.

Long wankain taim tu, Nesenel Gavman i wok long toktok wantaim foapela kantri i gat ol lain bilong ol long PMG long Bogenvil na bihain taim bilong ol PMG long ailan.

Inta Gavman Rilesens Minista Sir Peter Barter i tok olgeta lain husat i stap insait long wok bilong painim gutpela sindaun long Bogenvil i gat bikpela tingting long wokim olgeta samting bilong traime putim toktok i go long PMG i stap long Bogenvil inap em i pinisim wok bilong em na Bogenvil i kisim

gutpela sindaun.

Tasol em i tok tru, PMG i bin sapotim Bogenvil long moa long faipela krismas nau na i gat hevi long sait bilong mani long ol kantri we i gat ol lain bilong ol insait long wok bilong pis monitas. Em i tok tu olsem i gat presia long sait bilong sot long ol wokman long dispela eria.

Em i tok ol bin skruim taim bilong ol PMG long stap long Bogenvil long planti taim pinis na tu, ol dona kantri nau i laik sapotim Bogenvil long sait bilong kirapim bek sivil atoriti na ol arapela developmen eria moa, antap long wok bilong kamapim gutpela sindaun.

Em i tok tru PNG Gavman i luksave long disisen bilong ol PMG, gavman bai go het long strongim ol PMG kantri

long sapotim wok long kamapim gutpela sindaun long Bogenvil.

"Tru ol PMG kantri i harim singaut bilong mipela na ol i sori, disisen bilong ol long go long Jun 30 i sanap yet," Sir Peter i tok.

Padio askim long sapotim ol meri

FRED RAKA i raitim

KASTAM pasin long nogat luksave long ol meri namel long ol pipel bilong Bakovi insait long Talasea eria bilong Wes Nu Briten i bin mekim na ol no bin gat developmen long ol meri na ol wok bilong ol long planti yia i kam inap tude.

Dispela em i toktok bilong Wes Nu Briten Etnimistreta, William Padio long taim em bin pasim wanpela wan wik woksop bilong ol meri long Talasea LLG eria long wik i go pinis. Dispela woksop em ol i kolim long Stretjik Plening.

Ol meri lida insait long ol wan wan wimens grup long 10-pela wod bilong Talasea LLG i bin stap insait long dispela woksop we i bin kam aninit long nem bilong Ngatawina Bola Asosiesen em bodi i lukautim ol wok bilong ol meri long Taalasea.

Mista Padio i bin tok olsem hevi bilong lo na oda, pasin jeles na tok baksait long arapela narapela namel long ol meri yet tu em ol sampela as we i save daunim ol wok kamap bilong ol meri.

Em i tok moa olsem em i taim nau bilong olgeta man long senisim pasin na tingting bilong ol na sapotim ol meri na driman na laik bilong ol long go hetim ol wok bilong ol.

"Yumi ol man i mas sanap baksait long ol meri na givim han bilong


kirapim ol wok bilong ol meri. Pasin kastam bilong luk daun long ol meri em yumi nau i mas rausim," Mista Padio i tok.

Dispela woksop i bin kamap insait long Talasea LLG Semba we ol lain bilong komyuniti Developmen Skim bilong AusAID i bin ranim.

"Yumi ol man i mas sanap baksait long ol meri na givim han bilong kirapim ol wok bilong ol meri. Pasin kastam bilong luk daun long ol meri em yumi nau i mas rausim," - Mista Padio.

Misis Celine Kisokau em etvaisa i bin tok olsem as tingting bilong woksop em long givim pawa i go long ol meri long kamapim gut sindaun bilong ol insait long ol wan wan komyuniti na famili. Olsem na woksop i soim tu ol meri long ol rot na we we ol i ken kisim helpim long en na wanem ol samting ol i mas mekim bilong kisim ol dispela helpim.

Misis Mary i makim ol meri insait long Talasea LLC na i tok amamas long ol meri i bin kamap long dispela woksop na em i tok strong long ol long mekim kamap wanem ol samting ol bin lainim bilong kamapim gutpela sindaun bilong ol famili bilong ol na komyuniti.



• Eks BRA lida Ishmael Toroama em wanpela bilong ol bai givim ripot bilong ol BRA long PPCC bung. Hia em i toktok insait long wanpela pis seremoni i bin kamap long Buka las yia. *Fail foto.*

Komiti kisim tingting long namba tu Bogenvil draf

VERONICA HATUTASI
i raitim

WOK long kamapim Mama Lo bilong nupela Bogenvil Gavman i wok long go het.

Insait long las tupela wik, ol komiti memba bilong Bogenvil Konstitusenel Komiti (BCC) i raun long Bogenvil na ol arapela hap bilong PNG long kisim ol tingting na toktok bilong ol (Bogenvil) manmeri na sapos i gat sampela senis long ol samting i stap pinis, ol i ken wokim long en.

Dispela em namba tu draf bilong Bogenvil Mama Lo we ol komiti memba i wok long raun wantaim long rivyum o glasim na skelim gen long

namba tu taim. Ol givim tu dispela namba tu draf long Nesenel Gavman bilong glasim na skelim na givim tingting bilong ol long en.

BCC grup i bin holim bung long Pot Mosbi long las wik na aste. Long Mande inap long Tunde, grup i bin go long Lae bilong bungim na kisim tingting bilong Bogenvil komyuniti long hap.

Bogenvil Pis na Restoresen Opis (BPRO) long Pot Mosbi i tok Ateni Jenerel na ol-etvaisa i sindaun wantaim long lukluk, glasim na skelim dispela namba tu, rivyum bilong Bogenvil Mama Lo bilong nupela (Bogenvil) gavman. Bihain long ol i rivyum, ol bai givim bek i go long ol teknikel opisa

na BCC komiti.

Opis i tok rivyum bilong namba tu em ol bai kisim i go long Buka bilong bungim wantaim na wokim failol draf long en.

Ol ples we komiti i wok long raun wantaim namba tu draf bilong Mama Lo bilong nupela Bogenvil gavman em long Mosbi, Lae na olgeta hap bilong Bogenvil.


Opis i tok long las wik, sampela bikman bilong Nesenel Gavman i bin go long Buka na sindaun wantaim ol Bogenvil lida na toktok long ol dispela samting na ol arapela samting moa i sut long Bogenvil, wok bilong nupela gavman na lusim ol gan.

Opis i tok wok long lusim ol

gan, moa yet, Stej 2, i go gut na komiti we i save glasim dispela wok ol i kolim long Pis Proses Konsaltativ Komiti (PPCC) bai sindaun long Buka long dispela wik long toktok long ol wok go het long Stej 2 na wok bilong lusim ol gan. Opis i tok ol eks Bogenvil Revoluseneri Ami i bung pinis na ol toktok we ol i wokim long sait bilong ol long wok bilong lusim ol gan em bai ol i lukluk long en long PPCC bung.

Opis i tok long sait bilong lo na oda long Bogenvil, ol samting i stap gut. Wanpela tabel tasol em dispela i bin kamap tupela wik i go pinis we sampela lain i bin kilim dai wanpela bisnis man na stiliim K20,000 long en.

**Natnat i wok long Bagarapim yu?
Yu wari tumas long Sik Malaria?
OL TAUNAM BILONG SALIM**



**Rotary i pait egens Malaria
Kam lukim mipela long 6 mile o
Ringim - 325 8900
Prais i daunbilo na i gutpela stret-
Yu ken baim planti long wanpela prais
DEPT OF HEALTH - WHO - UNICEF**

Martyrs Sekendri skul mekim fan reising long baim kompyuta

MARTYRS Sekendri skul insait long Oro provins i wok long karimaut fan reising long baim kompyuta bilong skul.

Skul ya bin kamap sekendri skul las yia tasol ol gret 11 na 12 sumatin i no bin gat ol kompyuta long mekim lesen bilong ol long fes tem na seken tem.

Long las wik taim ol bin kamapim dispela fan reising apil, Siaman bilong Kompyuta na Deputi Prinsipal Akademik David Aram tok ol i les long wetim edukesen dipatmen long helpim ol tasol ol laik helpim ol yet.

"Mipela laikim ol pipel bilong Papua Niugini long save olsem wanem samting mipela mekim nau em long skulim ol yangpela long kamap lida bihain taim," em tok.

Mista Aram tok skul ya bin kamap sekendri skul tru long politikel disisen bilong bipo memba bilong Sohe, Profesa John Waiko na em i no bin kisim wanbel long ol edukesen atoriti long mekim Martyrs kamap olsem sekendri skul.

Em tok bikos long dispela, skul ya i no gat kompyuta na ol karikilem teks buk bilong ol sumatin.

Mista Aram tok ol i laikim moa long K70,000 o K80,000 long baim 20 kompyuta.

Ol i bruim fandresin wok i go long tupela eria.

Long fes plen ol bai mekim wakat on na wilbaro pus insait long Popondetta taun na long seken plen ol bai wokabaut long Kokoda Treil na kamap

long Pot Mosbi long seken tem brek bilong ol sumatin.

Taim ol i kamap long Mosbi, dispela grup we bai gat moa long 50 sumatin na 8-pela tisa bai raun long ol Anglikan paris we ol bin salim aut ol pas long ol pinis long ol olpela sumatin na ol pipel bilong Oro.

Mista Aram tok ol i raitim pas pinis long ol bisnis haus long givim kompyuta.

OL i yusim skul het tok "Ron na bai yu kisim" olsem het tok tok bilong apil bilong ol long kisim ol kompyuta long stat bilong tem 3.

Aiden Sonason bilong Higaturu Oil Palm Proprietary Limited (HOPPL) bin opim dispela apil long makim kampani jenerel menesa, Mike Scott na em bin mekim wanpela promis olsem kampani bai givim sampela helpim.

Prinsipal bilong Martyrs Sekendri skul, Blake Angoro bin askim pablik, ol papa mama we pikinini bilong ol bai go long Martyrs bihain taim long givim helpim bilong ol tu.

"Dispela ol lain husat i laik givim helpim mas givim wantaim olgeta lewa bilong ol bikos wanem samting ol i givim bai helpim olgeta," Mista Angoro i tok.

Em bin askim ol sumatin long lukautim ol mesin na ol samting we ol man i givim o baim bilong ol.

Husat man o meri i laik helpim skul ken ringim Mista Aram o Mista Angoro long telefon: 329 7491 na long faks: 329 7137.

Ol tisa kisim save long skulim ol turangu pikinini

ESTHER HARO i raitim

SIKPELA tisa bilong Gaulim, Balob, Madang, Holy Trinity, Kabaleo na St Benedicts Tisa koles i bin stap insait long tripela wik PASTEP Spesol Edukesen woksop long Papua Niugini Institut ov Edukesen long Pot Mosbi.

Long dispela woksop we bai pinis long dispela wik, ol tisa bin kisim trening long go bek long koles bilong ol long lainim ol trening tisa long rot ol i ken wok wantaim ol pikinini husat i diseibol o hap bodi bilong ol i no

gutpela. Ol pikinini wantaim bodi i nogut olsem ol i no inap harim gut, ai i no inap lukim gut samting, han na lek i nogut na ol arapela hevi long bodi i save mekim ol dispela kain pikinini i save painim hat long ol skul insait long Papua Niugini.

Dispela ol sumatin we ol i no isi tumas long lainim ol skul wok na ol mak bilong ol i stap daunbilu em planti taim ol tisa save ting save bilong ol ino wok gut na ol i no save long wanpela samting.

Tasol, nogut ol i gat dispela hevi long lainim ol samting olsem na ol i save

painim hat long kisim wanem samting ol tisa i tok long en.

James Aiwa, husat i spesol edukesen inspekta wantaim spesol edukesen yunit bin tok olsem ol tisa i mas skelim olgeta pikinini pastaim long painimaut sapos ol i gat hevi long bodi na tingting.

Em tok sapos ol i ken mekim dispela orait ol ken mekim nupela ol lesen plep we ol i ken helpim dispela ol sumatin long skul gut.

Mista Aiwa tok planti taim ol man save ting olsem ol lain we lek i bagarap o ol i no inap lukluk o harim em ol disabul lain tru.

Yumi no inap lukim stret long ai tasol tru long pasin bilong ol tasol bai yu save olsem ol i gat wanpela kain hevi long bodi.

Long PNG yet i gat moa long 250,000 pikinini husat i diseibol.

Mista Aiwa tok ol tisa long praimer skul i mas save long luksave long ol disabul pikinini na i save long helpim ol long lainim ol samting.

Wantaim dispela save ol i gat nau, ol i ken go bek na lainim ol tisa long wanem samting ol i ken mekim long helpim ol sumatin i gat kain hevi olsem long klasrum bilong ol.



Resis long 2003 Mis PNG • Ol yangpela meri ya i redi gen long resis long 2003 Mis PNG resis. Dispela em resis bilong pulim mani bilong helpim PNG Red Cross long ol wok bilong helpim ol pipel i kisim bagarap.

Oro laik rausim ol setelmen lain

LO NA oda hevi i wok long go antap insait long Oro provins bikos planti pipel i wok long kam insait long Oro provins long Momase na Hailens rijen.

Bikos long dispela, Oro provinsel gavman i mekim wanpela disisen las wik long rausim ol setelmen insait long provins long daunim lo na oda problem.

Oro provinsel gavman we ol i save kolim Horukare Bande i bihainim Morobe, Madang, Is Niu Briten na Milen Be provins long rausim ol pipel husat i stap nabaut long graun bilong gav-

man. Deputi Gavana Dudley Aiwa bin kamapim wanpela notis pepa long rausim ol setelmen taim asembli bin bung las wik na ol i bin pasim mosen long rausim ol setelmen.

"Long nau yet, ol pipel bilong yumi lusim bel isi na amamas bilong ol bikos kain kain manmeri long arapela hap i wok long kam insait long Oro provins.

"Long olgeta yia, ol pipel save kam insait long provins na dispela i save kamapim setelmen na semtaim lo na oda problem i go antap. "Yumi ol tru tru len

ouna tasol yumi stap nating na larim ol outsait lain long mekim samting long laik. Ol pipel long arapela provins i save lukluk daun long yumi," Mista Aiwa bin tok.

Mista Aiwa tok i mas gat wanpela task fos long karimaut dispela wok bilong rausim setelmen. Wanpela delegeesen bilong provinsel gavman opisal bai raun lukim Is Niu Briten, Madang na Morobe provins long painimaut ol rot ol i ken karimaut dispela wok long Oro provins.

Oro Gavana Hoivo laik helpim rurel komyuniti

ORO Gavana Pastor Bani Hoivo tok em bai givim bikpela luksave i go long ol rurel pipel taim em i stap holim opis. Gavana Hoivo i mekim dispela toktok long wanpela miting bilong em wantaim ol pipel bilong Gailala husat i stap long narapela sait bilong boda bilong Oro provins na Sentrel.

Pastor Hoivo bin tokim ol olsem ol pipel husat i stap long boda i no save kisim gut ol developmen na gavman sevis tasol nau ol bai

benefit long dispela ol sevis.

"Pipel bilong yumi husat i save stap long boda bilong Sentrel, Morobe na Milen Be provins mas kisim helpim long gavman sevis na filim han bilong gavman bikos long bipo yet yumi bin lus tingting long ol," em tok.

Em tok olsem sapos i gat moa viles patrol na sapos ol lida i raun long ol rurel eria orait ol sevis bai kam tru na gavman bai luk save long ol pipel.

"Mipela laikim olsem i

mas gat planti viles patrol bikos em bai helpim ol pipel long gat kontek wantaim gavman oltaim.

"Mi tingting long holim sampela ol Provinsel Eksekutiv Kaunsel miting insait long ol kaunsel we ol pipel i ken lukim ol lida taim ol i mekim ol bikpela disisen long ol," Gavana Hoivo bin tok.

Mista Hoivo tok Oro provins i gat planti ol risos tasol long sait bilong kamapim developmen insait long provins ol i stap baksait

long arapela ol provins bikos nogat gutpela lidasip. Em tok gavman bilong em bai traun hat long sevim ol pipel wantaim helpim bilong papa God.

Ol pipel bilong Gailala husat i stap long Is na Wes bilong Mt Albert Edward bin tokim Gavana long go lukim ol long Kokoda Stesen we ol bin tokaut long hevi bilong ol olsem ol ino save kisim gavman sevis long eria bilog ol na tu Gavana Hoivo i mas stretim ol toktok na hevi bilong boda.

Ragamuga setelmen i gat planti pipel husat ino save long rit na rait

ESTHER HARO i raitim

RAGAMUGA setelmen insait long Nesenel Kapitell Distrik i gat planti man meri na pikinini husat i no save long rit na rait.

Levol bilong ol manmeri husat i save long rit na rait i go bikpela long ol arapela ol komyuniti na setelmen we i kam aninit long Mosbi Saut ilektoret bilong Minista bilong Welle na Sosel Developmen, Ledi Carol Kidu.

Ledi kidu bin mekim dispela toktok long greduesen bilong 4-pela pikinini bilong Ragamuga setelmen husat krismas bilong em 9 igo antap long 11 krismas.

Jacobeth John bin go pas long skulim dispela ol pikinini. Em save skulim ol long wiken, na long nait i kam inap 2-pela yia.

Ol pikinini i fes long Ragamuga setelmen husat i greduet aninit long Mosbi Saut childhood litresi program.

Ledi Kidu bin tokim ol

papamama husat bin kam long dispela greduesen olsem em i moa beta taim ol papamama i lainim ol pikinini long rit na rait taim ol i bebi i kam inap ol i kamap 8-pela krismas.

Em tok taim ol pikinini i liklik yet, ol i ken lainim planti samting, nogut na gutpela wantaim na ol papamama mas go pas long lainim ol pikinini gutpela samting na tu lainim ol long rit na rait.

Ledi Kidu i wok long ronim litresi program insait long ilektoret bilong em bikos em i laikim olsem olgeta, papamama wantaim ol pikinini i mas save long rit na rait sapos ol i laikim laip bilong ol i kamap gut.

Em tok olsem litresi reit long arapela ol komyuniti we i kam aninit long ilektoret bilong em i antap olsem 70 na 80 pesen.

Tasol em tok Ragamuga long 6 mail tasol i stap bihain long arapela wantaim 40 pesen tasol.

Ledi Kidu bin tokim ol papa mama long go aut na tok save long ara-

pela olsem em i bikpela samting olsem ol mas save long rit na rait.

Wok we Mis John i wok long mekim em gutpela bikos em i wok long helpim arapela tu long rit na rait.

Pastaim Mis John bin wok wantaim ol bikpela manmeri na bihain em stat wok wantaim dispela ol 4-pela pikinini.

Em tok bihain long dispela greduesen em i laik statim ap wanpela skul bilong em yet we em bai trenim ol manmeri husat i laik kamap tisa long karimaut litresi klas.

Dairekta bilong Nesenel Litresi na Awenes Sekriteriet, Willie Jondou tok PNG i gat longpela rot long go yet long skulim ol pipel long rit na rait.

Em tok populesen bilong PNG em 5 milien tasol i gat hap bilong dispela namba bilong ol manmeri i no save long rit na rait. Em bin tok olsem litresi o save long rit na rait bai helpim ol man meri long gohet na long save long stretim laip bilong ol long stap gut na painim gutpela helpim.

WANTOK
MALOLO
TAIM

MEI 22, 2003

P11 - Meri Goroka planim
diwai long ples

P21 - Hevi bilong
dinau moni

P22 - Misineri Redio i
mekim wok

P23 - Ol manmeri i laik
mekim penpren

P15 - 18 - PNG Soka Akademi

NUPELA
SOKA AKADEMI
LONG PNG


BMBM

Available from: **BMBM HARDWARE**


■ Port Moresby: Ph: 325 1135
Fax: 325 7393
■ Lae: Ph: 472 6966
Fax: 472 6968
■ Kokopo Ph: 982 9580
Fax: 982 9581

New Arrival
Galanz

International Quality Standards **One Year Parts Warranty**



Cabinet Type
Air Conditioner



KF71 Special Price: K3,630/Set

Cooling Capacity: 28,000BTU
Suitable Area: 32-50Sq.m
Dimension: Indoor 1800*540*270mm
Outdoor 860*900*330mm

KF120 Special Price: K5,130/Set

Cooling Capacity: 46,000BTU
Suitable area: 55-83 Sq.m
Dimension: Indoor 1910*615*325 mm
Outdoor 1260*975*330mm



ISO9001



TOKTOK NATING

wantaim

Fr Paul Liwun SVD



I GAT wanpela nupela bikpela stua i stap long Gordons Industrial eria, ol i kolim RH HYPER-MART. Opisel opening bilong em i bin kamap long wanpela Sarere bipo long Palm Sande dispela yia.

Taim yu go insait long dispela stua long baim ol samting, bai yu lukim planti samting yu nidim long en i stap. Tasol yu tu mas spandim planti moni long baim ol. Dispela em i pasin bilong soping bilong yumi long dispela graun.

Yu bin tingim tu long wokim spiritual soping bilong yu o nogat?

Wanpela wantok bilong mi, em tu i wanpela Pater bilong lain SVD i kam long Flores Ailan long Indonesia wantaim mi. Nau em i wok long Botswana, long Afrika. Em i bin serim dispela stori wantaim mi long wanpela email bilong em.

Taim mi wokabaut i go long Haiwe igat Laip, mi bin lukim wanpela notis bod ol i raitem olsem "Stua bilong ol samting bilong Heven".

Taim mi bin kamap klostu long en, dua i op bikpela tru. Wantu tasol mi bin stap insait long dispela stua pinis. Mi bin lukim planti angelo i stap. Ol i sanap long olgeta hap. Wanpela bilong ol i givim mi wanpela basket na i tok: "Pikinini, lukluk na skelim gut ol samting bipo yu baim ol".

Olgeta samting ol manmeri i nidim long en i stap insait long dispela stua. Sapos yu i no inap baim na bringim long dispela taim, yu ken kam bek bihain na kisim ol.

Pastaim mi bin kisim PATIENCE. Long wankain kapbod, mi bin lukim LAIK PASIN tu i stap. Daunbilo liklik mi bin lukim SAVE i stap. Yu nidim SAVE long olgeta hap yu bai go. Bihain mi bin kisim wanpela o tupela bokis i pulap long STREPELA TINGTING, na wanpela o tupela bek bilong BILIP. Mi nidim PASIN o WOK MARI MARI tu.

Mi no inap lusim tingting long HOLY SPIRIT, bikos em i stap long olgeta hap bilong stua. Bihain mi bin kisim tu sampela STRONG na PASIN I NO PRET, bikos dispela tupela pasin i helpim mi long resis antap long dispela graun.

Basket mi holim long en i pulap tru pinis. Tasol mi nidim yet GRASIA na bihain mi kisim SALVESEN tu, bikos SALVESEN i nogat pe bilong en. Mi traim long kisim planti samting mi nidim long laip bilong mi antap long dispela graun.

Na mi wokabaut i go daun long kaunta long baim ol samting mi bin kisim long en, bikos mi tingim olsem nau mi kisim pinis olgeta samting mi nidim long en.

Tasol taim mi wokabaut i go, mi lukim PREA na mi kisim na putim insait long basket, bikos mi save olsem taim mi stap ausait ol traim nogut bai kamap long laip bilong mi.

GUTPELA TAIM na AMAMAS i pulap tru antap long self. I no long we long ol igat SONG na PREIS, tupela i hangamap klostu tasol. Olsem na mi bin kisim na putim insait long basket bilong mi.

Nau mi wokabaut go het long kaunta. Na mi bin askim ensel long kaunta olsem: "Nau yu tokim mi. Hamas Kina mi mas peim long olgeta samting hia?"

Ensel i smail na tokim mi: "Yu kisim wantaim yu tasol long olgeta hap yu bai go long en".

Mi no bin harim klia olsem na mi askim em gen: "Tokim mi plis, hama mi mas peim olgeta?"

"Pikinini bilong mi, Ensel i tok gen, God i bin peim dinau bilong yu longpela taim i go pinis".

**** Yu i gat olgeta spiritual nid bilong yu pinis o nogat?**

**** Tenkyu Lord long peim olgeta dinau bilong mi!**



Olgeta samting long Heven na Graun i litimapim nem bilong God

Litimapim nem bilong Bikpela! Yupela olgeta i stap long heven antap, litimapim nem bilong Bikpela! Yupela olgeta ensel, litimapim nem bilong em! Yupela olgeta ami bilong heven, litimapim nem bilong en! San na mun, yutupela litimapim nem bilong em! Na olgeta sta i lait tumas, litimapim nem bilong en! Heven antap tru, litimapim nem bilong en! Wara i stap antap long skai, litimapim nem bilong en! Tru tumas, olgeta i mas litimapim nem bilong Bikpela. Biknem bilong em wanpela i winim tu biknem bilong olgeta manmeri. Bikpela bilong en i antap tru, i winim heven na graun.

Buk Song 148: 1-4, 13

Boubou kamapim moa long K3,569

SEN Peter Sanel Katolik Peris long Erima insait long Nesenel Kapitil Distrik i wok long karimaut ol projek bilong strongim na kamapim gut ol wok bilong em.

Progrem bilong ol projek i bin stat long yia 2000. Dispela em ol projek long wokim drein sistem we i pinis nau, penim na stretim sios biling, mekim ausait bilong sios i luknais long planim ol flawa samting, wokim banis raunim sios na moa.

Projek bilong wokim banis i no pinis yet bikos ol i mas banisim fran bilong sios. Olsem na peris i wok long karimaut ol fan resing yet long kisim inap mani long pinisim banis projek long sios fran.

Olsem na long neks wik, peris bai holim wanpela fan resing danis long Grenvil Motel.

Long tupela wik i go pinis tu long pestode bilong was santu bilong peris em Santu Peter Sanel, ol wan wan liteji, yut na mama grup insait long peris, sampela famili na tu ol arapela lain i save helpim peris i bin wokim Boubou long bungim ol mani we wanwan grup i bin resim na givim i go long peris fan resing komiti na peris pris.

Mak bilong mani em long K3,569.48. Sevenpela liteji grup i bin givim mani we ol i bin bungim long ol fan resing aktiviti bilong ol.

Sauten rijen liteji grup i bin givim bikpela mak wantaim K1,115.15. Namba tu em long Niugini Ailans liteji grup we i bin givim K1,000, Momase rijen liteji grup i bin givim K601.00, Hailens grup wantaim K250.00, ATS Katolik komyunti wantaim K138.00, Jubili Liteji grup wantaim K105.40 na Jesus Covenant wantaim K100.00.

Mista na Misis Yohanes Esomar em wanpela famili bilong Indonesia we papa i wok long embasi bilong Indonesia na husat i save lotu long Erima Peris i bin givim K250 tribusen tu.

Ol arapela grup we i bin givim ol metiriel samting long helpim wokim sios banis em long Gerry Tokilivila na famili husat i bin givim wanpela bek simen, mama grup i bin givim faipela bek simen, Mista Manardo Lucido em wanpela man Filipino na famili long Goldie Tech Invesmen long Gordons i bin givim foapela penel spaik long wokim banis long em.



Selebretim Foundas De • Ol Jubili Katolik Sekonderi skul sumatin i wokim ol aktiviti long makim Foundas De bilong ol De La Salle Bruder las Fraide. Ol De La Salle Bruder i save ronim planti skul insait long kantri olsem Bomana, Hohola Youth Senta, Mainohana na Holy Rosary (Kondiu) long Simbu provins. Foto: ESTHER HARO.

Redio Sande Skul sevim rurel pikinini

JAMES KILA
i raitem

YANGPELA meri Heather Scones i mekim Gret 10 na em wantaim famili bilong em i save stap long wok misin long Holiguti long boda bilong Lufa na Okapa long Isten Hailens provins.

Insait long wan wan wik, Heather wantaim papa bilong em i save go long Goroka taun na mekim ol sampela wok. Steve i save go long Goroka long mekim ol wok long sait bilong kisim ol saplai bilong skul na ol narapela administresen wok na Heather i save go long opis bilong Kristen Redio Misinari Felosip (CRMF) long Wes Goroka na salim ol E-mail i go long ples bilong ol long Washington Stet long Yunaitet Stets ov Amerika(USA).

Mista Sconce i tok dispela wok CRFM i wokim long givim sevis long em wantaim pikinini bilong em Heather em i olsem "Blesing". Dispela Misinari bilong Amerika i save wok long

Misinari Trening Senta (MTC) na planti taim em i save yusim ol redio na ol narapela samting long CRMF long mekim wok bilong em i go isi tru.

Dispela misinari i gat nainpela pikinini na planti taim em i save ron long motobaik i go olgeta long Goroka, mekim wok pinis na bihain em i save go bek long Holiguti long motobaik.

"CRMF i olsem wanpela blesing long mi wantaim famili bilong mi husat i wok i stap long Holiguti. Planti taim mipela i save kam mekim wok na salim ol toksave long E Mail na CRMF i save givim gutpela helpim tru long mipela," Mista Sconce i tok.

Menesa bilong CRMF, James Mollenhauer i tok nau yet ol i gat ol misinari wantaim ol pikinini bilong ol husat i stap long ol bus na rurel eria insait long kantri.

Planti taim ol pikinini bilong ol dispela ovasis misinari i no save miks wantaim ol lokol o asples manmeri, olsem na ol i kamapim dispela progrem long

lukluk long helpim ol dispela lain manmeri long bus eria.

CRMF em i wanpela intenesenel misin ogenaissen we i bin stat long Australia long 1946. CRMF-PNG i bin stat long 1951 long givim ol teknikel sapat sevis i go long ol sios na misin long olgeta hap bilong PNG long wok bung wantaim long sevim Papa God.

CRMF em i olsem wanpela Kristen sevis ogenaissen na em i no wanpela komesel kampani o kampani we i wok long kisim win mani.

Ol wok manmeri bilong CRMF em ol lain misinari bilong ovasis na PNG na olgeta bilong ol em gutpela manmeri husat i laik mekim na strongim wok bilong Bikpela Papa God.

Dispela wok bilong CRMF i sevim planti ol misinari tru long sait bilong komyunikesen o salim ol toksave na infomesen. Long olgeta Sande apinun, 15-pela pikinini long Goroka i save go long opis bilong CRMF long Wes Goroka long singsing o ritim ol stori long buk

Pasin long sot long samting em i birua bilong bel isi

OL PASIN bilong skul long bel isi i pas-wantaim wok bilong autim tok bilong God long sios "olsem tisa bilong ol pipel na long olgeta man," wanpela opisa bilong Vatikan i tok.

Asbisop Renato Martino, presiden bilong Pontifikal Kaunsil bilong Jastis na Pis i mekim dispela toktok long Trinde long wanpela toktok em i mekim long ol siosman long asdaosis bilong Medellin. Em i mekim wok-abaut bilong em long Kolombia long nambatu Kongres bilong Nesinel Rekonsiliesin we i stat long Mande long kapital bilong Bogota, Saut Amerika.

Toktok long "Sosel Pastoral Kea na Rekonsiliesin long Taim bilong Hevi," Asbisop Martino i tok long bihainim skul bilong Pop John Pol VI na Pop Jon Pol II, "ol nupela nem bilong pis (belisi) em jastis, developmen na solidariti."

Poveti na sosel maginalisesin (kain sindaun we i gat mani man na trangu man) em ol bikpela birua bilong pis, asbisop i tok.

Na olsem tasol nogat woa o pait mas go wantaim wok bilong sosel jastis na bilong luksave long man olsem man na fridom bilong em.

Tasol skul bilong pis i mas go pas long luksave bilong famili i stap wantaim na long pasin bilong stap gut long laip. Olsem long skulim man em pasin bilong tokaut long wok bilong sosel jastis na bilong strongim gutpela wok bilong rispektim raits bilong olgeta man.

Asbisop Martino i go het long tok olsem skul bilong pis i go tu wantaim long pasin bilong toktok na save long as tingting bilong narapela man na tok orait long ol tingting bilong em."

Hap wok bilong skul bilong pis em long "givim bek man i gat strongpela na gutpela tingting na pasin i stap long politiks na ikonomi," em i tok. Aninit long ai bilong olgeta man pasin nogut bilong ikonomiks i lukim i gat bikpela baret namel long gutpela pasin na pasin bilong moa samting na mekim profit."

Na em i bilip tokaut long jastis na solidariti "bai soim nupela lukluk i go long ikonomi, tanim dispela tupela hap i go kamap wanpela hap tasol," Asbisop i tok.

Em i pinisim toktok bilong em wantaim strongpela toktok olsem olgeta manmeri i gat wok bilong autim skul bilong pis na olsem "liklik manmeri i ken toktok long woa o pait tasol planti manmeri i bai toktok long solidariti (kamap wanpela)."

Baibel. Redio brotkas bilong ol dispela lain i save go long olgeta lain misinari husat i stap long ol bus ples na ol i save kisim brotkas bilong HF redio insait long taim bilong CRMF yet.

Meri husat i save lukautim dispela Redio Sande Skul em Ruth Mollenhauer husat i save redim ol progrem na toktok na tu pilaim ol musik we ol liklik pikinini i save laikim tumas.

Dispela progrem i save kamap olgeta Sande apinun na stap olsem 45 minit. Planti taim ol liklik manki long Goroka i save go long CRMF na joinim na singsing, mekim preis na ritim ol Baibel stori.

Dispela redio progrem i save kamap long HF tuwei redio na brotkas i go long ol longwe ples insait long kantri olsem ol misin stesen long Westen provins na tu ol narapela eria we i gat ol misinari i wok i stap.

Tru tumas, dispela brotkas bilong Redio Sande Skul em i namba wan tru em planti liklik pikinini i save laikim tumas.

Strongim wok long sevim paiawut

**FAY DUEGA
i raitim**

SOT long paiawut em i kamap olsem bikpela hevi long planti hap long graun.

Bikpela mak bilong ol pipel bilong mipela, olsem 85 pesen, i stap long ol rurel eria i save yusim paiawut long olgeta de long kuk. Na long Hailens we i kol, ol i save yusim long mekim paia bilong kipim bodi bilong ol i stap hot.

Tasol mak bilong ol diwai we pipel i yusim long paiawut i wok long go daun, na sapos ol atoriti long PNG i no wokim samting bilong long dispela hevi, PNG bai bungim bikpela hevi.

Nesanel Fores Sevis (NFS) i luksave long dispela hevi na bikpela samting em i mas mekim em long pinisim ol wok long Nesanel Reaforestresen Polisi na Program long sapatim program bilong planim ol yangpela diwai.

Sot long paiawut i kamap bikos populesen o mak bilong ol manmeri i go antap na tu, wok long katim ol diwai na bus long planim ol samting bilong kaikai na salim na tu bilong kamapim eben developmen. Diwai o timba bilong wokim haus long en i wok long sot.

NFS i laik stretim dispela hevi na em i laik wokim dispela long planim ol yangpela diwai long ol hap graun we i gutpela o ol i plenim long kamapim dispela wok long en, sapatim agro forestri na planim diwai we i gat long em program bilong planim ol yangpela diwai long rurel na eben eria.

Bikpela tingting long go hetim dispela program em long ol eria we sot long paiawut i kamap bikpela bikos ol i yusim long ples na long ol industri o long wok bisnis.

Mipela i noken lusim wok long sevim na planim ol yangpela diwai long han bilong NFS tasol, nogat. Mipela wan wan i mas mekim long sevim ol risos long wan wan eria bilong mipela.

Wantaim dispela long tingting bilong em, wanpela mama bilong foapela pikinini husat i bin sindaun insait long wanpela woksop bilong planim ol yangpela diwai program we NFS i bin ranim i bin statim wanpela neseri program bilong ol kain diwai, faivpela krismas i go pinis.

Em i bin laik tilim ol dispela yangpela diwai fri pastaim na bihain salim ol. Tasol bikos ol komesel beng i no save givim dinau mani long ol forestri projek, Misis Sallyn Lomutopa i bin tingting long groim ol kofi bin olsem rot long kisim mani long en pastaim.

Long wankain tam tu, em i wokim neseri long ol kain yangpela diwai bilong kisim paiawut long en we em i save givim nating long ol lain i baim ol kofi bin long em. Em i save etvaisim tu ol lain i kisim ol yangpela diwai olsem em i gutpela long planim ol diwai nau na bihain, em bai helpim ol.

Misis Lomutopa i planim pinis na salim 200,000 diwai sit. Plantilong ol em ol kofi sit tasol namel long ol kofi sit, em i planim tu ol kain kain diwai olsem ol

dispela bilong yusim olsem paiawut, dispela bilong salim na dispela bilong bilas o kisim ol wel na naispela smel long en.

Tasol Misis Lomutopa i tok ol pipel i mas luksave olsem hevi long paiawut i sot i stap na ol i mas helpim long daunim.

"Planim ol yangpela diwai na tilim ol sit i no ansa long hevi bilong paiawut i sot insait long PNG. Bikpela na namba wan samting long mekim em long luksave olsem dispela hevi em i bilong mipela wan wan na i stap, na mipela yet i mas stretim. Long planti taim, ol i save lukim olsem sot na hevi long paiawut na envaironmen em i samting bilong ol meri, tasol dispela i no stret. Em i hevi we mipela olget man na meri, ol manki na ol



• Sallyn Lomutopa i strongim wok bilong sevim ol risos olsem ol diwai.

Na bilong em. Antap tu long dispela, em i mekim voluntia wok long karimaut aweanes bilong tokim ol pipel olsem em i bikpela samting long planim ol yangpela diwai.

Laik na tingting bilong em i bin strongp tru long stretim dispela hevi long paiawut i sot na olsem em i bin kamapim wanpela grup ol i kolim (EHFEAG). Ol memba bilong grup em ol i kam long liklik ples bilong Misis Lomutopa, em long Arikauf i stap long Unggai-Bena Distrik insait long Isten Hailens. EHFEAG em i wanpela komyuniti beis grup wantaim 102 memba.

Long dispela mak, 31 i peim membasip bilong ol, na ol i strongim wok tru i stap.

Bikpela tingting bilong grup em long lukluk long karimaut ol aweanes i sut long :
• Go long grasruts level we i

bilong ol pipel long yusim.

• Inap kaikai bilong ol famili long kaikai na sapos i gat planti, salim bilong kisim mani long en;

• Kamapim gut laip na sindaun bilong ol rurel pipel na
• Lukautim gut ol risos.

Driman bilong Misis Lomutopa em long promotim sosel ikonomik developmen bilong ol rurel komyuniti.

"Mipela i no ol lusman. Mipela i gat graun bilong mipela long sapatim mipela taim hatpela taim i kamap," Misis Lomutopa i tok.

Pasin we sampela lain i mekim long statim paia na kukim bikpela hap bus na ol diwai i kamapim bikpela bagarap long envaironmen. Na EHFEAG i wok long tokim ol pipel olsem em i no gutpela long wokim nating paia na ol hevi na birua em i ken kamapim long en.

"Papa God i bin wokim olgeta samting na i nogat as long wokim paia we bai bagarapim olgeta samting we em i bin wokim long en," dispela strongpela Seven De Sios meri i tok.

LHFEAG i kisim luksave long wok em i mekim na Unggai Bena Join Distrik Baset Praioriti Baset na Plening Komiti na givim helpim wantaim K20,000 long karimaut wok bilong em long ol neseri na aweanes.

"Plantilain i laikim stret aweanes wok bilong mipela tasol mipela i sot long ol risos. Mi lukim olsem ol pipel i gat bikpela laik long lainim moa na lukautim gut envaironmen bilong ol. Tasol mi inap long wok tasol long mak bilong ol risos (mani na ol pipel long karimaut wok) na mipela bai amamas long helpim," Misis Lomutopa i tok.

Misis Lomutopa i bin skol long Goroka Hai skol, Goroka Teknikel Kolis we em bin skol long wok seketeri. Tasol long kain wok em i mekim nau, em i gat bikpela laik long helpim komyuniti long dispela wok we em i laikim tru long mekim long lukautim envaironmen.

Em i bilip long givim pawa long ol pipel long rot bilong serim infomesen na save na em i lukim tu olsem givim aut infomesen long ol manmeri i ken save em i bikpela samting.

Tasol em i bin tok long gat gutpela wok bung i mas gat gutpela wok bung namel long ol teknikel opisa na ol rurel pipel.

Long nau, Misis Lomutopa i gat plen long bildim wanpela risos trening senta long ples bilong em. Em i kisim pinis hap graun inap long 1.5 hekta we ol i seveim: na gredim pinis long kirapim dispela risos senta.

Em i gat 24 diwai i redi pinis we ol bai katim na yusim long wokim ol haus long en long trenning senta ya. Em i singaut tu long ol atoriti long yusim EHFEAG long karimaut ol aweanes wok long en.

"Mipela i wok wantaim komyuniti long sampela taim nau na ol pipel i luksave long mipela. Olsem na i gutpela long ol atoriti i putim ol risos bilong ol long ol kain grup olsem bilong mipela long karimaut ol aweanes wok na i no long ol bilong wokim dispela ol yet long ol nupela envaironmen," Misis Lomutopa i tok.



• Sallyn wantaim ol ples lain i wok wantaim em long aweanes na neseri. Foto: FAY DUEGA.

yangpela meri i mas lukluk long en," Misis Lomutopa i tok.

Misis Lomutopa i kamap olsem strongpela sapatim bilong planim ol diwai na tu, em i save strongim ol arapela lain long wokim wankain samting, bihain long em i bin stap insait long wanpela woksop we AusAID i bin ranim long Lae long 1998. Program i bin karamapim ol eria olsem skelim na glasim nits bilong paiawut insait long ol komyuniti.

Developmen Brens wantaim Humen Risos seksen bilong PNG Fores Atoriti wantaim AusAID i bin ranim dispela woksop. Wanpela hap bilong woksop i bin karimaut wanpela sevei o wok pinimaut we i bin go long ol wan wan haus long Tri na Foa Mail. Insait long dispela wanpela woksop, olgeta 23 lain i bin sindaun long en i bin go long 60 haus.

ol i bin painimaut olsem planti pipel i wok long yusim sodas, plastik na kokonas skin long mekim paia na i no paiawut bikos paiawut i sot. Sapos ol i laikim paiawut stret, ol i mas wokabaut longwe hap long painim.

Misis Lomutopa i bin wari tru long ol wok painimaut bilong sevei long Lae na taim em i bin go bek long Isten Hailens em i bin lukluk gut long ples bilong em na ol pipel na em i luksave long sot long paiawut ol pipel bilong embai klostu bungim.

Long ples Kama, em i bin painim olsem ol pipel i yusim ol katbot na bokis long wokim paia long en bikos long paiawut i sot. Na em i no bin wetim sampela lain long kamapim senis tasol em yet i kamapim strongpela tingting na tok em yet i mas wokim samting kwiktaim.

Orait, em i statim wanpela liklik neseri na statim tu liklik bisnis

karamapim ol rurel na eben komyuniti wantaim;

• Ol biurokret o ol bikman long agrikalsa, forestri, envaironmen na konsevesen, naturel risos., sosel welfea developmen na ol polisi meka.

Misis Lomutopa i tok EHFEAG i sut long ol skol sumatin long kisim mesej olsem ol pipel i mas wokim gut long envaironmen. Em i bin tok ol bikpela manmeri i no bisi tumas long dispela na grup bilong em i painim hat long kisim dispela mesej i go long ol.

Olsem na EHEFAG i wok long wok wantaim ol skol sumatin bilong kirapim netwok olsem provinsiel kaunsil bilong ol meri, ol non gavman grup na ol sios.

Na ol memba i wok long lukluk olsem hatwok bilong ol i mas karimaut. Insait long 10-20 yia i kam taim ol dispela samting bai kamap:

• Bai i mas gat inap paiawut

Haus sik kisim ol samting bilong werim

POT MOSBI jenerel haus sik i kisim ol samting bilong werim long karamapim nus na maus bilong ol haus sik wok manmeri husat bai mekim wok wantaim ol sik SARS manmeri.

Nesenel SARS Rispons tim kodineta Dokta James Wangi bin kisim ples bilong Helt Seketeri na siaman bilong SARS task fos komiti, Dokta Nicholas Mann long givim aut ol dispela samting igo long Dokta Diro Babona, dairekta bilong medikel sevis bilong haus sik.

Ol i bin mekim dispela liklik seremoni long Pot Mosbi

jenerel haus sik (PMGH) long Fonde las wik.

PMGH i bin kisim ol samting olsem gam but, han glav, fes mask na arapela samting.

Dokta Babona i bin amamas olsem ol dispela samting i kam pinis long haus sik.

Dokta Wangi em tu dairekta bilong Disis Kontrol Brens bilong Helt Dipatmen na em i bin tokim Dokta Babona olsem ol bai kisim gen wankain samting olsem long klostu taim.

Dispela K690,000 we Nesenel Gavman i givim bilong wok insait long SARS em helt dipatmen i putim long

pait egensim SARS long bihain taim.

Ol bai yusim mani long baim ol samting bilong banisim na karamapim ol maus na bai wok wantaim SARS sik lain na long stretim wanpela wod i stap bilong em yet na long kamapim wanpela kwarantim opis insait long Jeksen's Intanesenel ples balus.

Ol i statim pinis namba wan hap bilong mentenen long wod. Ol i muvum ol sik i save yusim dispela wok i go long narapela wod.

Helt Minista i askim helpim bilong India gavman

HELT dipatmen i askim helpim bilong India gavman long stretim gut helt level insait long Papua Niugini.

Helt Minista Melchior Pep bin askim helpim bilong India Hai Komisina, Basant Kumar Gupta long Fonde las-wik long mekim spesol wok redi we ol helt spesolis i ken kam insait long kantri.

"India i gat bikpela risos long helt na mi laik askim helt komisina long kamapim wanpela spesol wok redi we Papua Niugini tu i ken kisim helpim long helt.

"Long bipo India i save helpim wantaim ol teknikel spesolis long sait bilong teknikel helt taim Britis na Australia bin lusim," Mista Pep i tok.

Tasol Mista Pep i tok ol spesolis i no kam moa long kantri. Em tok PNG i

laikim ol teknikel save lain long kensa bikos sik kensa i wok long kamap bikpela.

"Bai mi askim dipatmen bilong mi long mekim wok painimaut sapos igat ol gutpela rot i stap long kantri bilong yumi long sait bilong humen risos developmen na trening, medikel drag na medikel na teknikel spesolis," em i tok. Mista Pep i mekim dispela askim long wanpela seremoni we Mista Gupta i bin givim ol marasin na medikel saplai mak long K1 milien.

Hai Komisina i givim 224 paket medikel saplai we ol bai skelim long ol haus sik na helt senta long kantri.

Wanpela paket i gat 2,400 sut, 97,400 traimosol na klorokwin tablet, amoxisilen na sodiem injeksen.

Mista Pep i bin tenkim gavman na ol pipel bilong India long helpim bilong ol we i strongim wok poroman bilong tupela kantri. Mista Gupta i tok Indian gavman i gat bikpela tingting olsem tupela kantri i mas wok bung wantaim long sait bilong helt.

Dispela em namba 4 helpim we Indian Hai Komisina i mekim long PNG.

Ol i bin helpim wantaim mani na sampela ol samting long ol manmeri long Rabaul long taim bilong volkeno o maunten paia, Aitape sunami na drai taim long yia 1997.

Dispela helpim we Mista Gupta i mekim em las opisal wok we em i karim aut insait long kantri. Em bai lusim PNG bihain long em bin stap mekim wok bilong em long 3 krismas.

Salens long bihainim lek mak

ESTHER HARO i raitim

OL SUMATIN bilong De La Salle, Hohola Yut Developmen Senta na Jubili Katolik Sekendri skul insait long Pot Mosbi mas bihainim lek mak bilong papa bilong ol St John Baptiste De La Salle long helpim dispela ol lain husat i laikim helpim.

Pater John Glynn, Seplin bilong Jubili Katolik Sekendri i mekim dispela salens long ol sumatin long wanpela liklik misa las Fraide long makim de bilong santu bilong skul.

Pater Glynn bin tok olsem bikpela man o

meri insait long skul em dispela pikinini husat i gat bikpela hevi.

Em i tok sumatin husat i kisim dax o kisim prais long wanpela stori bilong em ino bikpela samting tasol sumatin husat i gat sot em bikpela samting.

Pater Glynn tok dispela ol pikinini husat i sot em dispela we ol i laikim helpim bilong arapela. Em i bin givim tok piksa long gospel bilong Matyu we Jisas i bin laikim olgeta pikinini na em i bin tok olsem heven em i ples bilong ol pipel olsem dispela ol pikinini.

Pater Glynn bin tokim ol sumatin olsem Jisas i save laikim ol man meri husat save stap isi na ol ino save

ting olsem ol i moa long arapela na laip bilong ol olsem ol pikinini.

Ol Lasallien skul olsem Jubili Katolik sekendri skul save amamasim dispela de long olgeta yia na het tok bilong dispela yia em 'driaman...stap na givim long pasin bilong Lasallien. Long dispela dei ol i bin pikim 20 sumatin long wanwan skul na ol bin salim ol go long arapela bilong dispela 3-pela skul long makim dispela dei.

Long Jubili Katolik Sekendri skul ol i bin gat liklik misa long moning na bihain ol bin gat kwis gem, ol sumatin ritim poem, i bin gat ol danis na spots.

Rekot bilong plenim edukesen bihain taim

ESTHER HARO i raitim

NAMBA infomesen o statistiks long Edukesen em i bikpela samting bikos em bai helpim yumi long mekim gutpela plen long bihain taim.

Minista bilong Edukesen, Michael Laimo i mekim dispela toktok taim em i opim UNESCO sabrijenol pasifik edukesen statistikal woksop long Lamana long Tunde long dispela wik.

Mista Laimo bin tokim ol manmeri olsem namba infomesen i save soim wanem kain rot edukesen sistem i groa na develop na tu em bai soim sampela piksa long wanem samting yumi mas wokim bihainim o long wanem mak bai yumi bihainim.

"Statistik bai helpim yumi long skelim wanem rot bai yumi ken brukim na tilim gut ol

risos long edukesen.

"Yumi mas i gat gutpela plen long helpim olgeta pikinini long go long skul na tu ol i mas gat ol samting bilong yusim long skul na ol tisa mas gat gutpela trening," em i bin tok.

Moa long 13 edukesen plena na ol wok manmeri husat i save karimaut statistiks wok wantaim nesanel ministri bilong Edukesen o nesanel statistik opis long 10-pela Pasifik rijen kantri i kamap long dispela woksop.

Ol kantri husat i salim ol lain i kam long Pot Mosbi em Fiji, Kiribati, Papua Niugini, Samoa, Solomon Ailan, Tonga, Tuvalu na Vanuatu.

UNESCO Institut ov Statistiks save holim kain woksop long olgeta yia na dispela em namba 5 yia tasol em i namba wan taim we ol laik holim woksop long PNG.


Long dispela wan wik woksop ol bai toktok long planti

samting long sait long statistiks. Ol bai lukluk long we edukesen dipatmen i ken painim long hamas pikinini i pinisim praimer edukesen na ol i ken painimaut hamaspela tisa edukesen dipatmen i mas i gat long 2015.

Minista Laimo i tok olsem long PNG statistiks bin wanpela bikpela samting na ol bin yusim statistiks long developim edukesen plen long karimaut edukesen rifom.

Em i tok nau ol i stat long developim neks edukesen plen bilong 2005 igo long 2014 na ol bai yusim edukesen statistik ken long mekim plen.

Olsem na Minista Laimo tokim ol kos manmeri olsem woksop em i bikpela samting bikos ol bai kamap wantaim sampela gutpela tingting long ol we kantri i ken karimaut wok statistik long edukesen long plenim edukesen bilong ol pikinini long bihain taim.



• Ol sumatin bilong Jubili Katolik Sekondari skul, Hohola Youth Developmen Senta na De La Salle i resis long kwis gem long makim Faundas De long las Fraide.

Poto: ESTHER HARO.

Enga gavman bai sapatim wanwan sumatin tasol neks yia

ENGA provinsel gavman bai glasim gut ol sumatin na givim sapat na baim skul fi bilong ol long neks yia, Gavana Peter Ipatas i bin mekim dispela toktok taim em i givim sek mani i go long ol sumatin bilong Yunivesiti ov Papua Niugini na Pasifik

Edventis Yunivesiti.

Em i tok long 2004, provinsel gavman bai oraitim tasol wanpela ol kos o skul bai kisim sapat na bai no inap gat 'fri lans' bilong olgeta long neks yia.

Em i tok kantri i wok long bungim taim bilong hevi na Enga provins tu i wok long

gat hevi bilong em yet.

Mista Ipatas tok long neks yia, provinsel gavman bai sapatim 20 studen long moa long K360,000 long go insait long wanpela praivet skul long Enga, ol bai givim moa long K204,600 long ol sumatin long UPNG, K24,600 bai go long ol

sumatin i go skul long Pasifik Edventis Yunivesiti na K100,000 long ol sumatin bilong Yunivesiti ov Teknoloji long Lae, Divine Word Yunivesiti long Madang na Vudal Yunivesiti long Is Nu Briten provins na 10-pela sumatin bilong ol grasrut famili long dispela



Austrade invites people living in Papua New Guinea and seeking to advance their studies and their careers to visit the Australian Education & Training Roadshow. A range of Australian tertiary and vocational institutions will be featured.

The Roadshow will visit the following locations:

Goroka - at the Bird of Paradise Hotel; opening times:
- Monday 26 May, 8:30 am to 3:00 pm

Lae - at the Melanesian Hotel; opening times:
- Tuesday 27 May, 8:30 am to 3:00 pm


Rabaul - at the Hamamas Hotel; opening times:
- Wednesday 28 May, 8:30 am to 4:00 pm

Port Moresby - at the Holiday Inn; opening times:
- Friday 30 May, 8:30 am to 4:00 pm
- Saturday 31 May, 8:30 am to 4:00 pm

Take the opportunity to discuss your study requirements and course or program interests with participating representatives. No appointments necessary - all visitors are welcome!

FREE ADMISSION

For further detailed information on participants, please contact:
Yaku Ninich Austrade Tel: 325 9150 Fax: 325 9727



Tripela poro bung gen • Sir Alkan Tololo (left) Sir Ebia Olewale i bungim olupela poro bilong ol Profesa Ken KcKinnon. Pro. McKinnon i bin go pas long eduksen dipatmen bilong long indipendens. Ol tripela i bin wok long Daru bipo. Foto: JOE KANEKANE

Yunitek karimaut program bilong banis sut

SALPLIMENTRI Imunaisesen (o banis sut) egensim ol sik nogut olsem polio na misels em i wanpela bikpela program we i wok long kamap insait long Lae siti na Morobe provins.

Klinik long Yunivesiti ov Teknoloji (Yunitek) em i wanpela ples we i wok long karim aut dispela program na ripot i kam olsem dispela klinik i givim banis sut long moa long 400 pikinini pinis.

Bosmeri bilong dispela klinik, Sista Mary Toress i tok olsem ol i givim ol banis sut bilong misels i go long ol pikinini husat i gat krisman aninit long 14 na sut banis bilong polio long ol pikinini aninit long faivpela krisman.

Sista Toress i tok olsem bikos kominiti

LYTHIA WILLIAM i raitim

bilong Yunitek i bikpela ol i bin askim bai ol papamama i bihainim namba bilong hausung eria bilong ol long kisim ol pikinini bilong ol long kamap long klinik long kisim sut.

Ol i bin stat pastaim wantaim ol pikinini long eria tupela wik ago pinis. Long las wik ol i makim bai ol pikinini long eria tu igo inap fo na long dispela wik long ol pikinini long eria faiv. Moa long dispela ol pikinini bilong ol staf mamba long ol arapela han skul bilong Yutek olsem Timba na Forestri Trening Kolis long kisim sut bilong ol long neks wik.

Sista Toress i tokaut Yunitek klinik bin karimaut wanpela imunais-

esen program bilong Nesanel Helt Dipatmen long las yia na dispela SIA program i kamap gen long strongim dispela long daunim sik misels we i bin kamap long sampela hap bilong PNG las yia na i bin bagarapim sampela pikinini.

Morobe provins em i namba wan provins long karimaut dispela SIA program insait long kantri.

Na dispela program i wok long kamap wantaim helpim bilong dona ejensi bilong Australia, AusAID aninit long Helt Sekta Impruvmen program bilong em.

Sista Toress i tok olsem antap long ol banis sut bilong polio na misels ol i givim ol vitamin A marasin long ol pikinini long kisim long helpim bodi bilong ol.

Ol sumatin long Lae kisim prais

KALAPEK Limited, i givim foapela sumatin bilong Lae Sekendri Skul insait long Lae siti, wantaim prais long stap insait long wanpela skul kompetisen we em i bin kamapim.

Dispela kompetisen kamap long sem taim we PNG Med Tred Fea i bin kamapim long Lae.

Kalapek i wanpela kampani insait long PNG we i save mekim ol plastik.

Long dispela skul kompetisen dispela kampani i bin askim ol sumatin long bekim sampela kwesiten long ol prodak we PNG save mekim.

Moa long dispela long rait na tokim ol long tingting we ol i gat long ol prodak olsem plastik na tu long stret-pela rot we ol i mas yusim bai ol dispela prodak i noken bagarapim envoirnmen o ol

ROSALYN ALBANIEL i raitim

samting long graun, bus na wara.

Jeneral Menesa bilong Kalapek, John Dirkze, i tokaut olsem mak olsem 2000 sumatin long ol kainkain skul insait long Lae siti i bin stap insait long resis.

Mista Dirkze i tok olsem ol sumatin long Lae Sekendri Skul husat i bin skorim gutpela mak em Patronilla Yannis, John Amos, Belinda Mogua and Alex Spairong.

Long Tunde apinun em i bin kamap long skul bilong ol dispela sumatin na givim ol setifiket na tu ol hanwas olsem prais bilong ol.

Long las wik Fraide Kalapek i bin mekim wankain presentesen i go long nainpela

sumatin bilong Intanesenel Skul bilong Lae (TISOL).

Ol dispela sumatin husat i bin kisim prais em Macharies Dela Cruz, Allan Hooper Lance, Emmanuel Ulungua, Melissa Kate Kelly, Kwame Agyep, Natalie Coetzee and Daniel Wilkins.

Meri husat i bin skorim gutpela mak long dispela skul em Melissa na i wokim gred 9 long TISOL.

Mista Dirkze i tok i gat tupela astingting long kamapim dispela kompetisen.

Namba wan em long promotim ol PNG Med prodak na namba tu em long kamapim awenes namel long ol sumatin long ol gutpela na nogut bilong yusim plastik na wanem rot ol i ken bihainim long lukautim envoirnmen bilong ol.



Kenya ektavis kam long PNG • Joseph Karanja (namba tu long raitan) i wok long soim hap pepa em i raitim long kantri Kenya. Mista Karanja i save wok egensim korapsen long kantri bilong em na em i lukluk raun long PNG long soim sampela pasin bilong daunim korapsen. Em i stori long planti gutpela wok em i wokim long kantri bilong em.

Rais inap kamap gut long Makam

OL FAMA long Makam veli long Morobe provins i lukim pinis long ai bilong ol olsem rais inap kamap gut long graun bilong ol.

Ol dispela fama i luksave long dispela long wanpela raun we ol lain long Dipatmen bilong Agrikalsa na Laivstok (DAL) wantaim Taiwan Misen long Lae siti i bin go pas long en long las wik.

Dispela raun i bin kamap long Risos Senta bilong DAL long Erap, ausait long Lae.

Moa long 20 fama bilong ol ples long Makam veli husat i save wok bung wantaim ol lain bilong DAL na Taiwan Misen na tu ol arapela fama husat i gat laik long planim rais i bin kamap long dispela taim.

Long dispela taim ol dispela fama i bin raun long ol rais fil we ol wokman bilong DAL na Taiwan Misen i bin planim long mun Disemba 2002.

Steven Heai, wanpela wokman bilong DAL, long dispela taim i bin tok

olsem Erap em i wanpela drai ples we i no save kisim planti ren.

Mista Heai i tok Erap em i wankain olsem ol sampela ples insait long Sentral na Is Sepik provins we ples i save stap drai inap 6-pela na 9-pela mun olgeta long wanwan yia.

Moa long dispela bikos ples i drai i save gat strongpela win na tu graun save lusim planti wara bilong em.

Tasol em i tok olsem rais inap long kamap gut long ol kain ples olsem sapos ol fama i planim ol gutpela sid bilong rais na tu i bihainim stret ol edvais we ol wokman bilong DAL na Taiwan Misen i givim long ol.

Tim lida bilong Taiwan Misen, Patrick Cheng, i tok olsem dispela projek long Erap i soim stret olsem rais inap long kamap long ol ples we ren i no save pundaun planti.

"Erap i no olsem Lae siti we i save lukim bikpela ren olgeta taim long wanwan yia," Mista Cheng tok.

Enga na Madang wetim nupela edministreta

ENGA na Madang provinsal gavman i wok long wet yet longNesanel Eksekutiv Kaunsil (NEC) long makim nupela edministreta.

Gavana bilong Enga Peter Ipatas i tokaut olsem provins bilong em i wok long wet yet long wanem taim stret bai NEC i makim nupela provinsal edministreta bilong ol.

Em i tok ol i bin salim ol pepa wantaim nem bilong ol i go pinis long NEC tasol tripela mun nau i go pinis na ol i nogat wanpela bekim i kam long NEC na dispela i kamapim planti hevi tru namel long ol pipel na provinsal edministresen.

Mista Ipatas i tok em i kisim

HILDA WAYNE i raitim

gutpela ripot olsem olgeta rot we ol i mas bihainim long makim nupela edministreta em i pinis na nau dispela ol nem we ol i salim i go long NEC i stap we bikos ol pipel bilong Enga i wetim yet edministreta bilong ol.

Mamba bilong Usino-Bundi, Peter Yama tu i tokaut olsem ol pipel bilong Madang tu i wok long wetim nupela edministreta yet na nogat wanpela samting i kamap.

Em i tok ol pipel bilong Madang i wok long wet 9-pela mun olgeta na dispela em i nogut samting gavman na NEC

i wok long mekim long stapim ol pipel long gat gutpela edministresen.

Ektim praim minista Dokta Allan Marat i tokaut olsem em i no kiia long dispela na bilong wanem NEC i no mekim nupela edministreta bilong tupela provins yet.


Em i tok long save bilong em yet em i no bin kisim wanpela toksave i go yet long NEC na ol i wok long wet yet i stap.

Dokta Marat i tok em bai bringim dispela toktok bilong tupela lida i go long praim minista Sir Michael Somare taim em i kam bek long Japan dispela wik bai tupela lida i ken kisim bekim bilong tupela.



DEPUTI PRAIM MINISTA
NA
MINISTA BILONG TREID NA INDASTRI

Dr. Allan Marat, D. Phil, MP
Deputi Praim Minista bilong
Papua Niugini



GAVMAN I ORAITIM KOPRETIV SOSAITI REGULESEN LO LONG KAMAP

Long tude Deputi Praim Minista na Minista bilong Tred na Industri, Hon. Dr. Allan Marat i tokaut olsem kabinet i oraitim pinis Kopretiv Sosaietis Regulesen 2002 long karimaut Kopretiv Sosaitis Muvmen insait long Papua Niugini.

Sentrel Ejensi Kodinesen Komiti (CACC) bin oraitim dispela Kopretiv Sosaiti Regulesen taim ol bin kisim i kam long Dipatmen bilong Tred na Industri.

Long taim Deputi Praim Minista i mekim dispela toksave em bin tokim Dipatmen bilong Tred na Industri long wok klostu wantaim Dipatmen bilong Agrikalsa na Laipstok na arapela ikonmik sekta ejensi na arapela atoriti long mekim wanpela plen long karimaut Kopretiv Sosaieti Ekt.

Deputi Praim Minista bin tok olsem:

"Long 1982, Nesenel Palamen i bin pasim dispela Kopretiv Sosaietis Ekt. Tasol i kam inap nau bihain long 21 krismas, nogat man i mekim wanpela samting long karimaut dispela Ekt.

"Wanpela papa bilong dispela kantri, Sir John Guise, husat bin gat strongpela driman long lusim ikonmik prodaksen long han bilong ol man meri bilong PNG, i bin kamapim dispela Ekt olsem wanpela Praivet Membas Bil."

"Mi laik mekim wanpela tok amamas long Sir John Guise na tu long Sir Michael Somare, husat i givim ful sapot long kamapim dispela driman bilong olupela wanwok bilong em long Kopretiv Sosaieti

Muvmen bilong ol man na meri bilong Papua Niugini."

Deputi Praim Minista i tokaut olsem dispela Kopretiv Sosaietis em narapela kain olgeta. I tru olsem em bai karimaut wok bisnis tasol ol bikpela samting insait long dispela Kopretiv Sosaieti em sut long wok na pasin bilong helpim mipela yet, gutpela fridom, olgeta man na meri i ken mekim wok wantaim na kisim wankain amamas na wanem gutpela samting ol i en kamapim.

Na tu em sut long kamapim ol gutpela pasin olsem mekim wok stret na tok tru, olgeta samting i ken stap klia, ol wok bilong yumi insait long komyuniti na tingting long luksave na helpim arapela.

Em i wanpela asosiesen husat i tingting long gutpela sindaun bilong ol man meri na ino olsem arapela ol bisnis o asosiesen we ol i laik mekim profit tasol.

Ol kopretivs i save kamapim ol hap we nesenel na provinsel gavman i ken bungim ol lain i nogat gutpela save tumas long wok na ol woklain husat i save mekim sampela kain liklik wok wantaim ol kampani na bisnis insait long ikonmik bilong kantri long kamapim nesenel developmen.

Na tu Deputi Praim Minista i tok olsem ikonmik bilong Papua Niugini i sanap antap long wok agrikalsa na planti ol kes krop we Papua Niugini i save salim ovasis em ol grasrut Papua Niugini manmeri yet i save planim na kamapim.

Long nau yet ol bikpela plentesen ino moa ron strong na tu ol ino

kamapim planti ol kes krop long salim i go long ovasis olsem na sais bilong ol samting ol i save salim i go long ovasis i pundaun. Na long ol yia i kam inap nau, ol plentesen ino kamapim planti ol kes krop olsem bipo.

"Kopretiv Sosaieti bai wok olsem wanpela moto ka we em bai pusim dispela asosiesen bilong ol smol holda we ol i ken stap insait long ikonmik long kirapim na strongim tingting bilong dispela gavman long kamapim moa samting yumi planim long kantri na salim i go long ovasis maket long pulim moa mani i kam strongim kantri na yumi tu insait long sosaiti.

Long longpela taim nau dispela eksport draiv i stap long han bilong wanpela liklik grup husat i save wok olsem namel man na ol save tok giaman long ol pipel na baim ol kago na ol samting bilong ol long prais we i daun bilo long wol prais. Na dispela gavman i laik senisim dispela kain pasin insait long Kopretiv Sosaieti Muvmen," em bin tok.

Na tu em i mekim wankain toktok igo long arapela liklik intres grup husat i wok long pilai wantaim ikonmik sistem bilong kantri long mekim Papua Niugini kisim yet ol kago na ol samting i kam insait long kantri long ovasis.

Dispela i save stopim kantri long mekim moa mani sapos em yet i salim ol agrikalsa prodak long arapela kantri. Na tu dispela kain pasin i save stopim ol mani we i save kam long long ol dinau na ol arapela ovasis helpim.

Em tok: "Dispela kain pasin i mas senis na dispela senis i ken kamap long dispela progrem yumi kolim Ekspot Driven Ikonmik Rikavari Streteji na daunstrim prosesing we yumi ken putim prais long ol bikpela eksport komoditi olsem kakao, kofi, kokonas, timba, vanila, rais na arapela moa.

Dispela Kopretiv Sosaietis Muvmen bai sut long praimeri prodaksen na taim Muvmen i go het long karimaut wok bilong em na sapos prodaksen i go antap orait, mi laik lukim olsem Kopretiv Sosaieti i ken stap tu insait long daunstrim prosesing bilong ol bikpela agrikalsa komoditi.

Ikonmik bilong Papua Niugini long bihain taim i stap long han bilong ol gras rut Papua Niugini husat i mas stat nau long wok hat long wok didiman na mi bilip olsem Kopretiv Sosaieti bai bungim ol pipel wantaim long kirapim na strongim strong bilong mani na bisnis we bai strongim gut kantri long bihain taim. Mi yet mi ting olsem em bai kamap klostu taim," Deputi Praim Minista i tok.

Minista tu i tokaut olsem ol i opim Opis bilong Rejistra bilong Kopretiv Sosaieti insait long Dipatmen bilong Tred na Industri long karimaut na lukautim developmen bilong Kopretiv Sosaieti insait long Papua Niugini.

DR. ALLAN MARAT, D.Phil, MP
14th May 2003



For the Good of the Game.



Saplimen bilong Word Publishing Company Ltd

Opisel Opening bilong SOKA AKADEMI



Me 24, 2003, Lae, Morobe Provins

Stori bilong PNGFA Soka Akademi na hetkwata

DISPELA yia, Papua Niugini Futbol Asosiesen (PNGFA) bai amamasim 40-yia membasip bilong em wantaim wol soka, Federesen ov Intanesenel Futbol Asosiesen (FIFA).

Long amamasim dispela yia, PNGFA bai opim nupela akademi na hetkwata long Fenridge Estate, 10-mile, klostu long Lae insait long Morobe provins.

Dispela nupela soka akademi na hetkwata i kamap aninit long FIFA Gol Projek program we i kamap long ol memba kantri bilong FIFA. Papua Niugini em memba bilong FIFA.

Histori bilong FIFA Gol Projek

Dispela FIFA Gol Projek em wanpela helpim we olupela presiden bilong FIFA Dr Joao Havelange i kirapim o promis long mekim long wanpela FIFA Kongress long 1996.

Dispela promis em we FIFA bai givim US\$1 milien i go long wanwan soka asosiesen long wol na wanwan konfederesen olsem OFC bai kisim US10 milien long wanwan yia.

Taim nupela presiden Joseph S Blatter i senisim Dr Havelange, em i strongim dispela tingting.

Olsem na stat long 1999, PNGFA i wok long kisim helpim long kirapim

HENRY MORABANG i raitim

nupela soka stadium na hetkwata. Dispela helpim i kam aninit long Financial Assistance Program (FAP) bilong FIFA i stat long 1999 i kam inap long 2000.

FIFA i save givim mani i go long wanwan asosiesen taim ol i bihainim stret lo bilong Ekesekyutiv Komiti na taim ol i yusim mani, FIFA bai i lukluk gut sapos mani i go stret o nogat.

Dispela FAP bilong FIFA em bilong helpim wanwan nesanel soka asosiesen olsem hap bilong developmen program Gol projek.

FIFA i mas tok kila olsem konstrak-sen bilong nupela stadium em samting bilong wanwan nesanel gavman na ol nesanel soka asosiesen.

Na long wanpela ekstra ordinari FIFA Kongress long 1999 long Los Angeles, Amerika, presiden Blatter i tokaut long dispela Gol Projek.

Gol Projek em olsem projek we FIFA bai helpim bihainim askim bilong wanwan nesanel soka asosiesen. Ol bikpela helpim aninit long dispela Gol Projek i stap olsem:

- bildim na stretim hetkwata long soka i mas kamap independen;
 - teknikel senta bilong ol nesanel tim bilong olgeta age-grup;
 - kosing, referi kos na ol arapela program long helpim promotim gras-ruts futbol;
 - bildim weatherpruf soka graun, stretim ol olupela soka graun na tu bildim ol soka graun long nesanel na rijonel level; na
 - bildim on nupela soka akademi long lukautim ol yangpela na tu gras-rut futbol na tu skulim ol yangpela long pilai soka. >
- Nau yet 167 asosiesen insait long wol i kisim helpim i kam aninit long Gol Projek. Wanpela ten foa (40) i pinis - 8-pela long Asia, 9-pela long

Afrika, 10-pela long CONCACAF, tripela long Saut Amerika, tripela long Osenia na 7-pela long Yurope.

Ol tripela projek long Osenia em Western Samoa, Solomon Ailan na Papua Niugini. Graun breaking sere-moni i kamap pinis long Fiji na ino longtaim i go pinis, Nu Silan nau bai kisim helpim.

Man i go pas long FIFA Gol Projek long Osenia Glen Turner i tok ol ekesekyutiv bilong PNGFA i mekim bikpela wok tru long grisim FIFA long givim dispela projek.

Turner i mekim bikpela tenk yu i go long olupela jenerel sekretari Ivan Ngahan husat i statim toktok bilong dispela projek na ol arapela ekesekyutiv bilong PNGFA.

Presiden bilong PNGFA Madiu Andrew na Kisaku Posman husat i mekim bikpela wok tru long grisim ol FIFA wantaim helpim bilong Glen Turner long kisim projek.



Opisel Opening bilong SOKA AKADEMI



Me 24, 2003, Lae, Morobe Provins

Yut futbol em strong bilong PNG

YUT futbol em strong bilong soka insait long kantri. Dispela em toktok bilong Nesenel Yut Kosa Ludwick Peka.

Insait long wanem kain program o ektiviti long spot, yut o junia developmen program i namba wan samting.

Papua Niugini Futbol

Asosiesen (PNGFA) bai amasim bikpela de long Sarere taim Prait Minista Sir Michael Somare i opim nupela PNGFA hetkwata na Soka Akademi long 10-Mile long Lae, Morobe provins.

Mista Peka i tok olsem wanpela yut pilaia bipo na nau

olsem kosa, em yet i amamas tru long kain bikpela samting i kamap long histori bilong soka long kantri.

Em i tokim *Wantok Nius* olsem yut futbol em wanpela program i bikpela tru long olgeta memba kantri long bilong FIFA long wol.

Peka i tok histori bilong yu futbol long Osenia i no longpela tumas. Long yia 1977, FIFA aninit long olupela presiden Dr Jaoa Havellenge i laik strongim wok bilong yut futbol na kamapim namba wan Wol Yut sempionsip long Tunsina

to page 17

Sir Michael bai opim nupela soka akademi

HENRY MORABANG i raitim

PRAIM Minista bilong Papua Niugini Sir Michael Somare bai opim nupela K1.2 milien PNG Futbol Asosiesen (PNGFA) hetkwata na soka akademi long Fenridge Estate long 10-Mile, klostu long Lae sifi.

Sir Michael i tok orait pinis long kamap long dispela opening bihainim wanpela askim pas bilong PNG Futbol Asosiesen.

Siaman bilong dispela seremoni long Pot Mosbi, Fabian Chow i tokaut olsem praim minista i tok yesa long kamap long dispela bikpela opening.

Chow i tok opening seremoni bai kamap long Sarere moning na pinis long belo taim.

Ol arapela bikman bai kamap long dispela seremoni em sinia vais presiden bilong FIFA na presiden bilong OFC, Basil Scarsella. Em bai makim presiden bilong FIFA Joseph Blatter.

Sinia vais presiden bilong OFC Tautulu Roebuck bai kisim ples bilong Scarsella na makim OFC long dispela de.

Tupela arapela bikman bai soim pes em Gavana bilong Morobe Luther Wenge na Lord Meya bilong Lae sifi, Boyamo Sali.

Chow i tok dispela ol lain bai mekim toktok long taim bilong opening.

Na wok redi bilong Pot Mosbi i go het long welkamim Scarsella taim em i stap long Pot Mosbi.

Nau yet i gat bikpela interes namel long ol soka lain long kamap na bungim Scarsella na Roebuck.

"Mipela i laik lukim olsem em i kisim gutpela welkam taim em i pundaun long Jackson Intanesenel Ples Balus," siaman i tok.

Wantok Nius i no inap kisim toktok bilong Siaman bilong Lae Misty Baloiloi. Baloiloi em i vais Sensela bilong Unitech long Lae.

Presiden bilong PNGFA Madiu Andrew yet i gat bikpela amamas tru long dispela de long Sarere. Em i tok em i stap presiden long 4-pela krismas na i amamas tru long eksekutiv bilong em i kamapim dispela bikpela projek.

Madiu yet i no inap sanap long resis long ileksen tasol em i amamas olsem taim em i pinis, em i gat wanpela stori long histori bilong soka.

Em i tok dispela nupela soka akademi em i gutpela stret long developmen bilong soka insait long kantri. "Dispela em i mak bilong soka i mas muv fowat. Nogat taim moa long stap na lukluk long ol arapela kantri insait long Saut Pasifik rijen tasol i mekim tenis," presiden i tok.


Dispela nupela akademi na hetkwata bilong soka i kamap aninit long FIFA gol projek. FIFA i givim K1.4 milien na PNGFA yet i putim K800,000 long sanapim dispela projek ya.

Madiu i tok amamas i go long FIFA Dvelopmen Opisa long Osenia rijen, Glen Turner long pusim askim bilong PNGFA long FIFA Gol Bureau na winim sapot long kamapim dispela projek.

Em i tok amamas i go long olupela sekretari bilong PNGFA Ivan Ngahan long mekim bikpela wok wantaim Glen Turner.

Presiden i mekim bikong tok amamas i go long ol eksekutiv bilong em long g ivim sapot long dipela program.

Wankain tok amamas tu i go long Morobe Provinsal Gavman na Lae Siti Atoriti long givim sapot long dispela nupela projek - PNGFA hetkwata na soka akademi.



MAUSEN

MAUSEN Limited BUILDING CONSULTANTS

- Design Consultants
- Quantity Surveyors
- Property Developers
- Construction & Maintenances
- Project Managers
- Construction Managers

Wish to

Congratulate

FIFA & The PNG Football Association
(PNGFA) on it's

achievement & opening of the

**NATIONAL HEADQUARTERS
& SOCCER ACADEMY**

We are proud to have been

the main construction contractor

■ PORT MORESBY
P.O. Box 1244
Boroko 111
Phone: 326 1950
Fax: 326 1951

■ LAE
P.O. Box 4174
Phone: 472 7305
474 4943
472 5447
Fax: 472 3114



Opisel Opening bilong SOKA AKADEMI



Me 24, 2003, Lae, Morobe Provins

Wimen soka i stat bihain tasol

Wimen soka insait long kantri i senis kwiktaim tru. Em i wanpela Olimpik Spot na planti ol meri i save pilai soka long wokim mani.

Wimen soka i kamap bikpela tru taim Peter Mommers i kamap presiden. Em i siaman bilong OFC Wimens Komiti na em yet i bin strong na OFC i kam holim tonamen long Pot Mosbi.

Nau wantaim helpim bilong ol kosa olsem Kisakiu Posman, John Davani, Stephen Cain, na long Lae, John Peka, Ludwick Peka, Moses Demas na long Goroka em Dimirit Mileng na Robert Popat, wimen soka bai kamap bikpela tru.

Mausmen bilong wimen soka long PNGFA, Judge Cathy Davani i bilip olsem wantaim nupela akademi, planti ol yangpela meri i pilai soka bai kisim gutpela helpim stret.

Cain em i teknikel dairekta na wantaim ol nupela eksekutiv husat i gat taim bilong developim soka, ating wimen soka bai kamap namba wan spot.

Wimens soka nau i stap long Phase One. Na taim akademi i kamap, wimen soka bai stap long Phase Two.

Nau yet, PNG em i namba wan soka kantri insait long Saut Pasifik rijen. Na em i namba tri long Osenia bihain long Australia na Nu Silan.

PNG i gat bikpela sans long winim gol medal long Saut Pasifik Gems long Fiji. Tahiti tasol bai kamapim oposisen long PNG.

Histori

WIMEN soka long kantri i no stat long-pela taim tumas.

Soka bilong ol meri i stat 38 ya bihain long PNGFA i afiliat i go long FIFA. PNG i afiliat long ya 1963, wanpela ya tasol bihain long em i stat ol ol i fomim.

Long ya 1978, Pot Mosbi Soka Asosiesen i statim kompetisen bilong ol meri.

Ol sampela biknem pilai olsem late Bospidk Plokos, Rachel Noah, Cathy Davani, Jennifer Popat, Carol Cholai, Monica Rau, Elizabeth Harima, Anne Kerepia, Sue Cory na

Marjorie Johnson Andrew i statim dispela kompetisen.

Togelu long dispela taim i strong-pela tim. Anne Kerepia i go pas wantaim tupela pikinini (niece) bilong em Jill na Helen Balaloi.

Ol lain Sunam em Carol Cholai, Molong Taita, Martha Kelep na late Pluru Kisokau. I gat tripela moa tim long dispela kompetisen.

Bihain long 1979, Lae Futbol Asosiesen (LFA) i statim sisen bilong em. Sem taim namba wan sempionisip bilong ol meri i kamap long Lae. Foapela senta i bin pilaim em PMSA, LFA, Goroka na Kaiapit.

PMSA i winim namba wan taitel.

Long namba tu nesanel wimens sempionisip long 1981, Arawa i kam soim pes.

Na long 1983, namba foa sempionisip i kamap long Sir Hubert Murray stadium. Martin Horner i kosa na PMSA i winim tonamen.

Na long 1985, Pot Mosbi i win gen.

Tasol long 1986, PMSA i lus long Lae long penalti. Anna Wakana i keptenim Lae tim. Late Ila Ila ita em kosa bilong PMSA.

Na long 1987 na 1989, Pot Mosbi i winim tropi.

Stat long 1990 i kam long 2002 PMSA i winim tropi.

Intanesenel kompetisen

PNG i go stap resis long 4-pela Osenia Wol Kap kwalifika. Insait long dispela kompetisen, PNG i kamapim gutpela gem tasol standad bilong Australia na Nu Silan i moa yet.

Namba wan wimen soka skwat em: Joycley Lolowa, Ursula Wanana, Tabitha Suwae, Rose Suwae, Mary Magaru, Pansy Sawan, Theresia Apiro, Ann Seeto, Geraldine Eka, Ikanau Matangiau, Betty Tuzar, Edith Ernest, Kay Ella, Anny Boney (riserv) Singeng Bosuke, Helen Mapun na Rhoda Watson) Tim menesmen em Noel Vaia kosa, Changal Pangkiau (asisten kosa) na Mrs Danomira

(menesa)

1988 Oceania World Cup qualifier - Brisbane, Australia

1991 Oceania World Cup qualifier - Sydney, Australia

1994 Oceania World Cup qualifier - Port Moresby, PNG

1996 Polynesia Cup in Tonga

1998 Oceania world Cup qualifier - Auckland, New Zealand

2003 Oceania World Cup qualifier - Canberra, Australia

PNG vs Cook Islands 5-0

PNG vs Australia 0-13

PNG vs New Zealand 0-5

PNG vs Samoa 5-2

REKOT BILONG

SOKA LONG SP GEMS

1989 Saut Pasifik Gems, Port Moresby, PNG
PNG wan bronze medal

1983 Mini Saut Pasifik Gems - Apia, Samoa
PNG wan bronze medal

1987 Saut Pasifik Gems, Noumea, Nu Kaledonia
PNG wan bronze medal



• Namba wan nesanel tim bilong ol meri long go pilai long 1988 Oceania World Cup qualifier long Brisbane.

Yut futbol em strong bilong PNG

from page 16

we kantri Russia i winim namba wan taitel.

Bihain long em, Osenia i kisim na presiden bilong PNG Futbol Asosiesen long dispela taim Paul Japhlom i laik karim aut yut futbol long kantri.

Em i makim lapun straika na papa bilong soka long Lae, John Peka olsem namba wan nesanel kosa bilong yut. Em i karim namba wan Anda 16 tim i go long Australia long pilai.

Bihain long em, em i raitim wanpela ripot olsem strong bilong soka i stap long ol yangpela (yut futbol). Dispela i kirapim skin bilong PNGFA eksekutiv long holim namba wan tonamen long Lae.

Dispela taim, Jasper Patterson bilong PNG tim na tu Yunivesiti klab i makim Hailens Zon long kam pilai. Patterson em i skul mangi long Aiyura Nesanel Haiskul long dispela taim.

Peka i tok bipo soka tonamen i save kamap long zon sistem. Noten Zon salensim Hailens, Sauten na Hailens long makim tim bilong soka.

Bihain long dispela tonamen, ol i makim PNG tim long go pilai long namba wan Oseania Yut sempionisip long Nu Silan.

Noten Zon i go strong long yut futbol. Olsem na long 1979, Wewak i

holim Noten Zon sempionisip.

Orait bihain long 1982 i kam long 1984/85, ol i senisim nem i go long Anda 20 soka tonamen.

Nesanel Yut kosa i tok sapos PNG i laik strongim program em i mas kamapim identifikesen program (ID) na holim provinsel soka kem, rijonel soka kem na bihain nesanel kem.

Em i tok bihain long 1985 taim Peka, Andy Seward (NSI), Stalin Jawa na Dave Binding i kambek long wanpela kosing kos long Nu Silan, ol i strongim ripot na salim i go long PNGFA.

Nau yet PNGFA i gat gutpela yut program tasol i nogat mani long karim aut program bilong em.

Wantok Nius i painimaut olsem bihain long nambawan Osenia U16 tonament long 1986, PNGFA i no salim tim moa bikos Osenia i no Osenia/FIFA i stapim dispela program. Tupela ya i go pinis, ol i kirapim gen na Ludwick Peka i kisim tim i go long Sydney, Australia.

Nesanel yut kosa i tok olsem PNGFA i nogat gutpela rekot long wanem kain ol developmen i kamap long yut futbol na wanem ol tonamen PNG i stap insait long em.

Nau wantaim nupela soka akademi, PNGFA ating bai kirapim sam-

pela kain rekot.

Hia em sampela ol bikpela ya i kamap long yut futbol stat long 1990 i kam inap long 2002.

• 1990 - Mark Petrakis i kisim wanpela tim i go long Fiji soka tonamen. Desmond Waku na Moni Kalong i stap long dispela tim.

• 1992 - Joe Turia i kisim tim i go long Tahiti long Oceania Youth Tournament.

• 1994 - 2001 - PNGFA i kamapim Anda 17 tonamen. Em salim tim i go long ovasis kantri olsem Fiji.

• 1999 ol namba wan lain i go long Fiji, Armstrong Peka na Ravu Habuka i go pas long dispela tim. Dispela ya nau, skul soka i wok long kamap bikpela tru long Pot Mosbi. Orait bihain long Pot Mosbi, ol arapela senta olsem Lae na Madang.

• 2000 - Namba tu Anda 17 tim i go long Apia we ol i kamap seken long Australia. Ol i winim Nu Kaledonia 4-1.

• 2001 - Anda 16 tim i go long Sydney, Australia. Ol i kamap namba siks insait long 11-pela kantri olgeta.

• 2002 - Anda 20 Oceania Tournament - Port Vila

PNG vs Vanuatu 1-1

PNG vs Australia 0-9

• Under 23 - Olympic Qualifying tournament - Auckland, Nu Silan.



Lae Biscuit Company
welcomes Basil Scarsella
(OFC President) to PNG
and
Congratulates PNGFA
for the Inauguration of
the PNG National
Headquarters &
Academy



Opisel Opening bilong SOKA AKADEMI



Me 24, 2003, Lae, Morobe Provins

PNG i stat pilai soka bipo yet

BIHAIN tasol long Papua Niugini Futbal Asosiesen (PNGFA) i kamap ful memba bilong intanesenel soka bodi, FIFA, long yia 1963, em i stat long pilai long ol intanesenel soka gem.

Namba wan presiden bilong PNGFA em wanpela hap Germani. Na nem bilong em Wenger Noel husat i kamap long namba wan miling bilong OFC. PNGFA yet i nogat gutpela rekot long stori long wanem ol intanesenel gem ol i pilai. Tasol *Wantok Nius* i mekim sampela wok painimaut na kamap wantaim ol intanesenel gem stat long 1963 i kam inap long las yia.

Wantok Nius i laik tok sori sapos sampela ol olupela pilaia i stap na taim yu pilai i no kamap, plis tok save na mipela i ken stretim bihain.

Bihain long PNGFA i kamap ful memba, em i salim tim tu i go long namba tu Saut Pasifik Gems long Nu Kaledonia long yia 1966.

Dispela tim em kamap olsem ofisel namba wan soka tim bilong kantri. Hia em nem bilong ol soka pilaia: Paul Sowni, Tala Hobart, Tom Craig, Heinz Martinez, Hans Rademacher, Michael Dobbin, Linus Kumalan, Mathew Raga (Pot Mosbi), B Kilos, Albert Karo, James Kwikwi (Lae), Kila upa, Lancelot Rua (Popondetta), John Patron, Eric Van Linger - coach (Madang), Paul Kusunan (Lorengau) na Paul Romuss bilong Pot Mosbi em i menesim dispela tim.

Ol riserv pilaia em Katao Ainges (Lae), Wasaring Elliott, Rova Maha (Lorengau), Ruben Giwamba, Jack Solomon (Madang) nba Deitr Vogelbusch (Popondetta).

Hia em ol intanesenel soka gem em PNG i stap long em

1963 -1st South Pacific Games - Suva, Fiji.

1966- 2nd South Pacific Games - Noumea, New Caledonia

1969- 3rd South Pacific Games - Pom, PNG

PNG won bronze against Vanuatu

1971- 4th South Pacific Games - Papeete, Tahiti

PNG vs Tahiti 2-2

vs Cook Island 16-1

vs New Hebrides (Vanuatu) 3-1

vs Tahiti (bronze play off (2-8)

1974 - PNG vs Solomon Islands 4-3 - Pom - Friendly

vs Irian Jaya 2-0 - Djayapura, Indonesia - Friendly

vs Irian Jaya 0-2 - Pom - Friendly

1975 - 5th South Pacific Games - Guam

1976 - PNG vs Marconi Club (NSL) 1-3 - Practise match for Pre-Olympic trials

vs Australia 1-6

vs Malaysia 1-10 - Djakarta, Indonesia - Olympic Trials

vs Indonesia 2-8

vs Singapore 4-7

vs South Korea 0-4

1978 - PNG vs Solomon Island 2-0, Honiara - Solomon Islands Independence

1979 - 6th South Pacific Games - Suva, Fiji

1980 - Oceania Nations Cup vs New Caledonia 0-8

vs New Hebrides 4-3

vs Australia Youth 2-11

1983 - PNG vs Sentani Youth 1-1 - Djayapura, Practice Match for SP Games

- 7th South Pacific Games - Apia, Samoa

- Pre Olympic Trials, Djayapura

PNG vs Persipura 3-1

vs Chinese Taipei 0-0

vs 5-1

vs Chinese Taipei 4-2 on penalties

1984 - Mederka Soccer Tournament vs Liberia 2-1 - Kuala Lumpur

vs Minas Gerais (Brazil) 0-7

vs Thailand 4-1

vs Indonesia 1-0

vs Malaysia 1-5

1985 - 10th Anniversary Soccer Match vs China 1-4 Lae,

vs China 1-1, Pom

1986 - Under 16 travel to Chinese Taipei

1987 - Warm-up Games for SP Games in Noumea

PNG Gold vs Solomon Islands 2-2, Port Moresby

PNG Red vs Solomon Islands 1-1, Pom

vs Solomon Islands 0-2, Lae

vs Solomon Islands 1-0, Pom

- 8th South Pacific Games - Noumea, New Caledonia

- PNG vs French Polynesia 0-0

vs New Caledonia 2-0

vs Vanuatu 1-1

vs American Samoa 20-0

vs Wallis & Futuna 2-0

PNG won bronze medal beating Vanuatu 3-1

1990 Melanesian Cup - New Caledonia vs New Caledonia 1-2,

vs Vanuatu 0-1 Nouméa,

vs Solomon Islands 0-1,

vs Fiji 0-1

1991 - 9th South Pacific Games - Port Moresby/Lae PNG

1993 Poly-Melanesian Cup - Vanuatu vs Vanuatu 0-1, Port-Vila

vs New Caledonia 1-1, Port-Vila

vs Tonga 0-0, Port-Vila

1996 - World Cup qualifier (Melanesian Cup) - PNG

vs Solomon Islands 1-1, Lae

vs Vanuatu 2-1, Lae

1997 Oceania First Round World Cup qualifier

vs New Zealand 1-0, Pom

vs New Zealand 0-7, Auckland, NZL

vs Fiji 1-3, Suva, Fiji

vs Fiji 0-1, Pom

1998 Oceania Nations Cup Qualifying (1), Vanuatu

vs Solomon Islands 1-3, Santo

vs New Caledonia 1-0, Santo

vs Vanuatu 1-1, Santo

vs Fiji 0-2, Santo

vs Solomon Islands 1-2, Honiara, Solomon Islands - Friendly

2000 Oceania Nations Cup Qualifying (1) - Fiji

vs Fiji 0-5, Suva

vs New Caledonia 6-1, Suva

vs Solomon Islands 2-4, Suva

vs Vanuatu 1-5, Suva

2002 Oceania Cup Qualifying - Samoa vs New Caledonia 4-1, Apia

vs Tonga 5-0, Apia

vs Samoa 4-1, Apia

vs American Samoa 7-0, Apia

2002 Oceania Nations Cup - New Zealand

vs Solomon Islands 0-0 Albany

vs New Zealand, 9-1, Albany

-vs Tahiti 1-3, Albany



MINERAL RESOURCES DEVELOPMENT COMPANY LIMITED

MRDC is proud to be associated with the sport of Soccer for the last 6 years, our continued support demonstrates that soccer is truly an international and family game for all to enjoy.

On behalf of the MRDC Board, Management and Staff we would like to welcome our special guest Mr. Basil Scarsella, the President of Oceania Football Confederation (OFC) to Papua New Guinea for this historic occasion.

The opening of this new sporting facility in Lae will encourage our young soccer players to excel and further develop their skills to be competitive in our regional championships in the South Pacific and take on the best in the world.

I congratulate the President of PNGFA Mr. Madiu Andrews and his national executives and all the hardworking people behind the scene to make this dream of a National Soccer Academy become a reality.

CONGRATULATION ON THIS ACHIEVEMENT - PNG SOCCER

**MRDC THE MAJOR SPONSOR OF SOCCER IN THE 2003
SOUTH PACIFIC GAMES IN SUVA, FIJI.**

FRANCIS KAUPA
A/Managing Director

Benk tok nogat long mani skim akaun

HONIARA: Plis i bin holimpas tripela lain husat benk i no laikim ol long opim wanpela akaun wantaim benk. Ol dispela tripela lain i mekim pret toktok long ol benk opisals olsem ol bai kilim ol benk wokus sapos benk i no larim ol long opim wanpela benk akaun. Moa toktok i kamap olsem sampela lain i laik bomim foapela bikipela benk long dispela liklik ailan kantri.

Australian benk ol i kolim ANZ i salim olgeta wok lain bilong em i go pinis long Australia bihain long ol i bin kisim sampela pret tok lukaut i kam long sampela hait lain husat plis i bilip olsem ol i wan lain bilong tripela lain i stap wantaim plis.

Sampela gavman opisals long Honiara i tokaut olsem olgeta benk i wok long pas yet na ANZ husat i save mekim ol benk wok bilong gavman i pas tu na dispela bai givim hevi long sait bilong pe.

Ol i tok ol gavman opisals bai kisim taim liklik long nogat pe bilong ol bikos benk i pas nau na sampela opisals em ol i salim ol i go bek long ples bilong ol long Australia.

Plis i bilip olsem ol tok lukaut i kam long sampela mani skim ol i kolim Famili Sarati Fand.

Long sampela benk i gat ol plis i stap nau long dispela taim na givim bikipela

sekyuriti na ol benk i op i stap. Plis i tokaut moa yet olsem ol i holimpas tripela moa pipel husat ol i bilip olsem ol i go pas long dispela mani skim oganaisesen.

Dispela ol tripela lain i go long kot na kisim sas na kot i tok nogat long ol i mas lusim kalabus na plis i mas holim ol i stap inap ol i pinisim kot bilong ol.

Wanpela mausman bilong ANZ benk i tokaut olsem dispela tripela lain i laik opim wanpela benk akaun long pulim ol mani bilong skim bilong ol i kam insait long dispela akaun tasol benk i tok nogat na trabel i kamap long dispela taim ol i belhat long disisen bilong benk.

Australia na Pasifik lidas bung long Japan

JAPAN: Praim minista bilong Japan, Mista Junichiro Koizumi i bungim ol lidas bilong Australia na Pasifik ailan kantri long wanpela bikipela miting bilong ol.

Ol opisal i tokaut olsem insait long dispela bung bai ol lida i toktok long terorism, bisnis na HIV/AIDS insait long rijen.

Dispela em i namba tri taim we ol Asia-Pasifik ailan blok bai bung, we Australia, Niu Silan na Japan i stap insait long en. Dispela miting em ol i save holim wanwan yia na em i bin stat long yia 2000.

Ol lida bai toktok long bisnis wokbung namel long ol yet na tu long strongim ol sekyuriti insait long rijen na tu long kain mani skim we i save pulim mani i go kam tru long hait na

stil pasin. Wanpela gavman opisal i tok dispela kain pasin bilong pulim mani i save givim sapot long strongim terorism insait long wol.

Ol bai toktok moa yet long wanpela bikipela sik we i wok long kilim i dai planti pipel long ol kantri long Esia em SARS na long painim sampela rot bilong stapim raun bilong sik malaria. Narapela bikipela sik ol i toktok long em sik HIV we i save kamapim AIDS. Ol i toktok tu long wanem ol wok i kamap bihain long bikipela Wol Samit miting long Joanasbeg long Afrika. Bai ol i toktok long wanem ol wok i kamap pinis bihain long dispela miting long Afrika long stapim hangare hevi long wol na tu long lukautim ol environmen.



Presiden mekim SARS tes • Presiden bilong Taiwan, Chen Shui-bian i larim wanpela helt opisa i sekim em gut pastaim long em i go insait long opis bilong presiden. Stat long mun Epril 29, olgeta lain husat i laik go insait long opis bilong presiden i mas mekim tes pastaim. *Poto: TAIWAN JOURNAL.*



Bikipela bagarap • Sampela Palestain famas i karim ol kaikai bilong ol i go long maket. Lukim ol bikipela bagarap we i kamap namel long kantri bilong ol long Gaza Strip.

Poto: THE GUARDIAN WEEKLY.



Lukautim boda • Wanpela ami bilong Rwanda i mekim patrol bilong em namel long kantri bilong em na Kongo long Afrika. Bikipela hevi i wok long kamap long dispela kantri bikos long pait namel long ol pipel. *Poto: THE GUARDIAN WEEKLY.*

Liklik kantri pret bihain long Irak woa

KUALA LUMPA: Malasia Praim Minista Mahathir Mohamad i tok dispela wok long Irak we Amerika i bin go pas long en i kamapim planti pret namel long ol liklik kantri. Dokta Mahathir i tok wanpela bikipela as bilong olgeta hevi we wok long kamap nau long wol em hevi namel long ol lain Palestain na Israel. Em i tok sapos ol bikipela kantri long wol i tingting strong tru long mekim woa egensim terorism orait ol i mas mekim gutpela disisen long ol hevi we i wok long kamap namel long ol Palestain na Israel.

Dokta Mahathir em i wanpela strongpela lida husat i egensim dispela pait long Irak we Amerika i bin statim long Irak na em i bin tokaut strong olsem dispela woa bai kamapim moa hevi long wol.

Em i tok ol bikipela kantri long wol i stap redi long stapim pasin bilong terorism na ol i gat ami na pawa we ol i ken pait egensim terorism tasol ol liklik kantri long olgeta hap long wol i pret long dispela woa we i bin kamap pinis.

Dokta Mahathir i tok ol i pret bikos ol i nogat we long pasim wok bilong terorism i kam insait long kantri bilong ol na dispela bai kamapim moa hevi.

Em i tok dispela woa long Irak i soim ol liklik kantri husat i save bilip long lotu Muslim olsem ol bikipela kantri long wol i laik mekim woa long ol Muslim pipel na dispela i mekim ol liklik kantri i pret long kain hevi namel long ol yet na ol bikipela kantri.

Meri lida tokim Blair long risain

LONDON: Bipo minista bilong gavman bilong praim minista bilong Ingran i tokaut strong olsem Tony Blair i mas risain olsem praim minista.

Dispela lida meri nem bilong em Clare Short husat i bin risain olsem intanesenel developmen sekretari insait long gavman bilong Mista Blair bikos em i no wanbel long disisen bilong Mista Blair long larim Ingran i sapotim Amerika long

pait long Irak.

Misis Short i tokaut olsem nau insait long pati bilong Mista Blair yet i gat ol tok pait namel long ol pati memba bikos planti memba i no laikim dispela disisen bilong gavman bilong Ingran long go woa wantaim Irak.

Em i tok Mista Blair i bin mekim planti gutpela wok long taim bilong em i stap olsem praim minista

bilong Ingran tasol nau em i taim bilong em long lusim na givim wok long narapela husat i ken karim wok i go het.

Misis Short i tok wanpela bikipela samting we bai kamap sapos Mista Blair i risain em long strongim gutpela nem bilong em.

Em i tok ol polisi na disisen bilong Ingran i kamap bikos long tingting na toktok bilong Mista Blair

yet na ol liklik grup edvaisa bilong em na dispela ol disisen em i no plen bilong olgeta pipel bilong Ingran.

Taim Mista Blair i givim sapot bilong em long Amerika planti bikipela protes i kamap long olgeta hap long kantri bilong em we i lukim planti tausen manmeri na pikinini na ol skul studen tu i protes. Dispela protes em ol pipel i

tok nogat long Amerika i mekim woa wantaim Irak na ol i no laikim tru olsem Ingran i mas go insait long dispela woa long Irak.

Tasol Mista Blair i bin mekim disisen pinis long sapotim Amerika na woa i bin go het yet maski planti lida bilong Ingran yet na ol pipel tu i no wanbel long dispela woa long Irak we Amerika i go pas long en.

Kwin tok nogat long mas bilong ol ami

LONDON: Kwin Elisabet II i tokaut olsem em bai i no inap long sapotim wanpela mas bilong amamasim ol ami bilong Ingran husat i bin go pait long Irak na kam bek long kantri.

Wanpela niusleta bilong Bakingham Pales ples silip bilong Kwin i tokaut olsem Kwin bai orait tasol long stap insait long wanpela lotu bilong tingim ol ami husat i dai long dispela woa long Irak tasol bai em i no inap long stap insait long

wanpela bikpela de bilong amamasim ol ami i winim pait na kam bek long Ingran.

Ol opisa bilong opis bilong praim minista Tony Blair tokaut olsem ministri bilong difens bai go pas long mekim wanpela seremoni na dispela em long mekim wanpela taim bilong lotu long tingim ol lain husat i dai long Irak na nogat narapela moa pelen long dispela.

Amerikan ami kilim i dai man Irak nating

BAGDAD: Sampela ami opisa husat i wok long mekim patrol wok long Irak i sutim na kilim i dai wanpela man Irak taim man ya i sindaun insait long kar bilong em.

Ol ami long Amerikan bes i no tokaut klia bilong wanem na ol i sutim na kilim i dai dispela man ya.

Sampela aiwitnes husat i lukluk i stap i no

tokaut long wanem as na dispela man em ol Amerikan ami i kilim em i dai na ol i no tok tu olsem man ya i bin pait o mekim wanpela rong na ol i kilim em i dai.

Wanpela ovasis nius man i go long dispela ples we man ya i dai i stap na em i askim ol ami long tok klia long as bilong ol i sutim man ya tasol ol ami i no laikim givim wanpela toktok.

Dispela niusman i lukluk i go insait long kar na em i lukim olsem ol i sutim man ya long het bilong em na em i dai silip i stap insait long kar bilong em.

Planti pret i wok long kamap nau long dispela taim bikos long ol hevi bilong woa long Irak na moa trabel i stap yet long Irak we lo na oda i no kamap gutpela yet.

US baim Irak pablik sevens long helpim wok

BAGDAD: Ol Amerikan opisals husat i stap long Irak i wok long mekim planti wok long traim pulim sapot bilong ol wok lain bilong gavman husat i stap yet long Irak bihain long Saddam Hussein i lusim pawa.

Nau long dispela taim ol Amerikan opisals i wok long givim mani mak long \$US65,000 i go long ol pablik sevens bilong Irak olsem pe bilong ol we ol i no bin kisim stat long mun Epril dispela yia i kam inap nau. Ol i no bin kisim pe bilong ol bikos long woa long Irak na nau gavman bilong Amerika i laikim olsem ol i mas helpim long bringim bek gutpela ol sevis long kantri olsem na ol i traim long kisim sapot long wokbung long bringim bek Irak.

Taim ol i skelim mani ol pipel i kisim mani mak long \$US20 long wanwan wokas na tingting bilong Amerikan


gavman em long traim long pulim ol i kam bek na helpim ol opisals bilong Amerika long wok wantaim na helpim Irak long develop gen bihain long bikpela woa we i bin pinis na stapim Saddam Hussein olsem presiden na lida bilong ol Irak pipel.

Nau long dispela taim ol Amerikan opisals i holim ol administresen wok na ol liklik wok nabaut bilong bringim bek ol sevis em ol Irak pipel yet i mas putim han long bringim bek. Gavman bilong Amerika yet i go pas long dispela ol restoresen wok insait long Irak bihain long dispela woa we ol yet i statim long rausim bipo gavman bilong Saddam Hussein.


Moa ripot i kamap olsem ol i senisim sampela opisals long administresen na salim ol lain bipo i go bek na kisim ol nupela lain i kam long mekim wok i ken go het yet.



Lida bilong ol pipel • Nupela presiden bilong Brasil, Luis Inacio Lula da Silva i holimpasim wanpela meri i krai amamas long win bilong lida man ya. Mista da Silva i mekim wanpela raun bilong em i go long ol setelmen pipel long wanpela bikpela taun long Brasil. Dispela em i no pestaim bilong nupela presiden ya. Em i yet i bin kamap long wanpela turangu famili na mekim rot bilong em i go kamap nau presiden bilong Brasil. Foto: THE GUARDIAN WEEKLY.



Stilim pis long Australia • Wanpela patrol bot i pulim faipela bot husat i wok long stilim ol pis long Dawin, Australia. Patrol bot bilong Australia yet i painim dispela ol bot na i pulim ol i go wetim kot bilong ol na sas pastaim long ol i ken go bek long ples bilong ol. Planti ol liklik bot kain olsem i save kam long ol Esian kantri long stilim pis long Australia we lo i save tok tambu long en. Foto: THE WEEKEND AUSTRALIAN NIUSPEPA.



Wara tait • Sampela kar bilong ol lokol pipel long wanpela eria long Sidni, Australia i pret long wara i laik kam long rot. Ol i stopim kar bilong ol na lukluk tasol. Wara i tait na kam antap olgeta long rot na planti samting i bagarap. Foto: THE WEEKEND AUSTRALIAN NIUSPEPA.

Win mani bilong dinau i go antap tumas

JAMES KILA i raitim

AS wik tasol wanpela poroman i bin sot tru long mani na i bin go askim wanpela mama long kisim sampela dinau mani.

Mama ya i tok em i gat K20 tasol i stap. Tasol bipo long em i givim trangu poroman ya em i tok klia olsem bihain bagaros ya i mas peim bek K30.

Trangu dispela poroman bilong mi ya i guria stret long harim dispela tok na tok dispela i no fea. Ating ol i laik paulim mi o? em i tok.

Tasol lapun mama Okapa i stori long em na tokim em gut olsem, sori tru pikinini, nau yet laip i hat liklik. Long mipela ol lain long taun na setelmen, prais bilong ol samting long stua tu i antap na tu prais bilong ol samting long maket tu i go antap. Olsem na mipela ol lain bilong salim dinau mani tu mipela i putim interes i go antap.

Sistem bilong dinau mani

Dispela pasin o sistem bilong dinau mani em bikpela long planti taun na siti insait long PNG. Ol lain long opis na tu ol lain long ol setelmen na strit nabaut i save mekim dispela sistem bilong salim dinau mani. Planti taim sapos ol man i lukim olsem ol i gat planti mani, ol i save tingting long yusim sampela mani na sampela ol i save larim long sait i stap long salim. Dispela i min olsem sapos ol narapela lain i nogat mani ol i save go lukim ol dispela lain bilong salim mani na kisim mani long ol. Bihain long wanpela fotnait ol i mas bekim bek.

Sampela taim sapos man husat i kisim dinau na i no bekim bek long wanpela fotnait, ol papa bilong mani i ken dabolim interes. Gutpela piksa em sapos interes em K5 long wanpela K10 em bai olsem sapos ya kisim K10 bai ya bekim K15. Dispela K5 em olsem interes mani i go long papa bilong mani o lain husat i givim dinau long ya. Tasol sapos ya no bekim dinau insait long wanpela fotnait orait ol bai dabolim gen na bihain long tupela fotnait, yu

mas peim 20. Em i tru tu olsem sampela taim yu bai sem tru long lukim ol papa bilong dinau mani i go long opis o haus dua bilong yu na askim long mani bilong ol. Planti taim yu bai sem na givim kainkain eskus nabaut. Maski yu saveman o bikpela wokman taim ol liklik manmeri i kam askim strong long dinau bilong ol long fran bilong opis bilong yu, yu bai kamap olsem liklik man stret na bai yu sem pipia tru ya. Dispela pasin i no gutpela tru sapos yu wanpela man o meri i save kisim dinau tumas.

Ol wokman tu painim dinau mani

Dispela pasin bilong kisim dinau mani em i bun tru bilong planti ol wokmanmeri insait long ol taun. Dispela kain pasin i wok long kamap bikos prais bilong ol samting long taun i go antap na ol manmeri tu i kisim hatpela taim stret. Maski olsem ol i kisim pei, dispela pei paket bilong ol tu i no inap long lukautim ol i go inap narapela fotnait taim gen. Dispela i save mekim ol na ol i save go na kisim dinau long sapatim ol yet na famili bilong ol.

Em i tru olsem nau yet ikononi bilong kantri na prais bilong ol sevis i go antap tru na dispela i mekim planti ol manmeri i painim hat tru. Olsem na taim ol i nogat mani ol i save tuhat tru long askim nabaut long painim dinau mani. Sampela taim ol wokmanmeri i no save tingting gut na kisim dinau mani nating nating long pilai hos resis o poka masin. Dispela pasin i no gutpela tumas. Taim ol i lus long hos resis o poka masin, tingting bilong ol i save paul olgeta. Sampela save ting ol i asua pinis tasol em i leit pinis. Ol i yusim mani pinis na ol i mas bekim bek. Taim ol i bekim bek, tingim gut, ol i save bekim bek wantaim interes o win mani.

Ol manmeri i no baset gut

Narapela bikpela samting tu em planti ol manmeri husat i save stap long taun i no save baset gut long mani bilong ol. Taim ol i lukim mani, wantu skin bilong ol i save kirap long baim bia na tu long pilai laki nabaut olsem hos resis na

pokis. Ol i no save tingting tumas long baset. Ol i save ting olsem fotnait bai i kam tu wik taim na ol i ken mekim nating nating tasol dispela pasin bilong mekim nating nating i save givim hevi long ol.

Planti taim ol lain long taun tu i save gat planti ol kain samting olsem pawa bil, wara bil na arapela samting moa. Sori tru olsem

sapos ol i gat bikpela famili na planti pikinini na dispela samting i save mekim ol tromoi planti mani tru long sapatim sindaun bilong ol.

Narapela samting tu em ol lain bilong taun i save laik stap ekspensiv tumas. Ol i save laik kaikai rais na abus tumas. Planti taim ol i no save traum long kaikai ol maket kaikai na traum sevim mani.

Planti taim tu ol lain long taun i save laikim tumas ol samting we i nogat gutpela laip bilong ol na long seving bilong bihain taim. Dispela pasin bilong baim bia, pilai hos resis na poka masin i save bagarapim ol na mekim ol olsem rabisman na ol i save go askim tumas long dinau.

Ating sapos ol i mekim baset na stretim

ol yet dispela pasin bilong kisim dinau mani bai i no inap bagarapim ol na mani ol i kisim.

Em i tru tumas bikos i gat sampela man tu ol i save kisim planti dinau mani tru na bihain long taim bilong bekim ol i save givim olgeta pei bilong ol long bekim dispela dinau mani.

Dispela pasin em nogut tru. Ating ol i no

save tingim bihain taim bilong ol? Dispela em nupela yia 2003 na sapos ol lain husat i save kisim dinau mani i mas ritim dispela hap stori. Plis mekim sampela kain promis na stopim dispela pasin bilong dinau.

Sapos yu mekim gut baset bilong yu inap stap isi man em bai yu sevim mani na i no inap kisim dinau mani tumas.



NATIONAL FOREST SERVICE



STREPELA WE LONG BAIM NA SALIM EAGLEWOOD DIWAI

DISPELA em strepela we long bihainim sapos yu gat eaglewood (Gaharu/Agarwood) diwai long graun bilong yu na yu tingting long salim. CSIRO (Commonwealth Scientific and Industrial Research Organisation) bilong Australia tu helpim Papua Niugini Forest Atoriti (PNGFA) long kamapim strepela we long baim na salim eaglewood diwai insait long kantri. Ol dispela toktok mipela givim em long helpim ol papagraun long kisim gutpela prais long ol eaglewood diwai bilong ol, na tu long helpim long lukautim gut ol eaglewood diwai bilong PNG.

Pastaim long yupela katim ol dispela hap we yupela ting igat agarwood oil, yupela mas askim ol opisa bilong PNGFA long go sekim sapos diwai bilong yupela i tru gaharu o nogat. Planti taim ol papagraun save kisim rong diwai (Phaleria macrocarpa or Pukpuk Gaharu). Ol save westim moni bilong ol long kisim dispela ol pukpuk gaharu long ples i kam olgeta long Mosbi na taim ol opisa bilong forestri greidim ol diwai bilong ol, ol save painim aut olsem em rong diwai ol pukpuk gaharu. Ol papagraun inap abrusim dispela weist sapos ol kisim ol forestri opisa long skelim sapos diwai bilong ol em tru eaglewood o nogat, pas-taim long ol katim.

Taim yu katim rong diwai, em yu bagarapim environmen tu. Plis, yupela mas save olsem ino olgeta eaglewood diwai gat dispela agarwood oil, ol lain long Esia na Arab kantri save laikim. Yu nidim spesol trening long helpim yu long tok sapos wanpela diwai gat dispela agarwood oil or nogat. Dispela kain save em ol lain non-gavamental oganaisen olsem World Wildlife Fund (WWF) na PNGFA ken givim, bihain long ol opisa bilong ol i lukim planti eaglewood diwai na nau, ol save wanem diwai i gat agarwood na wanempela nogat. Ol WWF tu i kamapim sampela posta na pamflet ol save givim long ol manmeri long tok-save moa long wanem kain diwai em eaglewood.

Ol opisa bilong PNGFA mas greidim ol eaglewood bilong yupela bihain long yupela go salim. Dispela em long stopim ol lain save baim eaglewood long giamanim yu husat laik salim eaglewood bilong yu. Planti ol baiya save giamanim ol papagraun na peim liklik moni ino bihainim strepela prais. PNGFA gat faipela gred bilong eaglewood na em save sasim difren prais long ol wanwan.

Super A - K2,000/kg,
A Grade - K1,500/kg,
B Grade - K1000/kg,
C Grade - K500/kg,A
D Grade (wet nogut tru) - K50/kg.

Long helpim ol papagraun long kisim gutpela moni long eaglewood diwai bilong ol, ol mas kisim ol forestri opisa long greidim diwai bilong ol pastaim

long ol salim. Plis noken larim ol baiya long greidim diwai bilong yupela, bikos em bai ol daunim prais olgeta na yupela no nap kisim bikpela moni.

Ol lain bilong baim eaglewood

Planti manmeri na kampani save laik baim eaglewood. Tasol yu mas sek sapos ol rejista wantaim Investmen Promosen Atoriti, na tu yu mas sek sapos ol rejista wantaim PNGFA olsem Fores Industri Patisipen (FIP). Ol baiya mas gat laisens bai ol baim long K1,000 aninit long Forestry Act long baim eaglewood. Ol papagraun mas noken salim ol eaglewood bilong ol long man husat nogat FIP setifiket or laisens. Mipela save olsem sampela waitman save yusim ol lain Papua Niugini long baim eaglewood bilong ol. Long dispela we, ol save abrusim law bilong dispela kantri. Dispela em no stret. Sapos yupela bungim ol waitmanmeri husat wok long mekim dispela kain pasin, plis tok-save bai mipela long PNGFA nap lukluk long dispela na stopim dispela kain pasin.

Long helpim yupela skelim sapos diwai bilong yupela em eaglewood or nogat, na tu long greidim, yupela mas kontektim ol dispela opisa bilong PNGFA:

Mr Alois Jenkihau, PNGFA, Vanimo, Sandaun province
Phone: 8571701
Fax: 8571754

Mr Charles Tom, PNGFA, Southern Region Office, Port Moresby
Phone: 3256399
Fax: 3230315

Mrs Anna Martin, PNGFA Headquarters, Port Moresby
Phone: 3277861
Fax: 3259943
(sapos Mr Charles Tom ino stap)

Yupela ken ringim or go lukim ol PNGFA Rijinol Menesa bilong mipela long Mosbi, Lae, Rabaul na Goroka, na tu yupela can go lukim ol Provinisel Fores Opisa bilong PNGFA long provins yu stap long en.

Ol lain WWF tu ken helpim yupela wantaim ol eaglewood askim bilong yupela. Ringim ol long telefon namba 3259855 or fax namba: 3253224.


.....
TUNOU SABUIN
A/MANAGING DIRECTOR

Lotu redio bungim misinari pikinini long PNG

JAMES KILA i raitim

PLANTI pikinini bilong ol Papua Niugini na ovasis misinari insait long kantri i save kisim sampela gutpela helpim tru long wanpela kristen redio sevis.

Dispela redio sevis ol i kolim Redio Sande Skul (RSS) i save go long olgeta hap long kantri na ol pikinini bilong ol misinari husat i stap long bus o taun i save harim long olgeta Sande.

Dispela program em Kristen Redio Misinari Felosip (CRMF) i bin kamapim stat long mun Julai 20, 1963 we mak long 200 pikinini long olgeta hap long PNG i bin harim na dispela sevis i wok long stap yet.

Wanpela meri bilong raitim buk na husat i gat save olsem nius-ripota Jenni Howell i bin statim dispela redio program na wok bilong em long 1963 i wok yet long olgeta hap long kantri.

Nau em wanpela meri nem bilong em Ruth Mollenhauer i wok long strongim dispela gutpela wok yet long Wes Goroka long lsten Hailans provins. Dispela opis bilong RSS i bin stap long Rugli long Westen Hailans provins tasol ol i bin muvim i go long Goroka.

Misis Mollenhauer i bin lukautim RSS we i save givim sevis long ol pikinini bilong ol misinari husat i save stap na wok long ol longwe ples long olgeta hap long PNG.

CRMF em i wanpela intansenenel oganaisesen we olgeta sios i save memba long en na em i bin stat long Australia long 1946.

CRMF-PNG i stat long 1951 na i save givim sapot i go long ol sios na misen long olgeta hap long PNG.

“ Ol liklik pikinini tru long redio i save harim ol gutpela lotu singsing na ol i save lainim ol memori ves bilong Baibel, singim song na ol narapela pikinini i save harim long ol narapela hap long kantri, mekim ol askim na bekim askim i kam long ol narapela liklik pikinini taim ol i harim ol stori na ol i save serim ol prea poin,”

Misis Mollenhauer.



Taim em i bin stat ol wok lain em ol lokol PNG pipel yet na ol ovasis misinari tu husat i save wokbung wantaim long strongim wok bilong God Papa tru long redio.

Ol misinari i save bungim planti taim nogut tasol wanpela samting tasol we i save givim helpim long ol em long prea na bilip bilong ol taim ol i mekim misinari wok bilong ol long PNG.

Maski hevi na taim nogut, ol misinari i save wok hat yet na CRMF i save givim gutpela helpim long ol taim ol i gat ol hevi.

Misis Mollenhauer i tok ol liklik pikinini tru long redio i save harim ol gutpela lotu singsing na ol i save lainim ol memori ves bilong Baibel, singim song na ol narapela pikinini i save harim long ol narapela hap long kantri, mekim ol askim na bekim askim i kam long ol narapela liklik pikinini taim ol i harim ol stori na ol i save serim ol prea poin.

Em i tok ol RSS pikinini bilong 1990s em tingting bilong ol i op ol i save lainim gut ol pasin bilong Baibel na save gut long Baibel stori bilong ol. Ol i save laik tru long lainim moa samting na kisim moa skul long toktok bilong God.

Misis Mollenhauer i tok olgeta Sande apinun long wanwan wik RSS i save kamap long 45 minit we mak long 15 liklik pikinini i save kam long stesen bilong RSS na singim song na skelim Baibel stori.

NAU FM Top 20

Sponsored by Twisties

1. Acting Aroma	K-Mala
2. Bonnie & Clyde	Jay Z feat Beyonce' Knowles
3. Cheeky Song	Cheeky Girls
4. Sing For The Moment	Eminem
5. Miss You	Aaliyah
6. Big Yellow Taxi	Counting Crows feat V. Carlton
7. Aiwara	Shydeez
8. I Drove All Night	Celine Dion
9. Hidden Agenda	Craig David
10. Don't Dream It's Over	Sixpence Non The Richer
11. Can't Stop Loving You	Phil Collins
12. All I Have	J-Lo feat LL Cool J
13. All The Things She Said	T.A.T.U
14. Somewhere I Belong	Linkin Park
15. Home	Bone Thugz & Harmony
16. Matter Of Time	UB40
17. Feel	Robbie Williams
18. It's Okay	Des'ree
19. Ignition	R. Kelly
20. In Da Club	50 Cent

*Songs rated on requests and dedications from listeners through mail, email and faxes to NAUFM music programs.

NATIONAL WEEKLY HIT PARADE

Me 25, 2003

Sponsored by Twisties

Song	Artist	Last Week	This Week
Wrong Lewa	Jr Kopex	1	1*
Aiwara	Shydeez	2	2*
Cecilia	Jr Kopex	4	3
Acting Aroma	K-Mala	3	4
Haus Mangi	Manny	5	5
Bipi Medley	Hausboi	6	6*
Sens Market	Kanaka	8	7
Avorokoloi	Patti Doi	7	8
Second Hand Bale	Amon Serum	10	9
Sore Na Karai	Crew 5	9	10
Rema	M-Pairap	14	11
Yatu	Bahaki Slabs	12	12
Alice	M4M	20	13
Arave Makuri	Uriva Legends	11	14
Nogat Freedom	X-Vibes	13	15
Dipsy Queen	X-Vibes	15	16
Ropsie	Patti Doi	16	17
Sixers	City Hikers	17	18
Under Pressure	City Hikers	18	19
Nambis	Augustine Emil	19	20

in nil

out nil



EM TV

Fonde	22/05/2003	7.30	60 MINUTES
5.30	JOYCE MEYER MINISTRY	8.30	SUNDAY NIGHT MOVIE: MAD MAX 3: BEYOND THUNDERDOME
6.00	EARLY MORNING NEWS	10.27	EMTV TOKSAVE
7.00	TODAY SHOW	10.30	EMTV NEWS REPLAY
9.00	CREFFLO DOLLAR	11.00	CHURCHES MAGAZINE
9.30	EMTV CLASSIFIEDS	11.30	PRAYSE
10.20	GRADE 7 SCIENCE PRIMARY	12.30	EMTV CLASSIFIEDS
11.10	GRADE 7 SOCIAL SCIENCE PRIMARY	Mande 26/05/2003	
11.50	***CLASSIFIEDS***	5.30	JOYCE MEYER MINISTER
12.00	GRADE 11 MATH A	6.00	EARLY MORNING NEWS
12.40	GRADE 11 GEOGRAPHY	7.00	TODAY SHOW
1.30	***CLASSIFIEDS***	9.00	CREFFLO DOLLAR
2.30	SESAME STREET	9.30	***EMTV CLASSIFIEDS***
3.30	FLINSTONES	10.20	GRADE 7 SCIENCE PRIMARY
4.00	BUSHBEAT	11.10	GRADE 7 SOCIAL SCIENCE PRIMARY
4.30	DOWNLOAD	11.50	***EMTV CLASSIFIEDS***
4.47	EMTV TOKSAVE	12.00	GRADE 11 MATH A
5.00	CATCH PHRASE	12.40	GRADE 11 GEOGRAPHY
5.29	NEWS BREAK	1.30	***EMTV CLASSIFIEDS***
5.30	HAPPY DAYS	2.30	SESAME STREET
6.00	NATIONAL EMTV NEWS	3.30	BEEBLE JUICE
6.30	A CURRENT AFFAIR	4.00	WONDER WORLD
6.59	NEWS UPDATE	4.30	DOWN LOAD
7.00	LOTTO DRAW	4.57	EMTV TOKSAVE
7.01	CHM SUPERSOUND	5.00	CATCH PHRASE
8.00	TOK PIKSA	5.29	NEWS BREAK
8.27	EMTV TOKSAVE	5.30	HAPPY DAYS
8.30	SPORTS SCENE	6.00	NATIONAL EMTV NEWS
9.30	NRL FOOTY SHOW	6.30	A CURRENT AFFAIR
11.00	AFL FOOTY SHOW	6.59	NEWS UPDATE
12.30	EMTV CLASSIFIEDS	7.00	LOTTO DRAW
		7.01	PRAYSE
		8.00	INSAIT PNG
		8.30	SOUL CITY
		8.57	EMTV TOKSAVE
		9.00	McLEOD'S DAUGHTERS
		10.00	KING OF QUEENS
		10.30	EMTV NEWS REPLAY
		11.00	NIGHTLINE
		11.00	CHM SUPERSOUND
		12.03	EMTV CLASSIFIEDS
		Tunde 27/05/2003	
		5.30	JOYCE MEYER MINISTRY
		6.00	EARLY MORNING NEWS
		7.00	TODAY SHOW
		9.00	CREFFLO DOLLAR
		9.30	***EMTV CLASSIFIEDS***
		10.20	GRADE 7 SCIENCE PRIMARY
		11.10	GRADE 7 SOCIAL SCIENCE PRIMARY
		11.50	EMTV CLASSIFIEDS
		12.00	GRADE 11 MATH A
		12.40	GRADE 11 GEOGRAPHY
		1.30	***EMTV CLASSIFIEDS***
		2.30	SESAME STREET
		3.30	BEEBLE JUICE
		4.00	GOOD SPORTS
		4.30	DOWNLOAD
		4.47	EMTV TOKSAVE
		5.00	CATCH PHRASE
		5.29	NEWS BREAK
		5.30	HAPPY DAYS
		6.00	NATIONAL EMTV NEWS
		6.30	A CURRENT AFFAIRS
		6.58	NEWS UPDATE
		6.59	LOTTO DRAW
		7.00	HAUS AND HOME
		8.00	AUSTRALIA'S FUNNIEST HOME VIDEO SHOW
		8.27	EMTV TOKSAVE
		8.30	PETER BENCHLEY'S AMAZON
		9.30	STINGERS
		10.30	EMTV NEWS REPLAY
		11.00	FARSCAPE
		12.00	NIGHTLINE
		12.30	EMTV CLASSIFIEDS
		Trinde 28/05/2003	
		5.30	JOYCE MEYER MINISTRY
		6.00	EARLY MORNING NEWS
		7.00	TODAY SHOW
		9.00	CREFFLO DOLLAR
		9.30	***EMTV CLASSIFIEDS***
		10.20	GRADE 7 SCIENCE PRIMARY
		11.10	GRADE 7 SOCIAL SCIENCE PRIMARY
		11.50	***EMTV CLASSIFIEDS***
		12.00	GRADE 11 MATH A
		12.40	GRADE 11 GEOGRAPHY
		1.30	***EMTV CLASSIFIEDS***
		2.30	SESAME STREET
		3.30	FLINSTONES
		4.00	WONDER WORLD
		4.30	DOWNLOAD
		4.47	EMTV TOKSAVE
		5.00	CATCH PHRASE
		5.29	NEWS BREAK
		5.30	HAPPY DAYS
		6.00	NATIONAL EMTV NEWS
		6.30	A CURRENT AFFAIR
		6.59	NEWS UPDATE
		7.00	LOTTO DRAW
		7.01	IN FOCUS
		7.30	SMALLVILLE
		8.27	EMTV TOKSAVE
		8.30	WEDNESDAY NIGHT MOVIE: THE LOST CITY
		10.30	EMTV NEWS REPLAY
		11.00	SOUTH PACIFIC MUSIC
		12.00	NIGHTLINE
		12.30	EMTV CLASSIFIEDS
		Sande 25/05/2003	
		6.27	EMTV TOKSAVE
		6.30	TIM HALL MINISTRY
		7.00	THE TEACHING MINISTRY OF CHARLES STANLEY: IN TOUCH
		7.30	IT IS WRITTEN
		8.00	BUSINESS SUNDAY
		9.00	SUNDAY
		11.00	SIGN OF THE TIMES
		12.00	TOYOTA WORLD OF WILDLIFE
		12.30	BOOTS AND ALL
		1.00	SUNDAY AFL
		4.00	NRL SUNDAY FOOTBALL: South Sydney Rabbitohs vs St. George Illawarra Dragons
		6.00	NATIONAL EMTV NEWS
		6.30	SEVENTH HEAVEN

Kum katim Muruk meri



LONG bipo bipo tru we kankain samting i save kamap wanpela man long wanpela ples Sepik i stap. Em ino marit. Wanpela taim bikpela san i kamap na bus drai. Ol abus na pisin i painim wara long waswas na dring.

Na long bai i gat wanpela bikpela wara i stap. Ol abus na pisin i go long dispela wara. Dispela mas i go was long dispela wara olsem ol man long ples i save mekim. Sapos ol abus i kam ol i save autim na kaikai.

Taim em i was na lukluk i stap ol muruk i kam, planti stret. Em i amamas nogut tru tasol ol muruk i no muruk natng em ol meri ya.

Em i lukluk i stap ol muruk i no wetim taim, ol i sori. Ol i stap rausim bikos bilong muruk na kamap meri. Man bin i kirap nogut, em ol emri tru tru o giaman meri. Em i lukluk man yet na lukim wanpela kum katim meri stret i rausim bikos bilas bilong em.

Taim olgea i rausim bilas bilong ol i kalap long wara na wanpela ol i kalap long wara na waswas. Ol i amamas long wanpela na mekim palnti nois. Taim ol i manki yet man wok i go i no karim bilas bilong dispela kumul/naispela meri na go bek hait long hap we em i hait long em.

Taim ol meri ken i waswas pinis ol painimaut, ol emri i bin skin bilong ol na putim bek beksait bilong ol.

Olgeta i putim bek bilas bilong ol tasol turangu dispela kumul meri hia i no inap painim bilas em. Em i askim ol narapela tasol ol i no save. Olgeta narapela i helpim long painim long painim tasol ol i no inap painim. Na olsem ol i go bek long bus. Meri hia i painim nogat na em i sanap tasol na kra.

Taim man hia i lukim olsem olgeta i go pinis na meri wan i stap em i giaman wokabout isi go long em.

Meri i lukim em na i laik ron-



awe tasol man hia i pasim em. Em i tokim meri long noken pret na askim em long wanem samting i mekim na em i kra. Meri i tokim em long hevi bilong em olsem em i no nap painim muruk skin bilong em. Taim man i harim stori pinis em i tokim meri olsem em bai kisim em i go long ples. Tupela igo long ples na marit. Tupela i stap na karim tupela pikinini meri na man.

Meri muruk hia i stap na save gut long pasin bilong ples, wok gaden na lukautim ol samting long haus.

Ol sampela samting em ino save gut na mas laikim yet long man bilong em.

Tupela i stap gut longpela wantaim tupela pikinini bilong tupela. Ol stap igo na man hia i stat long kros na tok nogut long meri olsem em i no meri tru taim meri hia i abrus long mekim samting gut.

Planti taim man hia i save krosim na tokim meri olsem. Meri i wari na i save kra.

Wanpela taim man hia i krosim meri na go long bus. taim meri i lukim man igo, em i traim long stretim sampela samting long haus.

Taim em i stretim em i kisim sampela bambu man bilong em i putim long silim bilong haus. Em i sekim nau na lukim bilas o skin muruk bilong em stret. Em i amamas nogut

tru. Isi tasol em i go long bus, arere bilong ples na kam bek long haus wantaim skin muruk bilong em. Tupela pikinini i stap long haus. Taim tupela pikinini hia i lukim ol i kirap - nogut. Ol i laik holim na kilim muruk taosol muruk i bikpela tumas. Tupela i paol.

Taim tupela mangi i lukluk i stap muruk o mama bilong tupela i go long bus na rausim dispela skin bilong muruk. Em i kam bek long ples na tupela pikinini i askim em long em i stap we taim muruk i kam na danis long ai bilong tupela.

Mama i giaman long em i kirap nogut long harim stori na toksori olsem em i go long bus. Ol i toktok i stap yet na mama bilong tupela i tokim tupela olsem muruk em em yet. Em i tokim tupela olsem bipo em i muruk tasol papa bilong tupela i stilim muruk skin bilong em na em i kamap meri bilong em na karim tupela. Na olsem papa bilong tupela i save tok em i muruk taim em i save krosim mama bilong tupela.

Em i tokim tupela pikinini hia long wanem samting tru i bin. Bihain long dispela em i tok tambu tru long noken tupela i tokim papa ol toktok taim em i kam long ples.

Olsem na taim papa i kam tupela pikinini i no stori long tupela i lukim muruk.

Ol i stap gut igo na wanpela taim papa i kros na tokim meri olsem em i rabis meri n aolsem i muruk meri.

Meri bilong em i harim tasol em i no moa tingting planti nau. Bihain nau narapela dei papa bilong ol igo long bus.

Em nau mama bilong tupela pikinini igo kisim dispela skin muruk, muruk bilong tupela pikinini na soim long tupela.

Em i sori long tupela tasol em i tokim tupela olsem em bai go bek long bus.

Em i kukim kaikai bilong olgeta. Em na tupela pikinini hia i kaikai na kaikai bilong papa ol i lusim.

Klostu taim mama i ting papa bai kam long ples, em i holim pas tupela pikinini hia na kra. Tupela pikinini hia tu i kra. Bihain nau naispela de papa bilong ol i go long bus. Em nau mama bilong tupela pikinini i go bisnis dispela skin musik muruk bilong tupela pikinini na nau long tupela. Em i sori long tupela tasol em i tokim tupela olsem em bai go bek long bus.

Em i kaikai na kaikai bilong papa ol i larim.

Klostu taim mama i ting papa bai kam long ples em i holim pas tupela pikinini hia na kra. Tupela pikinini meri tu i kra. Bihain em putim skin gras bilong i muruk, long tupela na go long bus.

Tupela pikinini hia i wari na kra i stap. Taim papa bilong ol i kam em i askim ol long wanem s na tupela i kra.

Tupela pikinini i tokim papa olsem mama bilong ol i lusim ol na go long bus. Em i putim bek skin muruk bilong em na go bek long bus.

Papa bilong tupela i askim tupela long husat i givim skin muruk long mama bilong tupela. Tupela bekim na tok em i gat i painim long haus na olsem tupela pikinini i tokim tu papa olsem mama i wri long wanem papa i save tokim em olsem em i muruk meri oltaim em i krosim em. Olsem na mama i ronawei. Papa i harim olsem na em i wari na kra.

Papa i tokim tupela pikinini hia ken long stori bilong mama bilong ol. I nogat we ol i kisim o lukim gen meri na mama bilong ol.

Olsem na meri long dispela taim wanpela ples long Sepik ol manmeri i no save kaikai muruk long wanem stori i tok tumbuna bilong ol em muruk.

Nem: Joel Bonney
Krismas: 17 (man)
Adres: Ivingoi Province High School, P.O. Box 1578, Goroka Eastern Highlands Province.

Save laikim: Mekim gaden, wokim wok long haus, ritim baibel, go waswas long solwara na painim pis.

Nem: Malkas Kune
Krismas: 20 (man)
Adres: Mumb Bros, P.O. Box 4249, Boroko, Port Moresby, NCD, PNG.
Save laikim: Pilai soka, harim musik, go long yut gem, wokim gaden na mekim pen pren.

Nem: Sini Kuok
Krismas: 18 (man)
Adres: Yaurak Lutheran Youth, P.O. Box 3876, Lae, Morobe Province.
Save laikim: Pilai spot, go raun lukim narapela hap olsem ovasis.

Nem: Sam Viza
Krismas: 20 (man)
Adres: P.O. Box 6072, Boroko, NCD.
Save laikim: Watsim ragbi long EMTV, tok pilai, ritim niuspepa na harim PNG musik.

Nem: Brian Sendry
Krismas: 19 (man)
Adres: P.O. Box 5026, Boroko, NCD.
Pilai ragbi, go lotu, rait long pen pren na singsing.

Nem: Baimu Sauka
Krismas: 20 (man)
Adres: P.O. Box 5026, boroko, NCD.
Save laikim: Tok stori, pilai ragbi, go lotu na rait long pen pren.

Nem: Ruben Jack
Krismas: 17 (man)
Adres: P.O. Box 5026, Boroko, NCD.
Save laikim: Paitim gita, pilai ragbi, singsing na go waswas long solwara o wara tru tru.

Nem: Pikay Pago
Krismas: 20 (man)
Adres: P.O. Box 5026, Boroko, NCD.
Save laikim: Paitim gita, rait long pen pren na go lotu.

Nem: Ian Oa
Krismas: 19 (man)
Adres: P.O. Box 5026, Boroko, NCD.
Save laikim: Rait long pen pren, harim musik, pilai ragbi na go lotu.

Nem: Whay Tayaso
Krismas: 20 (man)
Adres: P.O. Box 2685, Boroko, NCD.
Save laikim: Go lotu, ritim buk na baibel, pilai volibal na harim musik.

Nem: Somare David
Krismas: 20 (man)
Adres: P.O. Box 5086, Boroko, NCD.
Save laikim: Tok fani, pilai ragbi na harim musik.

Nem: Samuel Letis
Krismas: 19 (man)
Adres: P.O. box 2686, Boroko, NCD.
Save laikim: Go lotu, pilai ragbi, watchim TV na pilai volibal.

Nem: Nesi Ori
Krismas: 26 (man)
Adres: Taurama Camp, P.O. Box 184, Port Moresby.
Save laikim: Go lotu, pilai spots, harim musik na go raun long narapela ples.

Nem: Priscilla Wamagori
Krismas: 19 (meri)
Adres: P.O. Box 107, Hawain Technology High School.
Save laikim: Rait long pen pren, pilai ol kankain gem olsem volibal.

Nem: Cynthia Charles
Krismas: 18 (meri)
Adres: P.O. Box 153, Tabubil, Western Province.
Save laikim: Go lotu mekim gaden, tok fani wantaim ol poromanmeri na harim musik.

Nem: Rhonda Kagua
Krismas: 15 (meri)
Adres: P.O. Box 153, Tabubil, Western Province.
Save laikim: Tok piali wantaim Kanage, mekim gaden, painim pis long wara na harim musik.



Mi gat wari na mi laikim helpim

Dia Laiplain

Mi na man bilong mi i gat tupela pikinini. Tasol man bilong mi i bin raun wantaim ol narapela meri na bihain mi harim dispela, em i bagarapim laip bilong mi.

Mi laik kisim divos o brukim marit na painim nupela man husat bai gutpela long mi na i no inap pilai nabaut wantaim ol arapela meri. Mi save olsem dispela bai hat long mekim.

Sapos Laiplain i save long narapela man i stap long dispela hevi, inap yu salim kontek bilong em na bai mi toktok long dispela hevi wantaim em?

SPOILT

Dia Pren.
Mipela i wari long yu tasol

mipela i amamas olsem yu gat strong long totok long dispela samting wantaim mipela. Ol dispela samting i wok long kamap planti long dispela taim na Laiplain i save kisim planti pas i sut long dispela hevi.


Tasol mipela i sori long tok olsem em i egensim lo bilong mipela long givim aut ol nem long ol man o meri i rait i kam long mipela wantaim ol hevi na wari. Ating mipela inap long helpim yu long painim narapela rot long stretim dispela wari yu gat long en.

Mipela i luksave olsem taim man i wokim pasin i no stret long meri bilong em long raun wantaim narapela meri, em bai kirap nogut tru na sori na sindaun bilong em bai i no gutpela. Bel kros bai kisim ples

bilong sori we yu pilim taim man bilong yu i wokim pipia pasin long yu.

Tingting bilong meri taim man i wokim olsem em bai i laik bekim asua em i wokim long en. Tasol taim meri i painimaut asua man bilong em i wokim long en, dispela i save kisim em nogut stret na man bilong em i save tok sori na em bai ino inap long wokim rong pasin. Na em save askim meri long lusim tingting long asua bilong em. Sapos meri i pogivim em long rong ya, marit bai go strong moa yet na tupela bai stap amamas.

Long narapela sait man i ken i tok olsem em i no wokim rong pasin na em ol tok giaman tasol. Sapos dispela i kamap, hevi bai kaamap na marit i ken




bagarap.

Yu gat tuelpal pikinini na mipela i strongim yu long tingim bihain taim bilong ol. Em i wok bilong ol papamama long lukautim gut ol pikinini na givim gutpela stia long ol. Ol pikinini em ol blesing o gif bilong bikman long marit bilong yu. I moabeta long yu go long pasto o manmeri we yu gat bilip long en bilong helpim yu. Sea na pre wantaim ol. Papamama bilong yu i stap long gutpela posisen long helpim yu.

LAIPPLAIN

YUMI PAIT STRONG LONG RAUSIM KORAPTSEN INSAIT LONG PNG!!



Ol memba yumi bin i votim igo insait long palamen i promis long karim sevis i kam long ples bilong yumi. Na we? Rot i bagarap, Skul i bagarap, Haussik ino gat moni long baim marasin na lukautim ol sikman na meri.

OI I STAP WE NAU!!

**NAU EM TAIM YUMI PIPOL
BILONG PAPUA NIUGINI I SANAP
NA PAIT AGENS KORAPTSEN!!**

Komyuniti Kolisen Egens Koraptsen i go pas long dispela wok.



KANAGE



sait i tok pilai long Kanage olsem, o draiva, ating yu mas lodim stret olsem na taia bilong ka i flat nogut tru ya?. Kanage harim na em bel hat na em tok, i no asua bilong draiva na ka, em yupela ol pasindia yet i si so nabaut nabaut long ka olsem na taia i slek ya. Yupela i no isi long pinisim ol sosis na pai bilong ol Saina stua long taun na i no laik slekim taia bilong yupela long toilet long maket pastaim na yupela i kam. Olsem na nau yupela i givim hevi long ka. Ol manmeri long PMV i harim na ol i lap nogut tru long tok pilai bilong Kanage na ol i go daun helpim em na stretim taia na i ron i go long ples long biknait.

Sonny Sandre Lae

Kanage em bilong Arowe long Wes Nu Briten provins. Em save stailim nem bilong em olsem mangi Arox. Gat bikpela miting bilong kaunsela wantaim ol komiti bilong em. Dispela miting ol i wokim long hap bilong wanpela komiti. Olsem na olgeta manmeri i kam long harim toktok bilong kaunsela. Kanage ya em poromanim wanpela diwai popo mao gut tru na sanap harim toktok i stap. Orait kaunsela i pinisim olgeta toktok bilong em pinis na em i singautim ol komiti bilong em long kamapim ol arapela hevi na ol toktok em bilong stretim ol hevi o trabel. Orait komiti i sanap na tok nambawan kot bai yumi stretim, em long pikinini meri bilong kanage, mangi Arox, wantaim pikinini boi bilong kaunsela. Kanage kirap nogut long dispela samting, em belhat wantaim na tromoi han long diwai popo na olgeta mao popo i pundaun long het bilong Kanage na bagarapim em stret. Wara bilong mao popo i bagarapim trausis na siot bilong Kanage na nus pes bilong em tu kamap yelo stret long mit bilong ol mao popo. Ol manmeri lus isi isi wantaim nek solap long

lap. Olsem na ol ino go insait long dispela kot bilong tupela yangpela ya.

Elias M. Bani Kerevat

Kanage em wanpela man Sogeri baksait long Nesenel Hai Skul. Wanpela taim em i kalap long wanpela PMV open bek Toyota Dyna na em i go long Mosbi siti. Em i laik go baim wanpela kofin long liklik paps bilong em, husat i bin dai pinis long aste nait. PMV tu i karim planti arapela pasindia tu. Kar igo na dropim em long fineral hom o ples bilong wasim ol dai bodi long Erima na i go dropim ol arapela pasindia long Gordons maket. Kar igo bek na pikim em wantaim kofin na ol i go dring bia long Boroko Hotel. Ol i dring igo inap 2 kilok abinun na bar i pas. Ol i kalap long PMV na Kanage i stap ausait wantaim kofin, orait boskru na draiva istap insait long rum draiva. Taim kar i ron i go long Gordons maket bikpela ren i pundaun. Orait kanage i spak tu na i poreit long ren na em i hapim ai bilong kofin na em igo insait na slip insait. Faiv minit i pinis na ren i stop. Orait ol igo long Gordons maket na PMV i pulap tru na kar i ron long ples. Poro Kanage i kilim skin long slip insait long kofin. Em ino save olsem kar i pulap tru na i ron long ples. Taim kar i lusim Bluff Inn na i ron long kona maunten na Kanage pilim hot na em i apim ai bilong kofin long wanpela han na em i laik kam sindaun ausait long kofin. Tasol sore tumas ol pasinda i lukim ai bilong kofin i op na han i wok long pusim na trangu olgeta yet i kalap long sait sait bilong kar igo inap kar i nogat wanpela pasindia long beksait. Ol kago bilong ol tasol istap antap. Kar igo kamap long ples na boskru i kam aut na i lukim Kanage wan i sindaun long beksait na em i tok. Poro ol pasinda we? Kanage i tok, wanem pasindia? Mi tasol istap. Em nau boskru i tok, oh bara Kanage yu i stap

na yu no lukim ol. Kar i bin pulap. Em ol kago bilong ol tasol i stap hia. Em nau Kanage i tok mi bin slip insait long kofin na taim mi kam ausait mi lukim kago tasol istap. Boskru i tok, Kanage yu wanpela longlong man tru. Taim yu i apim ai bilong kofin oli mas ting tewel na ol i kalap ausait long kar. Em na boskru wantaim draiva ol i ron igo bek na ol i lukim ol pasinda i kisim bagarap long bodi nabaut na slip arere long rot i stap olsem na kar i kisim olgeta na ol igo bek long 3 Mail haus sik.

Tom Raino Dagua

Kanage em mangi bilong Mount Giliwa Takopoka insait long Tambul District. Wanpela taim Kanage wantaim poro bilong em Gibs tako tupela igo raun long Tambul na lukim ol mangi i pilai ragby takol long Tambul. Tupela pilaia tupela bai pilai long en em Kambu-Bross na K-Forex ol bai pilai. Kanage wantaim poro bilong em Gibs Tako tupela i lukim ol mangi Kambu-Bross na K-Forex pilai takol. Tupela i lukluk i stap.

Wanpela pilaia bilong K-Forex i hapim em na dampim em stret. Wanpela meri Lomo Eels i lukim na tok, Hey, ol mangi K-Forex ya ol save pilai gut ya. Na wanpela meri K-Forex i kirap nogut na tok, nogut ya ol traim tasol ya. Kanage em i lukim meri K-Forex ya na tok yu noken sapim maus olsem, nogut pilaia bilong yu bai lus, na meri K-Forex ya i tok stil ol bai win, ino olsem ol mangi Kiluwa Takopoka ol bai lus olgeta taim. Kanage i kirap na tok, mipela ol mangi Kiluwa Takopoka i save pilai gut tasol yu tok long mipela. Kanage harim dispela stori na tekov i go long ples bilong en.

Nutron Bill Kombe

Peter Bomba Kikori

Kanage em wanpela draiva bilong PMV na em i kisim ol meri maket na ol i go bek long ples long apinun. PMV i pulap tru na ol pasindia tu sindaun pas pas long ka na ol i ron i go. Ol i ron long rot i go na taia bilong ka i slek na ol i go stop long hap rot. Taim Kanage i kam daun na sekim taia ol meri long bak-

KANAGE



Yumi Yet!



Westim taim nating long Kimbe taun

Dia Edita,

Watpo tru na mi save lukim ol Sepik wara pulap i stap long KGP?

Planti taim mi save lukim ol i raun nating na singaut long ol meri long Kimbe taun na ol blok nabaut. Ol i save mekim ol trabel nabaut tu, long ples.

Olsem na mi laik askim yupela ol dispela lain, yupela i kam long wok mani o kam

long mekim trabel na bagaram ples tasol? Mi laik askim yupela ol Sepik wara olsem yupela ol Sepik wara i kam long wok mani, o yupela i kam painim ol meri long Kimbe taun.

Maski ol meri i stap gut long haus na banis bilong ol bai ol bai mekim nais nabaut na singaut nabaut na tok nogut nabaut long ol. Yupela

i gat ol susa na mama bilong yupela tu o nogat? Yupela traim na pilim sem long ol arapela meri i laik sindaun gut na amamas wantaim famili bilong ol. Yu traim pilim sapos arapela man i mekim olsem long susa bilong yu, bai yu pilim wanem tru?

Tru tru mi lukim dispela kain pipia pasin na mi no amamas tru long ol manmeri

i mekim olsem. Yupela arapela i ken lukim na save long dispela komplem mi mekim. Mi ting yupela ol Sepik wara i westim mani bilong yupela long kam long Kimbe long panim meri.

Em tasol na husat i laik bekim em welkam tasol.

**Tony Aipet
Kimbe, WNBP.**

Ol sekyuriti gad na plis i no mekim gut

Dia Edita,

Watpo tru mi save lukim ol sekyuriti gat i save karim ol planti ol meri long nait na raun long ka na ol i no save mekim gut wok bilong ol long lukautim banis bilong ol bisnis na kampani?

Ol i save karim ol i go long ples bilong dring bia o long banis ples na amamas wantaim ol na ol i no save mekim gut wok bilong ol. Wankain tu ol plis tu i save mekim kain pasin olsem long karim ol meri raun long amavas tasol na ol i no save mekim gut wok bilong ol.

Dispela kain pasin i mekim na hevi bilong lo na oda i kamap bikpela bikos ol sekyuriti gad na ol plisman i no save

mekim gut wok bilong ol long lukautim banis bilong ol bisnis na kampani na tu ol publik i bungim hevi bikos plis i no save mekim patrol raun gut long lukautim ol pipel.

Planti meri tu long Kimbe i bungim planti hevi long karim pikini nating na ol i laik kotim ol man long kisim mentenens mani tasol ol man i save ronawe o senisim wok bilong ol na famili bilong ol i save haitim ol man bilong ol long ol meri i save laik kam givim hevi long ol.

Sori tumas ol meri, plis tingting gut na mekim samting. Nogut bai yu yet i bungim hevi.

**Tony Aipet
Kimbe, WNBP.**

Ol meri Sepik bikhet tumas long Kimbe

Dia Edita,

Watpo tru ol meri i save sikirap long painim ol asples man long Kimbe? Plis yupela i nogat sem tru.

Ol meri Sepik inap yupela i sindaun gut long blok na glasim gut ol man na bihain yupela i seksek long ol?

Long blok tu i gat planti yangpela na smatpela ol man Sepik i stap olsem na maski long painim i go longwe tumas. Opim ai na luk-

luk klostu tasol long blok yu stap long en na bai yupela painim.

Planti taim mipela wokabaut long Kimbe taun na mi lukim yupela i save seksek na bihainim lek bilong ol asples Kimbe na go wantaim ol long ples bilong ol. Mi save lukim bikhet bilong ol meri Sepik long Kimbe i moa moa yet tru wantaim ol kat jins na yaka siot na stail long pulim ai bilong ol Kimbe man tasol.

Yupela i mas lukaut bikos nogut ol asples man i giamanim yupela tasol na ol bai ronawe i go long ples bilong ol na maritim ol meri long ples bilong ol yet. Na yupela bai karim sem na hevi na sindaun long blok i stap. Em tasol komplem bilong mi na husat i laik sapotim o egensim em welkam tasol.

**Tony Aipet
Kimbe, WNBP.**

Kolim stret nem bilong ples

Dia Edita,

Dispela strongpela tok save bilong mi i go long olgeta Wes Sepik i stap long Kimbe taun olsem yu bilong Aitape na yu maritim meri long hia na yu mas kolim stret ples bilong yu olsem mi bilong Aitape na yu noken hait na kolim narapela ples nabaut long grisim o trikim ol meri tasol.

Mipela i save bungim planti hevi bikos sampela lain i save mekim trabel nabaut na kolim ol yet olsem ol i bilong Aitape o Lumi o kain ples olsem. Tasol ol i bilong narapela hap provins o distrik olgeta. Biknem Sepik na ples em narapela narapela. Noken pret na yusim nem bilong arapela lain long trabel bilong yu.

Em tasol komplem bilong mi na husat i laik salensim o sapotim em welkam tasol long rait long *Wantok* na bai mi ken lukim.

**Aipet Tony
Kimbe, WNBP.**

Noken yusim pilai graun long bikhet pasin

Dia Edita,

Watpo tru mi save lukim long soka fil long Kimbe taun yet ol manmeri i save danis long fil na planti meri i save mekim planti pamuk na bikhet pasin insait long dispela soka fil.

I no longtaim tumas mi lukim dispela kain pasin i kamap long pilai graun na mi save lukim planti ol meri i save i go insait long soka fil na mi ting olsem ol meri i save go long pilai tasol nogat ya.

Ol meri i save giaman gut tru long go long dispela soka fil long wiken na ol de nabaut na yumi ting ol i spot meri tasol nogat. Pasin nogut na pamuk i save kamap long hap ya.

Mipela i save wokabaut long rot na ol i no save wokabaut long rot na lukim na pastaim mipela i

save paul liklik tasol nau mipela i pulap pinis long ful stori.

Pasin bilong giaman na mekim hait pasin i gutpela tasol tingim, bai olgeta samting i kam aut long ples klia wanpela taim.

Plis traim na respektim pilai graun bilong planti gutpela manmeri bilong Kimbe taun bikos ol i laik i kam amamas long pilai na lukim pilai tu long olgeta wiken.

Em tasol komplem bilong mi na husat i laik sapotim o egensim em laik tasol.

**Tony Aipet
Kimbe, WNBP.**

Noken raitim ol tok nogut

Dia ol Pablik,

Plis noken raitim ol pas nogut we yu mekim planti tok nogut long ol arapela man o meri. Raitim gutpela pas we i sut long ol komplem na ol wari o tingting bilong yu long sampela samting yu laikim ol arapela i ritim na skelim.

Yu ken raitim olgeta tingting na toktok bilong yu i kam long *Wantok* Edita. Tasol yu mas raitim ol gutpela toktok na ol tok nogut em bai *Wantok* i no inap raitim long *niuspepa*.

I gat planti gutpela samting yu ken komplem long en olsem politiks, ol lida long palamen, autim wari bilong yu long ol gavman

sevis i no kam long ples na planti arapela moa. O yu ken raitim ol tok amamas long sampela gutpela samting we i kamap long ples o komyuniti bilong yu.

**Edita
Mosbi**

Noken tok baksait long ol arapela lotu

Dia Edita,

Mi wanpela Katolik mankim na mi stap long Ponedeta. Yes, mi ritim wanpela pas bilong brata Daunim Awake bilong lalibu long Sauten Hailans provins i bin tok long noken daunim narapela lain.

Yes, brata mi sapotim yu, ol nupela sios o lotu ol save daunim Katolik, Lutren na Angliken. Mi laik tokim yu nupela lotu olsem sapos yu lotu long God tru bilong wanem yupela i tok baksait long mipela ol dispela lotu?

Husat i wok long tok baksait plis yu westim taim bilong yu.

Yu man o meri mi givim dispela baibel stori, mi givim dispela em bai tokim yu bikos em tok olsem yu mas lusim ol sin bilong ol manmeri.

Yu mas skelim baksait bilong yu pastaim orait bihain yu skelim ol arapela manmeri. Yu husat laik egensim yu welkam tasol. Em tasol wari bilong mi laik autim.

**Yangang Sovova
Ponedeta, OP.**

Noken tok pilai long nem bilong Bikpela

Dia Edita,

Mi laik autim bikpela bel nogut bilong mi long pablik long ol sampela tok pilai bilong Kanage. Ol man i save raitim long *Wantok Niuspepa* na mi i no save amamas long ol dispela man.

Ol i save rait na tok pilai long nem bilong God. Yumi mas save God em i no wanpela pilai pilai God. Em i kamapim olgeta samting long graun na Heven olsem na i no gutpela long tok pilai long nem bilong em.

Yumi save ritim buk baibel i tok, yu i no ken kolim nating nem bilong bikpela God bilong yumi.

Yumi mas kolim nem bilong em long prea na long mekim ol sinsing na lotu long amamasim em na givim biknem long em.

Noken raitim tok pilai long nem bilong God na salim long *Wantok Niuspepa* tu. Yupela i noken printim dispela kain tok pilai.

**Jovo Lumeu
Lae, MP.**

Stretim gut ol laisens bilong Kimbe maket

Dia Edita,

Mi wanpela manki i no save amamas long wok bilong Kimbe Taun Atoriti bilong wanem em i no save mekim gutpela disisen long stretim ol mama gut wantaim laisens we ol i salim donat na skon na ol seken han kios long Kimbe maket.

Planti i nogat laisens tasol ol save salim kaikai olsem donat, ais blok na ol kaikai na ol samting we sampela i no save stretim gut na salim long pablik ples.

Ol mama i baim laisens pinis na bihain gen ol i save baim tiket long maket na dispela ino gutpela tumas.


Gutpela olsem inap yu tokaut klia long ai bilong olgeta manmeri i laik salim ol samting long maket.

Dispela ol samting ol ples lain i save strong tumas long sait bilong mani na askim gavman long baim pastaim na yusim ol.

**Wayne Peter
Kimbe, WNBP.**

Salim pas i kam long:

**The Editor
Wantok Niuspepa
P.O. Box 1982,
Boroko, NCD.**



Ripot bilong Lens seketeri i no tru

Dia Edita,
Toktok bilong seketeri bilong Lens Pepi Kimas i no tru na i bagarapim nem na wok bilong mi olsem olupela seketeri bilong dipatmen.

Graun em samting bilong Stet (gavman) na i mas bihainim ol rot na pasin bilong lukautim na ranim opis bilong graun we i bihainim Len Menesmen Divisen. Dispela i bilong givim graun o redim taitel bilong lis, ol eria bilong kisim mani bilong yusim graun. Em nau bai seketeri i sainim tok orait long givim lis na givim i go long Rejistra bilong taitel long rejistaim lis pastaim long ol manmeri i ken kisim Lis Taitel.

Ol toktok bilong seketeri i kamap long niuspepa i no stret olgeta na we i no bihainim ol rot na pasin bilong administrasen bilong Lens Dipatmen.

Graun i no wanpela samting bilong mi yet. Olsem na em i no stret tru long seketeri long karim risit buk long poket bilong em raun i stap.

Toktok bilong Lens seketeri i no tru na i no stret olgeta na i givim stori


nogut long ol manmeri, ol pipel bilong mi long Finsafen ilektoret na tu long Morobe provins olgeta.

Dispela K60,000 Seketeri bilong Lens i toktok long en em ol peim i go long Revenu Seksen bilong dipatmen na i gat risit long dispela. Pato Loya kampani i bin mekim wokim kamap dispela na ol i makim John Aip na Anongao Elipas husat i papa bilong dispela graun long Mosbi. Ol i sainim agrimen wantaim long mekim kamap dispela samting. Namba tu peimen ol i toktok long en long dispela sem graun em mi no bin luksave long en taim mi stap long opis long dispela taim.

Dispela i no namba wan taim seketeri bilong Lens i bin givim rong ripot na toktok i go long Pablik Akauns Komiti.

Asua tru olsem nogat man i sekim ol samting wantaim mi pastaim long ol i givim ol krangi ripot nabaut.

Guao K. Zurenuoc
Membra bilong Finsafen



Sapos yu laik salim ol pas bilong yu i kam long dispela niuspepa. Salim i kam long dispela adres:

THE EDITOR, WANTOK
NEWSPAPER, PO BOX 1982,
BOROKO. NCD.

Noken harim tok na rejistaim graun

Dia Edita,
Mi i gat wanpela bikpela bel wari bilong mi i go long gavman bilong Papua Niugini long dispela pasin em i wok long traim mekim long ol manmeri long ples long Rejistarim Kastom Graun bilong ol. Planti toktok i kamap long ol Yunivesiti bilong mipela na tu long ol niuspepa long pasin bilong rejistarim kastom graun long nem bilong developmen bilong husat ol lain?

Ol papagraun, noken bilipim dispela giaman toktok bilong rejistarim graun na yusim taitel holim setifiket long kisim lon o dinau long benk long kamapim bisnis. Dispela em i toktok tasol long ol bai stilim graun bilong yu. Dispela em wanpela paul pasin tru em gavman i laik mekim. Ol lain i mekim dispela em ol krangi lain tru rejistaim kastom graun bai i mekim wanem samting long mipela ol manmeri insait long ol ples long

bikbus? Graun em i hap bun baksait tru bilong laip bilong mipela. Graun em haus sik, graun em supa maket, haus miting, wara na laip bilong mipela. Olsem wanem na bai mipela i salim dispela bikpela samting we laip bilong mipela i hangamap long em long ol kampani na gavman?

Sori tru yupela ol saveman sapos yupela laik helpim mipela ol pipel orait yusim ol arapela samting na i no

long graun bilong mipela. Mi ting yupela westim taim bilong yupela.

Ating gutpela moa yupela go long Australia na Amerika na tokim ol waitman long ol i ken rejistarim kastom graun bilong ol, sapos ol i gat kastom graun bilong ol i stap yet. I no mipela ol sampela lain long bikbus.

Tenkyu brata.

Ashan Jann Bahh
Madang, MP.

Kirapim Lens Bod bilong Is Sepik provins

Dia Edita,
Long Is Sepik provins tude yet nogat Provinsel Lens Bod long lukluk stret na makim ol gaun, em ol Stet Len husat i kisim na i no developim ol i noken wok long en.

Arthur Somare i toktok pinis na ol i mas makim wanpela Provinsel Lens Bod bilong Sepik provins.

Sapos yumi laikim developmen na yumi sindaun antap long Lens na 20 yia i kam bihain na yumi wokim wok long hap graun bai askim wanem samting bai wokim long papagraun.

Planti Stet Len o graun ol man i baim na kisim taitel tasol ol i no developim long 20 yia nau olsem na Lens Bod i mas lukluk long dispela na stretim o nogat kisim bek taitel na givim long ol arapela lain husat tru i ken mekim wok tru long developim graun na kamapim bisnis long provins.

Mi laik askim Gavana Arthur Somare long wok klostu wantaim asempli bilong em na toktok long kirapim Provinsel Lens Bod na Lens Projek.

John Krisosaki
Wewak, ESP.

Gavman noken raun tumas long ovasis

Dia Edita,
Komplen bilong mi olsem mani i sot long kantri bikos long ol dispela samting. Ol minista na sekreteri noken go long ovasis tumas.

Katim daun alawens bilong ovasis trip. Praim Minista holim gut mani na sekim gut ripot wantaim Fainens dipatmen.

Antap long dispela olgeta minista na seketeri mas i gat gutpela as long raun.

Matt Dedeboh Holeyah
Banz, WHP.

VOTIM AUT KORAPTSSEN!!



Koraptsen i bagarapim yumi.. Helpim pait agens Koraptsen!!

Komyuniti Kolisen agens Koraptsen igo pas long dispela wok.

WANTOK

TREID DAIREKTRI

Sapos yu laik putim nem o sevis bilong kampani bilong yu long Treid Dairektri, ringim BONNER HUI long Ph: 325 2500 or Fax 325 2579 EMAIL: wordadvertising@global.net.pg

EYEGGLASS SPECIALS


SED OPTICAL

If you are looking for an eyeglass with your prescription in sturdy frames that will last a long time.

On Unbeatable Prices
Hurry while stocks last!

Call us now or come in and see for yourself at **SED OPTICAL** 2nd Floor Garden City, Bko

Ph: 325 6433 Fax: 325 6692
Email: sedltd@daltron.com.pg

LODGE

Kiunga Lodge

Small quiet motel situated in the heart of Kiunga 16 Air-conditioned Rooms, all with cable television and bar fridge. Price includes Dinner and Breakfast. Guests staying more than one night will receive a Packed lunch for second and subsequent days.

Only K120.00 per night including VAT

Ph : 548 1127 / 548 1045

Fax: 548 1069

Email: kss online.net.pg

ELECTRICAL & ACCESSORIES



Call in and see us For all your electronic needs

- * Spare Parts
- * Tools
- * Equipments
- * Repair to TVs, Radios, etc

We are located at the corner of Wards Road and Spring Garden Road, Hohola, NCD.

Ph: 325 1952 Fax: 325 4743

GOLD BUYERS

Gold Buyers - Metals Refining Operations

Offering the best price in PNG. No middle-man involved.

Come and sell your gold direct to the refinery.

Location: Section 451, Allotment 2, Kwila Estate, Cameron Road, Waigani

P.O. Box 3980, Boroko, NCD.

Papua New Guinea

Ph: 325 2647; Fax: 325 2959

Website: www.metalsrefining.com.pg

MINING EQUIPMENT

Alluvial mining equipment for sale

Gold dredges, Pro 2.5inch, Pro 3inch, Pro 4inch, Pro 5inch & Pro 6inch

High Banker combo, Super Metal Detectors
Sluice & Pans, Gold Wheel, Rock Crushe
Mercury retort

Field Service trip, Consultation Service

Gold Buying

Equipment Demonstration every Tuesday and Thursday.

CONTACT GOLD PAN

POM: Phone- 323 6052; Fax: 325 2959

Wewak: Phone/Fax - 856 1466

Gold Buyers - Metals Refining Operations

MANAGEMENT SERVICES


MANPOWER

Management Services Limited
(Fast and Efficient Service)

- Training & Localisation programs
- Work Permits
- Visas
- Company incorporations
- IPA Certifications
- State of the Art Database
(Reminders automatically remitted)

Contact: **Geraldine, Liz, Faith**

Telephone: 321 5491 / 321 5492

Facsimile: 321 5493

Email: manpower@daltron.com.pg


ISLANDS HR MANAGEMENT SERVICES LTD

A bridge to your future career
Specialise in the following activities

- HR Management
 - Business development
 - Rural / NGO Funded projects
 - Training & Localisation
 - Recruitment & Labour Hire
 - Passport & Work Permits
 - Secretarial Service
- We are located at
Suit 8 Level 1 Garden City, Angau Drive, Boroko
Email: islandshrmc@datec.net.pg
PO Box 889, Boroko, NCD
Ph: 323 4955; Fax: 323 4799

MEDICAL PRODUCTS

BIO-NORMALIZER

A Product of Scientific and Medical Research by Dr Jame Akira Osafo, a Japanese renowned Scientist and Doctor.

A PRODUCT THAT HAS ABILITY TO CURE:

Diabetes, Disease of the Liver, Heart, Kidney, Hepatitis A, B, Paralyze, Epilepsy, Stress, Mental Disorder, High Blood Pressure and much more.

This Nutracentual product is totally safe and use by various age group including pregnant mothers, new born babies, etc...

For more information Phone/Fax:

323 1712

Our Office:

Champion Parade -Town

Garden City Ground Floor

PLANTS



- Plants for Sale
- Hire Plants
- Garden
- Maintenance
- Plastic Pots
- Manure

Manure K8.00
Potting Mix K25.00
Open Saturday 9am to 12noon

Ph/Fax: 325 5049

SECONDHAND CLOTHING

FRIENDTEX LTD WHOLESALE
P.O. Box 5049, BOROKO, NCD
Ph: 323 1471 Fax: 323 1479

NEW ARRIVALS and stocks in hand

Jeans, Skirt Pants, Floopy, Hennaed Shorts, Blue Jeans, Collar T/S, Pollo T/S, Bedsheets, Golf T/S, Bedsheet/Pillow case, Cut Jeans, Childre Mix, Baby Ramage, Printed colour T/S; Work wear, Flannel Shirts, Skirts, Socks, Mix Shorts, Jeans Shorts, Bra, Light Zipper Jackets, Shoes, Blankets, Cargo Pants/Shorts, Brown bales Mix 200kg

Come and see what we've got in our wholesale
Location: **Kenmore Trade Centre Unit 11, next to Amotts Biscuit Factory, off Cameron Road, Gordons, N.C.D**

TAILORING

Morning Star Tailoring


P.O. Box 835 Waigani
We are specialised in:
• Male & Female Atire formal Wear
• Dress Wear
• Bridal Wear
• Office Wear
• School Uniforms
• Alteration & Repair
See us at: 4mile

above Shell Service Station

Tel/Fax: (675) 323 6222

TRANSLATION

TRANSLATION
WORD PUBLISHING IS OFFERING
TRANSLATION SERVICES,
TRANSLATE ENGLISH TO
TOK PISIN & MOTU

FOR MORE INFORMATION CALL BONNER HUI ON
PHONE 325 2500 OR

FAX 325 2579.

EMAIL: wordadvertising@global.net.pg

VANILLA

VANILLA SAFFRON IMPORTS (USA)

is now buying Sun Cured vanilla beans in PNG.

We offer the best price for quality Vanilla Beans.

If you have your Vanilla Beans ready, contact the Facilitator on Fax/Ph: 326 2760

WATER PIPES

Port Moresby Pipes Limited
Tel: 325 3258 Fax: 325 2635
Email: nick@daltron.com.pg

MARCH CASH SPECIAL

40mm DWV	K25.55	length	5.85m
50mm DWV	K44.44	length	5.85m
100mm DWV	K67.77	length	5.85m

Sell: Electrical Conduits
Pressure Water Pipes, all sizes

MANUFACTURERS & SUPPLIES OF PVC PIPES AND PLUMBING FITTINGS

X-RAY SERVICES

PORT MORESBY IMAGING LTD
X-Ray Ultrasound Scanning
For Employment/Visa/School Medicals

- WE ARE FAST
- WE ARE EFFICIENT
- WE ARE THE BEST

Location: Dr. Mola's Hospital, Taurama Road
Phone: + (675) 325 1140

Fax: + (675) 325 9740

Email: atanu@online.net.pg

SECURITY

Exsel Security
Ex-PNG & British Servicemen

Tel: 323 9101 - Fax: 323 9109 Email: exsel@global.net.pg

PROPERTY & PERSONAL PROTECTION

• Your Property Checked 2-3 times Every Night

We leave a calling card every visit report on your guards resolve emergencies

• 24 hrs x 7 days Armed "Rapid Response Unit"

Day or night we come to your aid in the event of;

An intruder or life threatening issues, Shoplifters or employee theft

You need urgent security.

If you are arrested any emergency

Whatever the emergency - at work, at home or out and about in N.C.D.

Whatever the reason - personal safety, medical, fire, theft, vehicle theft/breakdown etc ...

You can call us 24 hrs x 7 days and we will be there, fast! To take command of your security issue, whatever it is. For your peace of mind we can leave security with you after the issue, if needed.

Membership - Commercial K100 per week first property

K75 per week extra property

- Domestic K50 per week first property

K25 per week extra property

JOIN NOW! AVOID THE TRAUMA. DON'T TAKE THE RISK & JOIN AFTER AN EMERGENCY

OTHER SERVICES

Tourist security escorts - rent-a-guard-body-guards - static guards

Sabumei i mekim nem long atletik

• Riana Sabumei (raithan) na poro bilong em Winae Waro i soim sampela long ol 14 medal em Riana i winim long ol resis. Foto: SAPE METTA



SAPE METTA i raitim

ATLETIK em wanpela spot i wok long kamap bikpela insait long Isten Hailens. Planti ol yangpela pikinini na tu skul sumatin long Goroka i subim het long dispela spot.

Wanpela bilong ol dispela yangpela sumatin em Riana Sabumei. Em bilong Bena Bena insait long Isten Hailens yet na em i skul long Not Goroka Praimeri skul.

Yanpela Sabumei em i sempion rana long junia na Anda 16 divisen long skul atletik insait long Isten Hailens na tu long Nesenel Skul atletiks

resis. Sabumei i winim pinis 14-pela gol medal long atletik. Em i bin ran resis long Goroka, Lae, Markham, Kimbe, Simbu na Rabaul.

Yangpela meri Bena Bena i no hait. Nogat planti ol nesenel kosa nau i tingting strong long lukim em i resis long bikpela sempionship. Nesenel Atletik Kosing Dairekta long Nesenel Spots Institut (NSI) Peter Aglua nau i save lukautim em long ol trening. Em i save putim em long ol strongpela kompetisen long 100m, 200m na 400m.

Aglua i tokim *Wantok Nius* olsem Sabumei bai i kamap olsem wan-

pela nesenel junia representativ rana sapos em i go het yet long kamapim ol gutpela ran bilong em.

Em i tok skul i wok long kamapim gutpela trening program bilong atletik na i wok long bungim ol sumatin insait long dispela spot.

"Na Sabumei i wanpela long ol dispela sumatin husat i wok long t ren hat tru na i wok long mekim nem insait long skul atletik kanivel long junia divisen," Aglua i tok.

Em i tenkim Spotmasta bilong Not Goroka Soro Kuriba long hat wok long trenim na bringim kamap Sabumei na tu ol arapela poromeri bilong em long atletik spot.

Neibas na Telikom go pas long Fairfax volibal

PAUL ZUVANI i raitim

BIHAIN long 4-pela raun long Pot Mosbi Fairfax Volibal kompetisen bilong ol meri, Esi Loan Neibas na Telikom nau i go pas long kompetisen lata wantaim 12-pela poin.

Na bihain long tupela em United Dolphins long 9 poin, na Sharks long 8 poin. Fresh Hits i stap long 7 poin na Mixers 5, Arnotts IPA, CAA, Baramanu, Fire Fox na ATW i gat 4 poin na go daun.

Telikom em i sempion bilong wimen volibal long Pot Mosbi. Ol i winim 9-pela gren fainel taim NCD volibal kompetisen i stap na nau ol i kalap i go na joinim Pot Mosbi Fairfax.

Neibas i joinim dispela tim namba wan taim. I luk olsem ol

tasol bai putim strongpela salens long Telikom. Sapos ol ino inap Telikom bai holim yet taitel bilong em.

Na long dispela wiken, bai i gat sampela gutpela pilai i kamap. Namba wan na bikpela pilai long wiken bai stap namel long Bismark Sharks na Boomers. Na arapela gem em namel long Dolphins na Neibas. Bismark, Neibas na Dophins olgeta i winim pilai bilong ol long las wik na bai lukluk long skruim dispela win bilong ol.

Dolphins i nilim Fresh Hits 3-0 sets, Neibas i nekim IPA 3-1 sets na Sharks i hamarim ATW 3-1 sets.

Long pilai bilong Sharks wantaim Boomers long dispela Sarere kos John Paliau i tok em i bilip ol bai winim dispela pilai.

Em i lukim olsem sait bilong em i gat pawa long daunim

Boomers.

"Mi no lukim bikpela hevi long mipela i pilai wantaim Boomers. Mi ting mipela bai pilai gut na win. Sapos ol i kam ol i nogat gutpela save long stretim sait bilong ol," Paliau i tok.

"Mipela bai pilaim wankain pilai bilong mipela olsem ol hita, blok na seta bai mekim wok bilong ol.

"Mi gat hitas Heras Mera, bloka Marie Sikouia na seta Theresia Paliau long go pas long dispela pilai.

"Tasol mipela i no daunim tumas ol Boomers. Mipela bai pilaim gem bilong mipela tasol wankain taim tu bai putim waslong ol i no ken abrusim mipela.

"Ating eksperiens bai i bikpela strong bilong mipela long win".

Wewak bai holim Kwin na King soka tonamen

WEWAK Futbol Asosiesen (WFA) bai holim namba wan Kwin na King soka tonamen bilong ol yangpela pikinini long mun Jun.

Presiden bilong WFA John Sliviak i tokim *Wantok Nius*

long dispela wik olsem wanpela spoting bodi long provins, WFA i gat wok long skulim ol yangpela long gutpela pasin bilong pilai soka.

Dispela Kwin na King soka tonamen em bilong ol pikinini kris-

mas bilong ol inap long siks (6) na i go antap long 12.

Sliviak i tok olsem WFA i askim olgeta yangpela mangi long kamap long dispela soka tonamen.

Dispela tonamen i

no bilong ol skul pikinini tasol nogat em bilong olgeta lain.

Presiden i tok olsem dispela soka tonamen bai ran long moning semtaim we WFA bai holim Anuel Jenerel Miting bilong em.

WINIM K250 PRAIS MONI

PAINIM BAL RESIS NAMBA 4



RUL BILONG PILAI"


1. makim X long poto yu ting bal i stap long en
2. makim X long pen tasol.
3. Katim poto long sisos na salim long **PAINIM BAL RESIS NAMBA 2**
Wantok niuspepa. P.O. Box 1982, Boroko NCD.
4. Nambawan entri i makim stretpela hap bai i stap, em bai win.
5. Las de bilong kisim ol entri em pinis bilong olgeta mun.
6. Long Wantok bilong Januari 30 bai gat niupela K250 prais moni resis. Bai gat reisi bilong olgeta mun i go inap mun Desember 2003
7. Disisen bilong komiti i makim wanpela wina em fainol.
8. Wina bai kisim sek mani, na i no long kes moni.
9. Sapos nogat wina bai skruim win moni i go antap long nara-pela resis.
10. Yu ken salim moa longwanpela entri, tasol noken yusim poto kopi.
11. Ol wokmanumeri na pikinini bilong Wantok niuspepa i no stap long dispela resis.

Raitim nem na adress bilong yu long hia

Nem:.....

Adres:.....Krismas:.....





Painim Bal Wina Namba 3 i kisim sekmoni

Nelly Eovo wina bilong Painim Bal Resis Namba 3 i kisim prais moni K250 bilong em long Jeremy Burgess Jeneral Menesa bilong Word Publishing. Lukluk istap em Veronica Hatutasi, asisten edita bilong Wantok Niuspepa. - *Poto: Joe Ivaharia*

Yu tu i ken winim dispela prais moni sapos yu traim laki bilong yu long dispela Painim Bal resis. Em isi tru, Baim Wantok niuspepa tasol na sekim dispela resis insait na pilai. Putim mak bilong yu long we yu ting bal istap na raitin nem bilong yu na salim i kam tasol long Wantok niuspepa. Gut Lak!!

Ol Spot Dro

Toksave

WANTOK NIUSPEPA i laikim ol part-time niusman long salim nius na poto bilong sofbol stori i kam long bikpela senta olsem Mt Hagen, Lae, Goroka, Madang, Wewak na Wes Nu Briten. Sapos yu ting olsem yu ken helpim Wantok Nius long dispela wok, plis ring na toksave long Spot Edita long dispela telefon namba 325 2500 o fex long 325 2579. Nogat yu rait long dispela adres: Spots Edita, Wantok Niuspepa, P.O. Box 1983, Boroko, NCD. Email adres em: word@global.net.pg: Attention: HENRY MORABANG.

VOLLEYBALL FAIRFAX 2003 Saturday and Sunday 24th & 25th May, 2003

Taurama Leisure Centre (TLC) Volleyball Courts

Saturday 24th May

Court One (men A reserve 'n' A GRADE)

0800 Esi Loan Neibas vs Boomers (MAR)
0915 ATW vs Mixers (MAR)
1030 Fire Fox vs United Dolphins (MAR)
1145 CAA vs Baramanu (MA)
1300 Arnotts IPA vs Mixers (MA)
1415 Esi Loan Niebas vs United Dolphins (MA)
1500 Boomers vs Bismarck Sharks (MA)

Court Two (women A reserve 'n' A Grade)

0800 Fresh Hits vs United Dolphins (WAR)
0915 Esi Loan Neibas vs YWCA (WAR)
1030 Bismarck Sharks vs Baramanu (WAR)
1145 Esi Loan Niebas vs United Dolphins (WA)
1300 Boomers vs Bismarck Sharks (WA)
1415 ATW vs Baramanu (WA)
1500 Fire Fox vs Arnotts IPA (WA)

Sunday 25th May

COURT 1 (men A reserve 'n' A Grade)

1000 Fresh Hits vs Telikom (MAR)
1115 Arnotts IPA vs Bismarck Sharks (MAR)
1230 CAA vs Baramanu (MAR)
1345 Fresh Hits vs Raukele (MA)
1500 Fire Fox vs Telikom (MA)

COURT 2 (women A reserve 'n' A Grade)

1000 CAA vs Arnotts (WAR)
1115 Fire Fox vs Telikom (WAR)
1230 Mixers vs United Dolphins (WAR)
1345 Telikom vs Mixers (WA)
1500 CAA vs Baramanu (WA)

PORT MORESBY RUGBY LEAGUE

ROUND ONE

Lloyd Robson Oval

Saturday 24th May, 2003

Time Grade Fixtures

1030 B Brothers vs Waliya
1200 B Defence vs Tarangau
1330 B Royals vs Souths
1500 A Defence vs Tarangau

Sunday 25th May, 2003

0930 B Magani vs Kone Tigers
1100 A Brothers vs Waliya
1300 A Magani vs Kone Tigers
1500 A Royals vs Souths
bye: Dobo Warriors

PORT MORESBY SCHOOL SOCCER ASSOCIATION DRAW

DRAW - Saturday 24th May, 2003

Under 7 - Oval 4

0800 St Josephs vs Ela Beach IEA
0840 Boroko East A vs Gordons IEA
0920 Noblette vs Boroko East IEA B
Bye: Murray IEA

Under 8 - Oval 3

0800 Boroko East IEA A vs Ela Beach IEA
0840 St Josephs vs Noblette
0920 Boroko East B vs Murray IEA
Bye: Gordons IEA

Under 9 - Oval 5 Rescheduled Draws as of 6/5/03

0800 Murray vs Korobosea A
0840 Ela Beach vs Korobosea B
0920 Ela Murray vs Boroko East
1000 St Theresa vs Sacred Heart
1040 Noblette vs Boroko Salvos
1120 St Josephs IEA B vs Boreboa

Under 10 Oval (9/Main Stadium)

0800 Boreboa vs St Josephs
0840 Sacred Heart IEA vs St Theresa
0920 Noblette vs POM Grammar
1000 Boroko Salvos vs Korobosea B
1040 Bambi vs Gordons IEA
1120 Ela Murray vs Korobosea IEA A

Under 11 Oval (10/Main Stadium)

0800 Ela Murray IEA vs Korobosea IEA A
0840 PNGCA vs Bambi
0920 St Theresa vs St Josephs
1000 Korobosea IEA B vs Boroko Salvos
1040 Sacred Heart vs Gordons IEA

Under 12A Oval 2A

0800 Noblette vs St Peters Channel
0850 Sacred Heart vs Gordons IEA
0920 Bavaroko Primary vs POM Grammar
1000 St Josephs vs Boreboa

Under 12B Oval 2B

0800 Sacred Heart vs Korobosea B
0850 Waigani Primary vs Boroko Salvos
0920 Ela Murray vs Korobosea A
1000 Noblette B vs St Theresa

Under 13B Oval 6

0800 Ela Murray vs Boroko Salvos
0850 Sacred Heart vs Gerehu Primary
0940 PNGCA vs Korobosea IEA
1020 St Theresa vs Kaugere Primary

Under 13A Oval 6

1110 Boreboa vs Sevese Morea
1150 Bomana DLS vs Korobosea IEA
1240 St Josephs vs Eki Vaki Primary
1330 Gordona IEA vs Bambi Primary

Under 14B Oval 7

0800 Kilakila Primary vs Gerehu Primary
0850 St Pauls Primary vs Korobosea IEA
0940 Waigani Primary vs New Erima
1020 Eki Vaki vs Philip Aravure

Under 14A Oval 7

1110 Korobosea IEA vs St Peters
1150 Holy Rosary vs St Theresa
1240 Gordons IEA vs Sacred Heart
1530 Ela Murray vs Koki Primary

Under 15B Boys - Oval 7

1045 Kilakila Primary vs Bomana Primary
1145 Korobosea IEA vs Holy Rosary
1245 Waigani Primary vs St Pauls Primary
1345 Philip Aravure vs Gordons IEA
1445 Gerehu Primary vs St Theresa (Oval 6)

Under 15A Boys

1545 Sacred Heart vs Boreboa (Oval 7)
1415 Eki Vaki vs POM Inter
1515 Kaugere vs Bavaroko
1430 New Erima vs Sevese Morea

Under 15A Girls Oval - Main Stadium

1000 Sacred Heart vs St Pauls
1100 Holy Rosary A vs New Erima
1200 Boreboa Primary vs St Theresa
Bye: Sevese Morea

Under 15B Girls Oval 2

1300 Bomana Primary vs Bavaroko Primary
1400 Holy Rosary A vs Eki Vaki Primary
1500 Waigani Primary vs Philip Aravure
1600 Gerehu Primary vs Bambi

Under 16B Boys Oval 1 (Main Stadium)

1630 POM Grammar Las Salle vs PNGCA

Sunday 25th May, 2003

Under 16A Boys (Oval 6)

0800 Gerehu High vs Tokarara High
0900 Gordon Sec A vs De La Salle High
1000 POM Inter vs Badihagwa

Under 16 B Boy

0800 Jubille Sec vs Kilakila Sec
0900 Gordons Sec vs De La Salle Sec
1000 Laloki High vs Jubillee

Under 17A Girls Oval 2

0800 Kilakila Sec vs Gordons Sec
0900 Gerehu High vs POM Inter
1000 Badihagwa vs Laloki High Sec

Under 17B Girls -Main stadium

0800 Jubille vs Gordons Sec
0900 Tokarara High vs Marianville
1000 Badihagwa High vs Iarowari High

Under 17 B Boys - Oval Main Stadium

0900 De la Salle vs Kilakila
1000 Jubille vs Laloki
Bye Iarowari High

Under 17A Boys - Oval Main Stadium

1100 POM Inter vs Tokarara High
1200 Gordon Sec vs De La Salle
1300 Badihagwa vs Gerehu High

Note: All schools must ignore time and ground allocations in their draws to changes. Please ring John Mogi on Ph: 326 0722 to confirm

PORT MORESBY ABAU TOUCH RUGBY Season Proper

UNIVERSITY OVAL

Sunday 25th May 2003

0900 Tigers vs Broncos
1000 Storms vs Roosters

1100 Rabbitohs vs Warriors
1200 Raiders vs Cowboys
1300 Dogs vs Sharks
1400 Knights vs Eagles
Bye: Eels

WEWAK FOOTBALL ASSOCIATION

Saturday 24th May, 2003

GROUND ONE - Under 16 Division

0800am P/Shark vs S/United
0845am Wewak United vs Yagumbi
0930am N/Hawks vs KTC
1015am Kreer Heights vs Wirui Saints
1100am BC Medics vs Wewak Eels

Ground One Under 23

1145 Kreer Heights vs Wewak Eels
1305 Caltex vs S/United
1415 N/Hawks vs R/Yagumbi
1525 BC Medics vs Wirui Saints
bye Wewak United

GROUND TWO - Under 14

0800 MC Medics vs Wewak Eels 2
0845 Kreer Highes vs Wewak Eels 1
0930 N/Hawks vs Wewak United
bye Wirui Saints
Under 19
1015 BC Medics vs S/Survivors
1125 Brandi S/H vs Kreer Heights
bye Eastenders

DIVISION ONE

1235 KTC vs Sepik United
1345 Nuigo Hawks vs S/Survivors
1455 Caltex vs R/Yagumbi
1605 BC Medics vs P/Sharks

SUNDAY 25th May, 2003

Ground Two - PREMIER 2

0930 Brandi Sec High vs Niugo
Hawks
1040 Eastenders vs Sepik United
1150 Kreer Heights vs Wirui Saints
1300 Kaindi TC vs Wewak United
1410 P/Sharks vs Wewak Eels

WOMEN

1520 BC Medics vs Niugo Hawks
1610 Caltex vs Skippers

GROUND ONE - PREMIER ONE

0930 BC Medics vs Kreer Heights
1100 Brandi H/S vs Wirui Saints
1230 Caltex vs Wewak United
1400 Eastenders vs Wewak Eels

GROUND ONE - WOMEN

1530 Eastenders vs Wewak United
1620 Kreer Heights vs Wirui Saints 2
1710 P/Sharks vs Wirui Saints 1

WANTOK SPOTS

Soka i tokaut long Fiji Gems tim

HENRY MORABANG i raitim

PAPUA Niugini Futbol Asosiesen (PNGFA) bai mekim welkam amamas bilong mausman bilong FIFA na presiden bilong Osenia Futbol Konfederesen Basil Scarsella taim em i kam long Pot Mosbi tude.

Scarsella i makim maus bilong presiden bilong FIFA Joseph Blatter long kam witnessim opening bilong nupela PNGFA hetkwata na akademi long Fenridge Estate, 11-mile, klostu long Lae, Morobe provins. Praim Minista Sir Michael Somare bai opim dispela akademi long Sarere moning. Ogenaising komiti bilong PNGFA Inauguration long Pot Mosbi Fabian Chow i bilip olgeta samting bai go stret olsem long program taim bikman bilong soka i kam long Pot Mosbi tude.

Chow i tok Scarsella bai stap wanpela de long hia na bihain em bai lusim Pot Mosbi na go long Lae tumora long redi long bikpela opening.

Ol sampela lain bai kam wantaim em Tautulu Roebuck (vais presiden), Adrian Wickham (Solomon Ailan) na Jenerel Sekretari bilong OFC Josephine King.

Na long arapela soka stori, PNGFA i tokaut long 21-memba tim bilong em long go pilai long Saut Pasifik Gems. Teknikel Dairekta bilong PNGFA Stephen Cain husat i go pas long kosing i tokim *Wantok Nius* olsem dispela tim em i makim wantaim ol nesanel kosa bihain long trening long Pot Mosbi na Lae.

Cain i tok planti ol pilaia i yangpela na i gat eksperiens. Ol pilaia i kam long tupela tim olsem Anda 20 tim na nesanel sinia mens soka tim. Dispela Anda 20 tim i go pilai long Vanuatu las Disemba na sinia men's tim long namel long las yia. Teknikel Dairekta i tok em i gat bilip tru olsem ol dispela pilaia ol i makim bai pilai gut long SP Gems. Em i tok astingting bilong makim ol yangpela pilaia em long tingim ol arapela Wol Kap kwalifaia gems we bai i kamap bihain long SP Gems.

Kepten bilong tim em Richard Daniel na namba tu bilong em Russell Inai. Lista bilong ol pilaia em David Aua, Tapas Posman, Ludwig Bai (goalkeeper), Richard Daniel- captain, Russel Inai - vice captain, Ricky Mesak, Yanding Tomda, Kialou Pouru, Andrew Lepani, Brian Tuhiana, Alex Davani, Chique Posman, Michael Foster, Armstrong Peka, Enoch Abraham, Reginald Davani, Mauri Wasi, Ravu Habuka, Paul Kamboi, Jonah Malus, Desmond Sow na Nathan Pomat.

(Lukim 4-pes saplimen bilong Soka Akademi insait)

Aussie ruls kirap gen long Rabaul

WALTER DARIUS i raitim

NAMBA wan gem long Australia, Aussie Rules, nau i wok long painim bek spes bilong em long ol senta insait long Papua Niugini.

Rabaul nau i tingting long kirapim bek dispela spot bihain long em i stap sampela taim i go pinis.

Ol eskejutiv bilong Is Nu Briten Futbol Rules Asosiesen i askim ol pilaia, opisel na tu ol pelapa pilaia

long kam givim sapat long kirapim dispela spot. Rabaul i gat nem wantaim ol senta Lae na Pot Mosbi long pilai ruls. Ol i tok olsem dispela yia long kalenda bilong AFL-PNG i gat sampela ovasis pilai bai kamap. Olsem na Rabaul i mas kirapim gen rules futbol long salim sampela lain i go pilai long sempionsip.

Pomio insait long Is Nu Briten i kirapim pinis kompetisen bilong ol bihain long wanpela asples man, Henry Pare i wokim nem na stap insait long PNG Mosquito tim we i pilai long Wol Kap las

yia. Ol selekta i no makim wanpela pilaia bilong Rabaul, Kokopo na Gazel long dispela nesanel tim.

Presiden bilong Is Nu Briten Ruls Futbol Nicholas Baroro i tok asosiesen bilong em i gat 4-pela tim Wests Tigers, Saints, Bulldogs na Tisa Jets. Dispela ol klab i hatim trening bilong ol i stap.

Em i tok olsem olgeta pilai bai kamap long nupela spot fil klostu long Kokopo maket. Dispela fil em ragbi union na volibal i save pilai long em.

"Pomio bai salim tim bilong em yet. Na Is Nu Briten tu bai

salim tupela strongpela tim bilong em. Dispela em bai sans we ol nesanel selekta i ken lukluk long ol nupela pilaia na i no bilong Pot Mosbi na Lae tasol," presiden i tok.

Em i askim olgeta olpela pilaia olsem Michael Boma, John Aka, Bernard Manau na Justin Boksey long kam na helpim ol yangpela pilaia husat i regista nau wantaim ol dispela 4-pela klab. Ol opisel em Baroro (presiden), Pius Reva (sekretari), Robert Mapeo (tresera) na Boma (Pablisiti Opisa).

PNGSF sot yet long K300,000 long Fiji

PAPUA Niugini Spots Federesen (PNGSF) i sot yet long K300,000 long salim PNG tim i go pilai long Saut Pasifik Gems long Fiji.

Sekretari Jenerel bilong PNGSF Sir John Dawanincura i autim dispela toktok bihain em i kisim sampela helpim mani i kam long Lae Builders Company long Pot Mosbi long dispela wik. Lae Builders Company i givim K25,000 i go long PNGSF.

Em i tok sapos mani i sot yet, em bai katrim daun namba bilong ol tim i go pilai long Fiji.

Mausman bilong Lae Builders Company Alex Jani i tok kampani bilong em i amamas tru long sapatim Team PNG na tok gut lak long ol tim taim ol i resis long winim gol

medal. Em i tok kampani i luksave long hevi bilong PNGSF

long mani long Epril na nau ol i amamas long givim mani.

Sir John i tok i gat tupela moa sponsa husat bai tokaut

long helpim bilong ol long sampela taim bihain.



• Siaman bilong PNGSF Fanresing Syd Yates i kisim K25,000 mani long LBC brens menesa Alex Jani long dispela wik.

Arrow Brand Flour
Proudly made in PNG
PNG MADE
Likiik prais bisket oltaim! Always hits the spot!

Wantok

Digitized version made available by



Copyright: Under copyright

Rights Holder: Word Publishing Company Limited

Use: This digital version is made available from the UC San Diego Library under a license granted by the Word Publishing Company Limited. This digital copy of the work is intended to support research, teaching, and private study.

Constraints: This work may be protected by copyright law. Use of this work beyond that allowed by the applicable copyright statute requires the written permission of the copyright holder(s). Responsibility for obtaining permissions for any use and distribution of this work rests exclusively with the user and not the UC San Diego Library. Inquiries can be made to the UC San Diego Library program having custody of the work.

Note on digitized version: Some of the digital versions presented here reflects the quality and contents of the microfiche. Problems which have been identified include misfiled or out-of-order pages, illegible text; these problems have been rectified whenever possible.